

Thomæ a Kempis

D E

Christo Imitando.

L I B R I T R E S.

INTERPRETE

SEBAST. CASTELLIONE.

I N U S U M

JUVENTUTIS CHRISTIANÆ.



EDIDIT

ECCLESIAE ANGLICANÆ PRESBYTER.



BRISTOLIAE:

Typis F. F A R L E Y.

ANNO SALUTIS, MDCCXLVIII.

138. 2. 289.

Thomas & Kempson

D. E.

Christie's

LIBRARY

RECENT ACQUISITIONS



RECENT ACQUISITIONS

LIBRARY

RECENT ACQUISITIONS

LIBRARY



D E

CHRISTO IMITANDO.

LIBER PRIMUS.

C A P. I.

De mundanarum vanitatum contemptu.

QUI me sequitur, non ambulat in tenebris, sed vitæ lumen habet :

Hæc CHRISTI verba sunt, quibus admone-
mur, ut ejus vitam & mores imitemur, si verè collu-
strari, & ab omni cordis cæcitate liberari volumus.

Quamobrem CHRISTI vitam summo studio meditari
debemus.

2. Excellit fanè doctrina CHRISTI omnem omnium
sanctorum doctrinam :

Et si quis ejus spiritu præditus est, is abditum ibi
manna invenit.

Sed sit ut multi, quia CHRISTI spiritu carent, ideo
ex frequenti evangelii auditione exiguum cupiditatem
conciant.

Enimvero si quis CHRISTI verba plenè & cum voluptate vult intelligere, huic necesse est, ut omnem vitam suam secundum illum componere studeat.

3. Quid prodest ardua de Trinitate disputatio, si animi summissione careas, ideoque displiceas Trinitati?

Enimvero non ardua dicta sanctum iustumque reddunt hominem, sed studiosa vita DEO charum efficit.

Equidem peccatorum pœnitentiam sentire, quàm ejusdem definitionem tenere malim.

Si vel universas sacras literas, atque adeo philosophorum omnium dicta, memoriâ teneas, quid profunt ista omnia sine DEI charitate & gratiâ?

Vana vanitas, & omnia sunt vanitas, præterquam DEUM amare, eique soli servire.

Ea demum summa est sapientia, per mundi contemptum ad cœleste regnum tendere.

4. Vanitas est perituras quærere divitias, & in eis spem suam collocare.

Vanitas est & honores ambire, ac seipsum extollere.

Vanitas est & carnis cupiditates sequi, eaque appetere, quæ tibi deinde graves pœnas sint allatura.

Vanitas est longam vitam optare, & interim bonam vitam parùm curare.

Vanitas est præsentem duntaxat vitam intueri, & interim futura non prævidere.

Vanitas est ea diligere quæ summâ celeritate prætereunt, & illuc non festinare ubi sempiterna durat lætitia.

5. Memento frequenter illius proverbii: nec oculus visu, nec auris expletur auditu.

Quamobrem da operam, ut animum ab aspectabilium rerum amore abstrahas, teque ad inaspectabilia convertas.

Qui enim cupiditatibus suis obsequuntur, ii & animum suum peccatorum conscientia contaminant, & DEI gratiam amittunt.

CAP. II.

De Modestiâ.

1. Sunt omnes homines naturâ discendi cupidi: sed quid proteſt ſcientia religionis expers?

Eſt omnino vel viliffimus agricola, ſed qui DEUM colat, antepoſendus ſuperbo Philoſopho, qui ſeiſpo neglecto cœli curſum conſiderat.

Qui ſeiſpum probè novit, ſeiſpum parvi facit, nec laudibus delectatur humanis.

Si vel omnia quæcumque in toto orbe conſtant, ſciam, idemque DEI amore caream, quid mihi id profuturum eſt apud DEUM, qui de me ex factis meis iudicaturus eſt?

2. Superſede nimio diſcendi ſtudio, utpote quod animum multum diſtrahat atque decipiat.

Cupiunt enim ſuſpici docti, ſapientefque dici.

Jam verò multa ſunt, quorum ſcientia animo parùm, ne dicam nihil prodeſt:

Et valdè inſapiens eſt, qui aliis rebus incumbit, quàm iis quæ ad ipſius ſalutem conferunt.

Non fatiant animum multa verba, ſed mentem reficit vita bona, præſtatque homini bene ſibi conſcius animus magnam ad DEUM confidentiam.

3. Quantò tu plura melioraque didiceris, tantò graviores pœnas lues, niſi eò ſanctiùs vixeris.

Quamobrem noli ullâ vel arte vel ſcientiâ inſoleſcere, quin potiùs conceſſâ tibi rerum cognitione timidi-
or eſto.

Quòd ſi tibi multa ſcire multaſque percepiffe videris, ſcito longè plura eſſe quæ neſcias, ac ſuperbire noli, ſed potiùs ignorantiam tuam agnoſce.

Cur tu te cæteris antepoſas, cum multi te doctiores & legis peritiores reperiantur?

Si vis utiliter aliquid ſcire & diſcere ama neſciri, proque nihilo haberi.

4. Sui ipſius vera cognitio atque deſpectio, ea de-
mum ſumma eſt utiliſſimaſque eruditio.

Seque ipsum parvi, alios magni facere, & in precio habere magna est sapientia atque perfectio.

Si quem apertè peccare, aut grave aliquod facinus perpetrare videris, non idcirco meliorem te debes existimare :

Nescis enim quandiu sis in virtute perseveraturus.

Sumus equidem omnes fragiles : sed fragiliorem te existimato esse neminem.

C A P. III.

De doctrinâ veritatis.

1. Felix quem veritas non figuris vocibusque perentibus, sed ipsa per se uti est, docet.

Nam sæpe nos opiniones sensusque nostri fallunt, parùmque valent.

Quid prodest de occultis obscurisque rebus arguta disceptatio, quarum ignoratio nobis fraudi futura non sit in DEI judicio ?

Insignis fanè stultitia est, quòd neglectis utilibus & necessariis, ultro incumbimus curiosis & damnosis, usqueadeo oculis præditi, tamen non videmus.

2. Quid causæ est cur genera illa speciesque Dialecticas curemus ?

Quem enim æternus ille sermo alloquitur, is à multis opinionibus expeditur.

Nam ab uno sermone sunt omnia, & unum loquuntur omnia, estque hoc principium illud quod nos alloquitur, & sine quo nemo ritè rem intelligit aut judicat.

Cui verò omnia sunt unum, quique ad unum trahit omnia, & in uno videt omnia, is & animo esse constanti, & in DEO perpetuò acquiescere potest.

O veritatis DEUS, fac me unum tecum in charitate perpetuâ !

Tædet me sæpe multa legere & audire ; in te est quicquid volo & cupio : taceant doctores omnes : fileat omnis rerum natura in tuo conspectu : tu me solus alloquere.

3. Nam quantò quisque sibi conjunctior est, quantòq; magis secum habitans, minùs extra vagatur, tantò & plura

plura & altiora sine labore percipit, quippe qui intelligentiæ lumen supernè accipit.

Purus, simplex constansque animus in multa opera non distrahitur, utpote qui omnia ad DEI honorem faciat operamque det ut ab omni amore sui ocietur.

Quid enim hominem magis impedit atque vexat, quàm animi indomitæ perturbationes?

Bonus & religiosus homo antequam opera aggrediat, prius ipse secum consultat: neque se operibus suis ad vitiosas cupidines abstrahi patitur, sed eas rectæ rationis arbitrio inflectit.

Equidem nullum gravius certamen est, quàm seipsum vincere conari,

Atque hoc opus habere debemus, ut nos ipsos vincamus, & in dies nobis ipsis fortiores fiamus, semperque nonnihil in virtute proficiamus.

4. Omnis enim in hac vitâ perfectio imperfecti quidam sibi annexum habet, omnisque nostra veri perspicientia caligine non caret.

Est omnino humilis sui cognitio certior ad DEUM viam, quàm profunda scientiæ pervestigatio.

Neque tamen culpanda scientia est, aut cuiuspiam rei cognitio, quæ si ritè consideretur, bona est, & divinitus condita:

Sed ei semper antefendus est animus sibi bene conficius, & conjuncta cum virtute vita.

Sed quia plerique magis scire, quàm bene vivere student, efficitur ut plerumque errent, & penè nullum, aut certè exiguum fructum ferant.

5. Qui si tantam exhiberent diligentiam tum in vitiis extirpandis, tum in virtutibus ferendis, quantam adhibent in quæstionibus movendis, profectò nec in vulgo tot scelera flagitiaque perpetrarentur, nec in literatis tanta vitæ licentia vigeret.

Certè ubi venerit dies judicii, non quid legerimus, sed quid egerimus: neque quàm bene dixerimus, sed quàm religiosè vixerimus, exigetur à nobis ratio.

Agè jam, ubi nunc sunt omnes illi magistri primariique viri tibi, olim dum viverent studiisque florerent, noti?

Quorum nunc stipendiis alii fruuntur, qui fortasse de illis ne quidem cogitant.

Illi quidem dum viverent aliquid esse videbantur, nunc de eis filetur :

Fam citò perit humana gloria.

6. Si vitam scientiæ suæ consentaneam egissent, feliciter literis operam dedissent.

Quàm multi vanâ scientiâ pereunt in hoc seculo, quia DEI cultum parùm curant :

Quoniam magni, quàm demissi esse malunt, fit ut vanis cogitationibus utantur.

Verè magnus est qui magnam habet charitatem.

Verè magnus est, qui suo iudicio parvus, omne culmen honoris pro nihilo ducit.

Verè prudens est qui terrestria omnia pro stercorebus habet ut CHRISTUM lucrifaciat.

Et verè bene doctus est, qui DEI voluntatem exequitur, relinquitque suam.

C A P. IV.

De prudentiâ in rebus agendis.

1. Non cuivis dicto aut instinctui credendum est, sed cautè ac per ocium res est secundum DEUM ponderanda.

Sæpe malum, proh dolor! faciliùs quàm bonum de altero & creditur & dicitur : ita sumus infirmi.

Sed perfecti homines non cujusvis orationi credunt.

Quippe qui sciant infirmitatem humanam & ad malum proclivem & in verbis sæpe labentem.

2. Magnæ sapientiæ est, nec in agendo præcipitem esse, nec in eo quod semel animo concupiveris pertinacem.

Ejusdem sapientiæ est neque quibuslibet hominum verbis credere, neque audita aut credita mox in aliorum aures effundere.

3. Cum sapiente & religioso homine consilium inito, potiusque à meliore instrui, quàm ipse tua inventa sequi studeo.

Facit bona vita hominem sapientem secundum DEUM, & multorum peritum.

Quanto quisque submissiorem Deoque subiectiorem se præstat, tanto idem in omnibus est & sapientior est & pacatior.

CAP. V.

De sacrarum literarum lectione.

1. In sacris literis veritas, non eloquentia quærenda est, Debent eodem quo dictatæ sunt spiritu legi, Et in eis utilitas potius quam orationis subtilitas quæri:

Nec minùs libenter religiosos rudesque libros quàm arduos profundosque legere convenit.

Neque verò te scribentis autoritas moveat, utrum parvæ an magnæ literature fuerit: sed puræ veritatis amor ad legendum te attrahat: nève quis dicat, sed quid dicatur attende.

2. Intereunt homines, sed divina veritas durat in æternum: & nos nullâ personarum habitâ ratione variis modis alloquitur Deus.

Sæpe nos in literarum lectione impedit nostra curiositas, dum ea percipere ac discutere volumus, quæ simpliciter prætereunda essent.

Si fructum inde vis percipere, submissè, simpliciter, fideliter legito, nève scientiæ nomen unquam affectato.

Sanctos homines interrogare amato, eorumque dicta tacitus audito, nève seniorum figuratis verbis offenditor: neque enim temerè enunciantur.

CAP. VI.

De animi perturbationibus.

1. Quodcumque aliquid intemperanter appetit homo, statim animo redditur inquieto.

Superbus aut avarus nunquam quiescit, sed qui animo pauper & summissus est, is in altâ pace degit.

Qui verò animi perturbationes nondum planè necavit, is & facillè tentatur, & parvis etiam vilibusque rebus vincitur.

Infirmus animo, & adhuc nonnullâ ex parte carnalis & ad sensibilia propensus, seipsum à terrenis cupiditatibus totum abstrahere vix potest: ideoque dum abstrahit, sæpe cum dolore in facit, & si quis ei resistit, facilis irascitur.

2. Sin

2. Sin prosequutus est, quod concupivit, confestim peccati conscientia angitur, quia cupiditati suae obsequutus est, quae ad eam, quam quærebat, pacem, nihil profuit.

Igitur non serviendo, sed resistendo cupidinibus invenitur vera pax animi:

Existitque ea pax non in corde carnalis hominis, non in addicto rebus externis homine, sed in fervido & spiritali.

CAP. VII.

De vanâ spe fastuque fugiendo.

1. In hominibus cæterisque rebus creatis spem suam collocare, levitatis est.

Ne te pudeat aliis servire amore JESU CHRISTI, & pauperem in hac vitâ videri.

Noli teipso niti, sed in DEO spem tuam colloca.

Conare pro virili, & DEUS aderit bonæ tuæ voluntati.

Ne confide vel tuæ scientiæ, vel cujusquam mortaliū astutiæ, sed potius DEI favori, qui & submissos adjuvat, & insolentes deprimit.

2. Ne gloriare vel de divitiis, si adsunt, vel de amicis, si potentes sunt, sed de DEO qui & omnia præstat, & seipsum super omnia dare cupit.

Ne te extolle de corporis vel magnitudine vel pulchritudine, quæ vel levi morbo corrupta fœdantur.

Noli ipse tibi de dexteritate ingeniove tuo placere, ne DEO displiceas, cujus est quicquid boni à naturâ habes.

3. Cæteris meliorem te ne existimato, ne fortè apud DEUM, qui novit quid sit in homine, deterior habere.

Rectè factis superbire noli: nam longè alia sunt DEI quàm hominum judicia, quippe cui sæpe displiceat quod hominibus placet.

Si quid in te boni est, credito de altero meliora, ut animi submissionem retineas.

Vel omnibus seipsum subicere nihil nocet: at nocet vel uni seipsum præponere.

Summissus homo jugi pace fruitur: at superbi animus irâ & indignatione frequenter agitur.

C A P. VIII.

De cavendâ familiaritate nimîâ.

1. Non cuivis animum tuum aperito, sed cum sapiente ac religioso negotium tuum communicato;

Cum juvenibus autem & extraneis rarus esto.

Divitibus blandiri noli, nève cum magnatibus libenter versare:

Quin te modestis & simplicibus, religiosis, beneque moratis affociato, conducibilia tractato.

Mulieri nulli familiaris esto, sed in universum omnes bonas mulieres DEO commenda.

Soli DEO ejusque angelis familiaris esse optato:

Hominum quorundam familiaritem evitato.

2. Charitas habenda est erga omnis: sed cum omnibus inire familiaritatem non expedit.

Quandoque accidit ut ignotus aliquis secundâ famâ clarus sit, idem postea cognitus ac præsens vilescat obscuriorque fiat.

Putamus aliquando nos aliis initâ familiaritate placituros, à quibus ubi morum nostrorum improbitas animadversa est, eis magis etiam displicemus.

C A P. IX.

De obedientiâ & subjectione.

1. Permagnum est alterius imperio subiectum vivere, neque sui juris esse:

Multo tutius paretur quam imperatur.

Multi necessitate magis quàm charitate obediunt, iidemque id cum labore faciunt, & facilè murmurant, nec mentis libertatem adipiscuntur, nisi & ex animo & propter DEUM sese dicto audientes præbeant.

Quocunque te vertas, nullam usquam, nisi in alterius imperio modeste ferendo, quietem invenies.

Multos fefellit locorum imaginatio atque mutatio.

2. Agit equidem quisque libenter arbitrio suo, & in eos qui secum sentiunt propensior est.

Verum

Verùm si inter nos versatur DEUS, omnino cedendum est aliquando nostrâ sententiâ propter bonum pacis.

Quis enim ita sapit, ut omnia sciat?

Quare noli nimis tuæ sententiæ confidere: sed aliorum quoq; iudicium libenter audito.

Quòd si bonam alioquin tuam sententiam, tamen propter DEUM missam feceris, aliamque sequutus fueris, magis inde proficies.

3. Audiui sæpe, tutiùs esse audire & accipere consilium, quàm, dare.

Fieri enim potest ut sit alioquin bona cuiuspiam sententia, & tamen si idem aliis, dum id ratio aut causa postulat, obtemperare nolit, hoc argumento superbiam pertinaciamque suam ostendat.

C A P. X.

De cavendâ familiaritate verborum.

1. Hominum turbas, quoad id fieri potest, caveto:

Multum enim officiunt qui de rebus mundanis vulgò haberi solent sermones, etiam si alioquin à simplici animo profiscantur.

Facile enim vanitate capti inquinamur, fitque sæpe ut me tacuisse, & in turbâ non fuisse optem.

Quòd si causa quærat, cur tam libenter inter nos colloquamur & confabulemur, cum tamen rarò finè conscientiae labe aliquâ ad silentium redeamus, hanc esse comperietur, quòd ex frequentibus colloctionibus solatium aucupamur, & fatigatum diversis cogitationibus animum relevare cupimus:

Quantò quidque vehementiùs diligimus & avemus, quantòve quidque nobis magis adversari sentimus, tantò magis de eo loqui libet & cogitare, idque plerumque frustra.

Nam hæc exterior consolatio interiori divinæque consolationi non exiguum detrimentum affert.

Itaque vigilandum orandumque est, ne tempus ociosè transigatur:

Quòd si loqui libet & expedit, utilia loquere.

A garriendo detertere nos illud maximè debet, quòd & vitiosa est consuetudo garriendi, & profectum nostrum remoratur.

Cæterum conducit non parum ad proficiendum in rebus divinis religiosa de eis collocutio,

Præsertim ubi homines animo spirituque similes interfese in Deo copulantur.

CAP. XI.

De pace consequendâ, studioque proficiendi.

1. Possemus altâ pace frui, nisi aliorum dictis & factis, quæ nostræ procurationis non sunt, occuparemur.

Sed quî possit is in pace diu degere, qui se alienis curis immiscet?

Qui occasiones foris quærit? qui vel parum vel raro sese intus colligit?

Beati simplices: nam ii multam pacem assequuntur.

2. Jam verò cur quidam sanctorum ita perfecti, itaque divinarum rerum contemplationi addicti extiterunt?

Nimirum quia terrenas cupiditates omnes enecare studuerunt, ideoque totis animi sensibus Deo adhærere, liberèque vacare potuerunt.

At nos animi nostri perturbationibus nimium occupamur, rebusque caducis nimium sollicitamur.

Rarò etiam vel unum vitium perfectè vincimus, & ad quotidianum profectum non accendimur: ideoque frigidi & tepidi manemus..

3. Si nobis ipsis planè mortui, interius minimè impliciti teneremur, fieret profectò ut divina sentire, cœlestiumque rerum contemplationem nonnihil experiri possemus.

Est omnino maximum, ne dicam omne impedimentum in eo positum, quòd ab animi perturbationibus & cupiditatibus non sumus liberi, nec perfectam sanctorum viam conamur ingredi.

Quòd si quando vel tantulum rerum adversarum occurrit, nimis facilè dejicimur, & ad humanas consolationes nos convertimus.

4. Quòd si, ut viros fortes decet, in prælio stare niteremur, non dubium est quin auxilium nobis de cœlo mitti videremus.

DEUS certantes, suumque favorem sperantes paratus est adjuvare.

Nobis certandi occasiones procurat ut vincamus.

Quòd si in exterioribus duntaxat rebus istis præstandis gressum religionis collocaverimus, brevi finem habitura est nostra religio.

Radici admovenda est securis, ut à cupiditatibus expurgati, pacatum animum adipiscamur.

5. Si vel unum vitium quotannis extirparemus, citò perfecti viri efficeremur.

Nunc contrà fit, ut sæpe nos initio correctionis nostræ meliores purioresque fuisse deprehendamus, quàm post multos professionis annos.

Quò fit ut cum debeat ardor progressusque noster indies crescere, magnum judicemus, si quis ardoris primi partem retinere queat.

Si principio vim aliquantam nobis inferremus, efficeretur ut postea omnia cum suavitate lætitiâque præstare possimus.

6. Est quidem grave, assueta relinquere: gravius etiam suæ ipsius voluntati repugnare:

Verùm si parva leviam; non viceris, quando superabis difficiliora?

Resiste principio proclivitati tuæ, pravamque consuetudinem relinque, ne fortè paulatim ad majorem te ducat difficultatem.

O si animadverteres quantam & tibi pacem, & aliis lætitiâ te ipsum probè gerendo afferres, nã tu de proficiendo in rebus divinis magis esses sollicitus.

C A P. XII.

De utilitate rerum adversarum.

1. Calamitatibus & rebus adversis interdum premi nobis conducibile est:

Utpotè quæ sæpe hominem in seipsum revocent, quo se exulare sciat, nec in ullis humanis rebus spem suam collocet.

E re nostrâ est, esse interdum qui de nobis maledicant, malèque & sinistrè de nobis sentiant, etiam si bonis moribus bonoque animo simus.

Nam hæc sæpe conducunt ad modestiam, & ab ambitione nos tuentur.

Siquidem ita fit ut tantò magis interiorem testem DEUM quæramus, quando foris contemnimur ab hominibus, nec nobis satis creditur ;

Itaque debet homo sic totus à DEO pendere, ut ei multas quærere consolationes non sit necesse.

Quum enim bonæ voluntatis homo rebus adversis premitur & tentatur, aut malis cogitationibus angitur, tunc sibi tantò magis DEI opem necessariam esse intelligit, finè quo nihil boni se posse comperit.

Tunc dolet, tunc gemit, tunc ut ab eâ quam patitur miseriâ liberetur orat, tunc eum diutius vivere tædet, mortemque optat, ut ex hâc vitâ profectus, cum CHRISTO degat ;

Tunc probè perspicit perfectam securitatem, plenamque pacem, in hâc vitâ constare non posse.

CAP. XIII.

De resistendo tentationibus.

1. Quandiu in hâc vitâ sumus, à miseriis & tentatione abesse non possumus :

Quam etiam ob causam in Jobo scriptum habetur, hominis in terris vitam esse tentationem.

Itaque debet quisque de suis tentationibus esse sollicitus, & invigilare precibus, ne diabolus locum inveniat decipiendi,

Qui nunquam dormitat, sed semper oberrat quærens quem devoret.

Nemo tam perfectus & sanctus est, qui non petatur aliquando tentationibus, nec eis planè carere possumus.

2. Sunt tamen tentationes homini sæpe valdè utiles, licèt molestæ, utpotè quibus homo deprimatur, purgetur, erudiatur.

Res adversas & tentationes sancti omnes obierunt, & in eis ad virtutem profecerunt :

Easque qui sat̃s ferre nequiverunt, ii rejectanei evaserunt ac defecerunt.

Nullus vel ordo tam sanctus, vel locus tam solitarius est, quin in eo tentationes & adversa existant.

3. Quamdiu vivit homo, nunquam prorsus à tentationibus tutus est,

Utpotè cum infit in nobis ipsis idipsum à quo tentamur, postquam in cupiditate nati sumus.

Succedunt tentationes tentationibus, miseriæ miseriis, semperque aliquid patiendum habemus.

Nam felicitatis nostræ bonum perdidimus.

Multi dum tentationes declinant, in graviore incidunt.

Non solâ fugâ vicerimus, sed patientiâ verâque modestiâ efficiemur hostibus fortiores.

4. Qui tentationes tantum externè declinans, radicem non evellit, is tantum abest ut proficiat, ut tantò eum citiùs repetant tentationes, tantòque deterius habeat.

Paulatim & cum patientiâ durando, adjuvante DEO, faciliùs superabis, quàm duritiâ & importunitate.

In tentatione sapius utere consilio.

Si quis tentatur, ei durum te præbere nolis, sed potiùs consolationem adhibe, sicut ipse tibi adhiberi velis.

5. Omnium malarum tentationum initium est animi inconstantia, & parva de DEO confidentia.

Ut enim destituta gubernaculo navis ultrò citròque ventis impellitur: ita remissus & propositi parum tenax homo variè tentatur.

Ut ferrum ignis, sic hominem explorat tentatio.

Quid possimus, sæpe nescimus: sed quid simus aperit tentatio.

Vigilandum est autem maximè tentationis initio: nam tunc faciliùs vincitur hostis, si mentis ostium intrare nequaquam finitur, sed ei extra limen, simulac pulsavit, obviâ itur.

Itaq; rectè dixit quidam,

Principiis obsta: serò medicina paratur,

Cum mala per longas invaluere moras.

Nam primò occurrit menti nuda cogitatio: deinde vehemens imaginatio: postremò delectatio, motusque pravus,

vus, & assensio, quò fit ut paulatim penitus intret maliciosus hostis dum illi non resistitur principio;

Ac quantò quisque diutius ad resistendum torpet, tantò & ipse indies debilior, & hostis in eum fortior evadit.

6. Nonnulli principio correctionis sui graviora certamina patiuntur: alii in fine: alii per omnem vitam vexantur:

Sunt qui leviter oppugnantur, pro divini decreti sapientià & æquitate, quæ hominum mores pensat, & cuncta ad electorum suorum salutem prius dispensat.

7. Itaque non debemus, dum tentamur, desperare, sed eò ardentius DEUM orare, ut nos in omnibus rebus adversis dignetur adjuvare, facturum utique secundum dictum Pauli, ejusmodi tentationis eventum, ut ferre valeamus.

Quamobrem in omnibus tentationibus & rebus adversis submittamus animos nostros potenti manui DEI, qui animo demissos fervare solet & extollere.

8. In tentationibus & rebus adversis exploratur homo quantum profecerit, in eoque & gratia major existit, & virtus magis patefcit. Neque verò magnum est, si quis nullâ re premente religiosus est & ardens: sed si miseriæ tempore patientem se præstat, spes est multum esse profecturum.

Sunt qui ex magnis tentationibus incolumes evadunt: iidem in parvis & quotidianis sæpe vincuntur,

Ut ita dejecti, nunquam sibi ipsis in magnis confidunt, qui in tantulis infirmi sunt.

C A P. XIV.

De vitando temerario judicio.

1. In teipsum oculos converte, de aliorum factis ne judices caveto.

Nam de aliis judicando & frustra laboratur, & sapius erratur, & faciliè peccatur:

At de seipso judicando, & seipsum examinando semper fructuose laboratur.

Ut erga quamque rem affecti sumus, sic de eâ plerumque judicamus: facilèque, privato amore cæcati, verum judicium amittimus.

Quòd si solius DEI studio semper duceremur, non tam facilè nos turbaret repugnans veritati sensus noster.

2. Sed sæpe aliquid vel intus latet, vel etiam foris accedit, quod unà secum nos trahat.

Multi in actionibus suis sibimetipsis inscientes student:

Ii tantisper tranquillo pacatoque animo videntur, dum res ex ipsorum arbitrio & sententiâ succedunt:

Sin aliter quàm ipsi cupiunt, res feruntur, facilè permoventur, & dolore afficiuntur.

3. Ob sententiarum opinionumque diversitatem non parùm frequenter oriuntur dissensiones inter amicos & cives, interque religiosos & divino cultui addictos homines.

Nam antiqua consuetudo difficulter relinquitur. Ultra id quod videt nemo libenter ducitur.

Igitur si tuæ vel rationi vel industriæ magis inniteris, quàm ei virtuti quæ hominem JESU CHRISTO subjicit, vix aut ne vix quidem fiet, ut is sis, quem divinum lumen illustraverit.

Vult enim DEUS nos sibi totos subjici, & omnem rationem inflammato amore transcendere.

C A P. XV.

De charitatis operibus.

1. Nullam prorsus ob rem, aut ullius mortalium amore quicquam mali fieri debet:

Sed ob utilitatem indigentis opus bonum aliquando vel intermittendum, vel in melius mutandum est.

Hoc enim factò opus bonum non negligitur, sed in melius commutatur.

Sinè charitate quidem opus externum nihil prodest: sed charitate quicquid agitur, id quàmlibet parvum fit & abjectum, totum efficitur fructuosum.

Siquidem magis spectat DEUS quanto quidque amore, fiat, quàm quantum idipsum fit.

Multum

2. Multum facit qui multum diligit.

Multum facit qui rem aliquam bene facit.

Bene facit qui magis publicæ utilitati, quàm suæ voluntati servit.

Sæpè videtur esse charitas, quæ potiùs caro est: nam rarò fit ut absit carnalis proclivitas, sua cujusque voluntas, cupido commoditatis.

3. Qui verâ perfectâque charitate præditus est, is nullâ in re sibimetipso servit, sed DEI tantum gloriæ in omnibus studet.

Nulli etiam invidet, quippè qui nullum amet privatum gaudium, nec in seipso gaudere velit, sed in DEO super omnia bona beari optet.

Nemini quicquam boni tribuit, sed omnia prorsùs DEO accepta fert, à quo ceu fonte manant omnia, in quo ad extremum sancti omnes cum boni fruitione acquiescunt.

Quòd si quis vel scintillam habet veræ charitatis, nã ille terrena omnia sentit esse plena vanitatis.

C A P. XVI.

De tolerandis aliorum vitiis.

1. Quæ quisque vel in seipso vel in altero corrigere nequit, ea patienter ferre debet, donec DEUS aliud statuat.

Cogita præstare forsan ut ita sit, ad tui explorationem & patientiam, finè quâ non magni pendenda sunt facta nostra.

Debes tamen ob hujusmodi impedimenta DEO supplicare, ut tibi sic subvenire dignetur, ut ista æquo animo ferre queas.

2. Si quis semel, aut iterum admonitus non obtemperat, noli cum eo contendere, sed rem totam DEO committe, ut quod ex ejus & voluntate & honore sit, id fiat in omnibus ejus cultoribus: qui malum in bonum convertere probè sciat.

Da operam ut sis patiens in tolerandis aliorum quibuscunque vitiis & infirmitatibus,

Utpotè

Utpotè qui ipse quoque multis labores, quæ vicissim toleranda sint aliis.

Si ipse teipsum qualem velles, reddere non potes, quî possis alterum arbitrio tuo componere?

Cupimus alios esse perfectos, cum ipsi interea vitia nostra non corrigamus.

3. Volumus ut alii severè corrigantur, ipsi corrigi recusamus.

Displicet aliorum immodica licentia, ipsi interim repulsam pati nolumus.

Alios statutis coërceri volumus, ipsi nos amplius cohiberi minimè patimur.

Hinc patet quàm non eodem quo nos ipsos loco alterum habeamus.

Si essent omnes perfecti, quid esset quod ab altero in DEI gratiam pateremur?

4. Nunc sic visum est DEO, ut discamus alter alterius onera ferre,

Quippe cum nemo oneris sit expers, nemo sibi satis sit, nemo sibi satis sapiat, quin necesse est ut nos inter nos feramus, consolemur, adjuvemus, instruamus, admoneamus.

Jam quâ quisque virtute sit, faciliùs patescit occasione rerum adversarum.

Namque occasiones hominem fragilem non faciunt, sed qualis sit ostendunt.

C A P. XVII.

De exemplis sanctorum Patrum.

1. Intuere sanctorum illorum patrum exempla feruida, in quibus vera perfectio refulsit & religio, & videbis quàm exiguum & penè nihil sit quod nos præstamus.

Heu quid est vita nostra, si cum illis conferatur?

Sancti illi homines, amiceque CHRISTI, Domino servierunt in fame & siti, in frigore & nuditate, in labore & fatione, in vigiliis & jejuniis, in precibus sanctisque

sanctisque cogitationibus, in multis persecutionibus & opprobriis.

2. Quot, quàmque graves miseras passi sunt Apostoli, Martyres, Confessores, Virgines, denique reliqui omnes, qui CHRISTI vestigia sequi voluêre?

Animas suas in hâc vitâ odio habuerunt, ut eas in aeternam vitam fervarent.

O! quàm severam, quàm tetricam vitam sancti illi patres in solitudine duxerunt?

Quàm longas & graves tentationes pertulerunt?

Quàm frequenter ab hoste vexati sunt?

Quàm crebras & ardentes preces DEO libârunt? Quantâ cum severitate continentés se præstiterunt?

Quanto studio & ardore in rebus divinis progressus facere contenderunt?

Quàm acre bellum in edomandis vitiis gesserunt?

Quàm sincero rectoque erga DEUM animo præditi fuerunt?

Interdiu laborabant, noctu divinis precibus vacabant:

Quamquam ne laborando quidem à mentis precati-
onibus cessabant.

3. Denique omne tempus utiliter impendebant, omnisque hora ad vacandum DEO brevis videbatur,

Adeò ut præ cogitandi dulcedine etiam necessitas corpora curandi oblivioni traderetur.

Omnibus divitiis, authoritatibus, honoribus, amicis, cognatis, renunciabant, neque mundani quicquam habere cupiebant.

Ergo rebus terrenis pauperes, sed divino favore virtutibusque prædivites erant, & foris egentes, intus DEI gratiâ & consolationibus recreabantur.

4. Erant Mundo alieni, sed DEO proximi ac familiares amici.

Erant & suo nihili, & mundi judicio despecti: sed DEO summi eximique habebantur.

In verâ modestiâ perstare, in simplici obedientiâ vivere, in charitate & patientiâ degere, ideoque quotidie in spiritu proficere, & magnam à DEO gratiam obtinere.

Denique

Denique religiosi omnibus exemplo esse debent, nosque plus ad strenuè progrediendum provocare, quàm tepidorum multitudo retardare.

5. Quantus ardor extitit omnium religiosorum in principio sancti illius eorum instituti?

Quanta precationum religio? Quanta virtutis æmulatio?

Quàm severa viguit disciplina? Quanta reverentia & obedientia sub regulâ magistri in omnibus floruit?

Testantur adhuc relicta vestigia verè sanctos perfectosque fuisse viros illos, qui tam strenuè militantes Mundum subegerint,

At nunc magnus putatur si quis in præcepta non deliquit, si quis accepta cum patientiâ tolerare potuit.

6. Ah temporis statusque nostri fœcordiam, quòd tam citò declinamus de ardore pristino, & jam tædet vitæ præ lassitudinē & tepore!

Utinam in nobis non planè dormiat virtutum progressus, qui sæpe tot vidimus exempla religiosorum!

C A P. XVIII.

De exercitationibus hominis verè religiosi.

1. Debet omnino hominis religiosi vita omnibus pollere virtutibus, ut sit internè talis, qualis externè videtur hominibus:

Quinimò multò plus intus meritò esse debet, quàm foris cernitur:

Quippe cum nostri sit inspector DEUS, quem summo perè revereri debemus, ubicunque sumus, & angelorum ritu in ejus conspectu mundi incedere.

Quotidiè renovare debemus propositum nostrum, & perinde ac si hodie primùm ad frugem conversi essemus, ad ardorem nos ipsos excitare, atque ita dicere:

Adjuva me, mi domine & DEUS, in bono instituto sanctoque tui cultu, mihi da hoc ipso die perfectè incipere: nam quod hactenus feci, nihil est.

Ad nostrum currendi proficiendique propositum magnâ diligentia opus est, si institutum ritè perficere volumus:

Nam

Nam si is, qui negotium hoc fortiter instituit, tamen sæpe defatiscitur, quid faciet qui vel rarò vel minùs constanter id instituit?

Variis quidem modis contingit desertio instituti nostri, & vel levis exercitationum omissio, vix finè aliquo dispendio accidit.

Iustorum institutum à DEI favore, non ab ipsorum sapientiâ pendet, eidemque semper confidunt, quicquid aggrediuntur,

Homo instituit quidem, sed DEUS decernit, nec penès hominem est ipsius actionis eventus.

3. Si quando vel pietatis vel fraternæ utilitatis causâ omittitur consueta instituti exercitatio, eadem facillè revocari potest.

Sin animi tædio aut negligentia facillè intermittitur, id verò nec parùm vitiosum est & detrimentum parit.

Semper tamen certi aliquid statuendum est, præsertim contra illa quæ nos præ cæteris impediunt.

Exteriora nobis pariter ac interiora scrutanda componendaque sunt, quippe quæ utraque ad profectum necessaria sint.

4. Quòd si continenter à teipso rationem exigere non vales, id saltem interdum, & ut minimum semel quotidie facito, manè videlicet aut vespere.

Manè quid sis acturus institue; vespere discute mores tuos, qualis hodie verbis, factis, cogitationibus fueris: nam in his sæpius forsitan & DEUM & homines offendisti.

Accingere, sicuti virum decet, contra diabolicam nequitiam: frænato gulam, - & omnem carnis cupiditatem faciliùs frænabis.

Nunquam planè ociosus esto, sed semper aut legito, aut scribito, aut orato, aut cogitato, aut utilitatis aliquid in commune procurato.

Corporis exercitationibus utendum est non finè discrimine, nec omnibus æquè adhibendæ sunt.

5. Quæ communia non sunt, ea foris ostendi non debent: nam domi tutiùs exercentur privata.

Cavendum tamen ne ad publica piger, ad privata sis promptior: quin officio mandatisque defunctus, si quid ampliùs vacat te tibi reddito, ut tua postulat religio.

Non

Non omnes eandem habere possunt exercitationem: quin aliæ aliis magis conveniunt.

Neque non pro temporum ratione diversæ placent exercitationes, uti alæ festis, aliæ profestis magis adlubescant:

Aliis nobis opus est tempore certaminis, aliis tempore pacis & quietis,

Alia, dum dolemus,, libet cogitare, alia dum læti sumus in DOMINO.

6. Sæpe renovandæ sunt exercitationes bonæ, præsertim festis diebus, quasi tunc ex hâc vitâ migraturi, & ad æterna festa perventuri simus,

Itaque sollicitè nos præparare debemus eo tempore, & religiosiores præbere, omniaque præcepta severiùs exequi, tanquàm laboris nostri præmium brevè à DEO percepturi.

7. Quod si dilatum fuerit, credamus non minùs bene præparatos, adhuc indignos tantâ gloriâ certo tempore nobis exhibendâ demusque operam ut nos diligentius ad exitum præparemus. Beatus ille servus (inquit evangelista Lucas) quem Dominus, quum venerit, vigilantem invenerit.

Hoc certò scitote, futurum, ut eum suis omnibus bonis præficiat.

C A P. XIX.

De amore solitudinis & silentii.

1. Quære aptum tempus vacandi tibi, & de DEI beneficiis frequenter cogita: omissisque curiosis, ejusmodi argumenta lectitato, quibus magis stimuletur animus, quàm occupetur.

Nam si teipsum à superfluis locutionibus ociosisque circuitationibus nec non a rebus novis & rumoribus audiendis abstraxeris, tempus invenies & longum satis & aptum bonis cogitationibus exercendis.

Sic maximi sanctorum humana consortia, ubi poterant, vitabant, & DEO seorsum vivere malebant.

2. Dixit quidam: Quoties inter homines fui, minor homo redii,

Hoc

Hoc quippe sæpius experimur, quando diu confabulamur.

Facilius est omninò tacere, quàm verbis modum non excedere.

Facilius domi latere, quàm foris à peccando se fatis continere.

Igitur qui ad interiora & spiritualia contendit, oportet ut turbam cum JESU declinet.

Nemo tutò prodit, nisi qui libenter latet, nemo tutò præest, nisi qui libenter subest.

Nemo tutò præcipit, nisi qui libenter obedire didicit.

3. Nemo tutò gaudet, nisi qui animi bene sibi conscii testimonium habet.

Nemo tutò loquitur, nisi qui libenter tacet.

Semper tamen sanctorum hominum securitas plena timoris DEI extitit:

Nec eo minùs solliciti & animo demissi fuere, quia magnis virtutibus divinisque donis pollerent.

At improborum securitas ex superbiâ & fastu oritur, tandemque in sui deceptionem vertitur.

Nunquam tibi tuta omnia in hac vitâ promittito, quamvis religiosus & rerum humanarum contemptor esse videaris.

4. Sæpe accidit ut qui hominum opinione cæteris essent meliores, ii graviùs periclitati fuerint ob nimiam confidentiam.

Quo fit ut multis sit utilius, non carere prorsus temptationibus, sed sæpius impugnari, ne fortè nimium securi superbiâ efferantur, nève ad externas consolationes licentiùs declinent.

Quod si quis perituram lætitiâ nunquam quæret, si cum mundo nunquàm rem haberet, ô quàm bene sibi consciûm animum perpetuò retineret?

Si quis omnem vanam sollicitudinem amputaret, & duntaxat salutaria ac divina cogitaret, suamque spem omnem in DEO collocaret, ô quantâ is pace & quiete frueretur?

5. Nemo dignus est cœlesti consolatione, nisi qui se diligenter in animi sanctâ stimulatione exercuerit;

Quam quidem animi stimulationem si vis adipisci, intra in cubiculum tuum, hominumque tumultus excludi-

to, sicut habet scriptum illud: Hæc in cubilibus vestris taciti cogitate.

Quòd si id principio tuæ ad frugem reversionis ritè frequentaveris, fiet tandem ut tibi nihil jucundius, nihil solatii plenius sit.

6. In silentio & quiete proficit religiosus animus & discit abdita literarum.

Ibi invenit flumina lachrymarum, quibus singulis noctibus sese lavet & mundet, ut conditori suo tantò familiarior fiat, quantò longiùs degit ab omni hominum tumultu.

Igitur qui se à notis & amicis abstrahit, hunc adit ipse DEUS cum suis sanctis angelis.

Præstat latere, & sui curam gerere, quàm seipso neglecto vel miracula edere.

7. Cur vis videre quod non licet habere? perit & mundus & ejus cupido. Alliciunt voluptatis cupiditates ad spatiandum, sed postquam hora præteriit, quid tu inde nisi gravem poenitentiam, animique vagationem reportasti? Lætus exitus sæpe tristem reditum parit: & læta vigilia serotina triste matutinum facit. Sic omne carnale gaudium blandè intrat: sed ad extremum mordet & perimit. Quid potes alibi videre quod hîc non videas? ecce tibi cælum & terram, & omnia elementa: nam ex istis omnia sunt facta.

8. Quid usquam videre possis quod diu sub sole dureret? Satiatum iri te forsitan speras, sed id nunquam assequeris. Si vel omnia videres præsentia, quid illa essent nisi inanis aspectus? Attolle in sublime ad DEUM oculos, & peccatorum delictorumque tuorum veniam ora. Vana vanis relinque: tu iis intende quæ tibi præcipit DEUS. Conclude te intra ostium tuum, & delectum tibi JESUM ad te vocato. Cum eo in cellâ maneto: nam alibi nusquam pacem tantam invenies. Si non exivisses, nec rumorum quicquam audivisses, faciliùs in bonâ pace permansisses, nunc postquam nova interdum audire delectat, efficitur ut animi sit ferenda perturbatio.

CAP. XX.

De compunctione cordis.

1. Si quid proficere vis, DEI metum retine, nève nimis liber esto, sed sensus tuos omnes sub disciplinâ cohibe: neve te futili lætitiæ dedideris.

Addice teipsum animi stimulationi. & religionem invenies.

Invenit ejusmodi stimulatio multum boni, quod socordia cito perdere consuevit,

Mirum est posse quemquam unquam ita lætari in hac vitâ, qui suum exilium & tot animæ suæ pericula consideret, atque perpendat.

2. Ob animi levitatem, & in delictis nostris socordiam non sentimus animi nostri dolores, sed sæpè leviter ridemus, quin meritò flere deberemus.

Nulla usquam vera libertas bonaque lætitia est, nisi in DEI metu cum animo bene sibi conscio.

Felix qui potest abjectis occupationum omnium impedimentis uni sese dedere animi stimulationi.

Felix qui à se abdicat quicquid ejus conscientiam polluere aut gravare potest.

Certa viriliter: consuetudo consuetudine vincitur.

3. Si animum induxeris cæterorum negotiis te non immiscere, ipsi se vicissim tuis non immiscebunt.

Alienum negotium tibi accersere, aut te majorum causis implicare noli.

In te primum coniectos semper oculos habeto, teque ipsum in primis præ omnibus tibi charis commonefacito.

Si hominum favore cares ægrè id facere noli, sed illud graviter ferto, quod te non satis bene geras & circumspectè, sicuti DEI cultorem & verè religiosum hominem decet.

Est homini sæpe utiliùs & tutiùs in hac vitâ non multas habere consolationes, præsertim humanas:

Nam divinas quidem quòd aut non habemus, aut rariùs sentimus, ipsimet in culpâ sumus,

Qui nec animi quæramus aculeos, nec vanas & externas consolationes omnino abjiciamus.

Cognosce te non solum indignum divinâ consolatione, verum etiam dignum magnâ miseriâ.

Si quando stimulatur homo animi veris igniculis, fit ut gravis ei & amarus sit totus orbis.

Bonus homo magnas fatis invenit causas dolendi atque flendi.

Sive enim seipsum considerat, sive alterum intuetur, videt neminem hic sine calamitate vivere:

Sunt autem iusti doloris & stimulationis animi causæ peccata vitæque nostra, quibus ita involuti jacemus, ut raro cœlestia contemplari valeamus.

Si frequentius de morte tuâ, quàm de vitæ longitudine cogitares, non dubium est quin ardentius teipsum corrigeres.

Rursus si futuros Orci cruciatus animo perpenderes, libenter opinor laborem doloremque tolerares, nec severitatem ullam reformidares.

Sed quia in animum illa non demittuntur, & blanditias adhuc amamus, fit ut frigidi admodum pigrique esse pergamus, sæpè spiritus inopiâ laborantes, unde fit ut tam facile conqueratur miserum corpus.

Quamobrem summissè DEUM orato, ut in animo tuo divinos excitet igniculos, & cum vate illo sic dicito:

Pasce me, DOMINE, pane lachrymarum, meamque potionem fletu dilue.

C A P. XXI.

Humanæ miseriæ consideratio.

1. Miser es ubicunque sis, & quocunque te vertas, nisi ad DEUM te convertas.

Quid turbaris, quia tibi res ex animi sententiâ non succedunt? quis est cui ex voto cadent omnia?

Non ego, non tu, non ullus mortalium: nemo inquam usquam est omnis calamitatis & angoris expers, non rex ipse.

Cujus est igitur omnium optima conditio? nimirum ejus qui DEI causâ aliquid pati valet.

Dicitant plerique imbecilles & infirmi: En quàm beatam vitam vivit ille, quàm dives quàm potens, quàm excelsus, quàm magnus, quàm pulcher.

Sed

Sed intueri in cœlestia bona, & videbis ista omnia hujus vitæ bona nihili esse.

Quippe prorsus incerta atque onerosa, utque nunquam sine sollicitudine & timore possidentur.

Non in hujusmodi bonorum copiâ sita est hominis felicitas:

Quin ei satis esse debet mediocritas.

3. Sed miseri sunt qui miseriam suam non nôrunt, & insuper miserescentes qui miseriam hanc mortalemque vitam diligunt,

Quam quidem usque adeò amplectuntur nonnulli, (cum tamen labore ac sollicitudine suâ vix etiam necessaria sibi comparare queant) ut si semper hîc vivere liceret, DEI regnum nihil curarent.

O insani & animo infidentes, qui ita altè dermersi jacent in terris, ut nihil nisi carnalia in animo habeant miseri,

Tandem aliquando non sinè cruciatu sentient, quàm vile quàmque nihili fuerit quod adamârunt.

At sancti illi DEI homines, quotquot CHRISTO amici fuerunt, non in ea intuebantur quæ carni placerent, aut quæ hoc tempore florerent,

Ad æterna bona omni spe & aviditate anhelabant, totoque animo ad suprema & inaspectabilia ferebantur, ne aspectabilium amore traherentur ad infima.

Noli, frater, desperare de proficiendo in rebus divinis, adhuc habes tempus & horam:

5. Cur procrastinas institutum tuum? Surgē & protinus incipe, atque ita ratiocinare:

Nunc agendi, nunc pugnandi, nunc vitam corrigendi tempus est: in rebus duris & adversis tempus est proficiendi.

Per ignem & aquam transeundum est, antequam venias in refrigerium.

Nisi ipse tibi vim feceris, vitium non superabis.

Quandiu fragile corpus hoc gerimus, sinè tædio & dolore vivere nequimus. Cuperemus quidem ab omni miserâ quietem habere: sed quia peccato perdidimus innocentiam, amissimus etiam veram beatitudinem.

Itaque tenenda nobis patientia est, & DEI expectanda misericordia, donec prætereat injustitia, & hæc mortalitas absorbeat à vitâ.

O quanta est humana fragilitas, quæ semper prona est ad vitia?

Hodie confiteris peccata, & eadem confessus, cras iterum perpetras.

Nunc cavere statuis, & post unam horam sic agis quasi non statuisses.

Itaque magna nobis causa est nosipfos deprimendi, & nihil unquam præclari de nobis sentiendi, qui tam fragiles sumus & instabiles.

Citò etiam negligentiam perdi potest, quod multo labore vix tandem DEI ope quæsitum est:

7. Quid nobis ad extremum futurum est, qui tam maturè tepescimus?

Væ nobis si sic ad quietem contendimus, quasi jam pax sit & securitas, cum nullum adhuc veræ sanctitatis vestigium appareat in moribus nostris.

Enimvero nobis opus est ut de integro ceu tyrones, ad bonos mores instruamur, si qua fortè spes est rediti-
onis ad frugem, & majoris rerum divinarum profectus.

C A P. XXII.

De meditatione mortis..

1. Cum tam citò finienda sit vita tua, vide quid agas.

Hodie viget homo: cras nusquam extat: & ex hominum oculis sublatus, mox etiam ex eorundem memoriâ elabitur.

O hebetudinem & duritiam cordis humani, quòd solum præsentia cogitans, futuri rationem non habet.

Sic te in omni & opere & cogitatione gerere debes, quasi statim sis moriturus.

Si tibi bene conscius esses, non multum mores timeres.

Præstat peccata cavere, quam mortem fugere.

Si hodie paratus non es, quomodo cras eris?

Incerta est crastina dies: quî scis an in crastinum victurus sis.

2. Quid prodest diu vivere, quando tam parum corrigimur?

Enim-

Enimverò longa vita non semper corrigit hominem: quin sæpe culpam auget.

Utinam vel unum **DIEM** bene nos gessissemus in hâc vitâ.

Multi annos computant correctionis sui cum sæpe sit ejus fructus exiguus.

Si mori formidolosum est, forsitan periculosus est diutiùs vivere.

Beatus qui mortis horam semper habet ob oculos, seque ad moriendum quotidie componit.

Si quando hominem mori vidisti, cogita eâdem tibi viâ migrandum.

Manè dubitato an ad vesperum sis perventurus: Itemque vespere matutinum tibi polliceri ne audeto, semperque ita paratus esto.

Itaque vivito, ut nunquam te imparatum mors inveniat.

Multi subitò nec opinantes moriuntur: nam quâ horâ non putatur filius hominis venturus est.

Ubi externa illa hora venerit, multò aliter sentire incipies de omni anteaçtâ vitâ tuâ, graviterque dolebis quod tam negligens fueris & remissus.

5. O felicem & prudentem qui nunc in hâc vitâ talis esse conatur, qualis in morte inveniri optat:

Magnam enim spem affert feliciter moriendi perfectus mundi contemptus, ardens cupido in virtute proficiendi, amor disciplinæ, labor pœnitentiæ, promptus animus ad obediendum, abnegatio sui & cujuslibet calamitatis tolerantia ob amorem **CHRISTI**.

Multa tu dum sanus es rectè facere potes: ægrotus nescio quid poteris:

Pauci morbo emendantur, & qui vitæ correctionem in illud tempus differunt rarò sancti fiunt.

5. Præstat mutare, & ita nunc, quando licet, vivere, ut postea vivas in perpetuum.

Alioquin si occasionem hanc de manibus amiseris, postea gerò requires, eritque cum vel unum diem aut horam ad te corrigendum fortasse frustra cupies,

6. Quarè age, perpende quanto periculo eximere, quantum malum vitare possis, si semper cautus mortem prospicias.

Da operam ut nunc ita vivas ut in horâ mortis gaudeas potiùs quam timeas.

Disce nunc mori mundo, ut tunc cum CHRISTO vivas.

Disce nunc omnia contemnere, ut tunc liberè possis ad Christum pergere.

Subige nunc corpus tuum vitæ correctione, ut tunc certam habeas confidentiam.

7. Ah stulte, quid te diu victurum cogitas, cum nulum hîc DIEM habeas exploratum?

Quàm multi decepti sunt, & ex insperato ex corpore extracti?

Quoties dici audivisti: Ille gladio cecidit: ille aquâ submersus est: ille ex alto delapsus cervicem fregit: ille cibum capiendo obriguit: ille ludendo vitam finivit: alius igne, alius ferro, alius peste, alius latrocinio periit:

Ita est omnium finis mors: præteritque qua si umbra quædam, vita hominum.

8. Quis tibi post mortem, si in vitâ occasionem amiseris, opem feret?

Nunc, nunc agendi tempus est, dum & mortis horam ignoras, & in futurum tutò tibi prospicere potes.

Dum tempus habes, congere tibi divitias immortales & nihil nisi de salute tuâ cogita, solasque res divinas cura.

Nunc tibi amicos para, qui te vitâ defunctum accipiant in æterna tabernacula.

Præbe te in terris peregrinum & hospitem, ad quem mundi negotia nihil pertineant.

Animum habe liberum, & ad DEUM sursum erectum, quum durabilem hîc civitatem non habeas.

Illuc preces & gemitus quotidianos cum lachrymis dirige, ut spiritus tuus post mortem ad DEUM feliciter migret.

C A P. XXIII.

De ultimo DEI judicio, & pœnis peccatorum.

1. Omnibus in rebus finem intueri, & quomodo coram severo illo iudice staturus sis, cui nihil occultum est, qui nec muneribus placatur, nec injustas excusationes admittit, sed ex æquo & vero iudicat.

O homo nocens ! quid DEO respondebis, omnia peccata tua scienti, qui irati hominis vultum interdum reformidas ?

Cur tibi non prospicis in illius iudicii diem, in quo nemo ab altero excusari defensione poterit ? quippe quisque sibi satîs magno erit oneri.

Nunc fructuosus est tuus labor, nunc fletus acceptus, nunc exaudiri potest gemitus :

2. Patiens homo, dum afficitur injuriâ, magis ob alterius improbitatem, quàm ob illatam sibi injuriam dolet,

Adversariis suis veniam libenter orat, eisque ex animo ignoscit,

Ipse ab aliis veniam petere non cunctatur, & facilius miseretur, quam irascitur.

Ipse sibi vim frequenter facit, carnemque suam spiritui prorsum subicere conatur.

Atque hæc non differenda, sed in hâc vitâ, & quidem primo quoque tempore præstanda sunt. Sed nos profectò intemperato amore carnis nos ipsos decipimus.

3. Quânto tu tibi magis nunc indulseris, carnique obsequutus fueris, tantò postea graviore pœnas lues,

Nam in quibus quisque peccaverit, in iisdem pro peccati magnitudine punietur.

Ibi segnes ardentibus stimulis pungentur, ibi epulones acri fame & siti cruciabuntur.

Ibi luxuriosi & voluptatum amatores ardenti pice foetidoque sulphure perfundentur.

Ibi invidi rabiosorum canum ritu ululabunt.

4. Nullum vitium non afficietur suo cruciatu.

Ibi

Ibi superbi omni probro obruentur, & avari miserri-
mâ egestate vexabuntur.

Ibi erit una hora gravior in pœnâ, quàm hic longum
tempus in corrigendis moribus.

Ibi nulla requies, nulla miseris consolatio, at hîc est
interdum doloris intercapedo, & amicorum demulcet
consolatio.

Quamobrem esto nunc sollicitus & ob peccata tua do-
leto, ut in illius judicii die tutus gaudeas cum beatis.

Tunc enim stabunt iusti magnâ cum constantiâ adver-
sus eos à quibus vexati fuerint & oppressi.

Tunc sedebit ad judicandum qui nunc se demissè sub-
jicit hominum judicio.

Tunc magnâ erit fiduciâ pauper & modestus, paven-
tibus undique superbis.

5. Tunc videbitur sapiens in hâc vitâ fuisse, qui pro
CHRISTO didicit stultus & despectus esse.

Tunc erit toleratæ patienter miseriae jucunda recor-
datio, cum interea iniusti omnes obmutescant.

Tunc gaudebunt omnes religiosi, mœrentibus omni-
bus irreligiosis.

Tunc magis exultabit antea vexatus homo : quàm si
in perpetuis fuisset nutritus deliciis.

Tunc splendeat habitus vilis, & obscurabitur vestis
subtilis.

Tunc magis laudabitur pauperculum domicilium,
quàm nunc inauratum palatium.

Tunc plus juvabit constans patientia, quàm univer-
sa mundi potentia.

6. Tunc magis extolletur simplex obedientia, quàm
hominum omnis astutia.

Tunc hominem magis exhilarabit munda & bene sibi
conscia mens, quàm docta philosophia.

Tunc plurius erit contemptus divitiarum, quàm mor-
taliū omnium thesaurus universus.

Tunc tibi majus solatium afferet religiosa precatio,
quàm esus cupediarum.

Tunc magis gaudebis servato silentio, quàm longâ
confabulatione.

Tunc plus poterunt sancta tua opera, quàm copiosa
eloquentia.

Tunc

Tunc jucundior erit severa vita, & corrigendorum morum asperitas, quàm omnis terrena delectatio.

7. Quocircà disce nunc parva pati, ut tunc à gravioribus liberari queas.

Hic antè explorato quid postea perferre possis.

Quòd si nunc tantula tolerare nequis, quì poteris tunc æternos ferre cruciatus?

Et si nunc tantulus dolor impatientem efficit, quid gehenna tunc faciet?

8. Finge te in hodiernum diem in perpetuis honoribus & voluptatibus vixisse, quid tibi ista omnia profuissent, si te è visticinio mori contingeret?

Nonne vides omnia esse vana, excepto amore cultuque solius Dei?

Qui DEUM toto corde amat, is nec mortem, nec supplicium, nec iudicium, nec Orcum metuit:

Quippe cùm perfectus amor tutum ad DEUM aditum præbeat.

At quem adhuc peccare delectat, non mirum est, si is mortem iudiciumque timet.

Expediit tamen si te à malo nondum amor revocat. ut saltem gehennæ timor coerceat.

Qui verò DEI timorem repudiat, is diu in bono stare non potest, sed in diaboli laqueos citò incurrit.

C A P. XXIV.

De ferventi correctione totius vitæ nostræ.

I. Esto in DEI cultu vigilans & diligens, & cur mundum reliqueris, cogitato, nimirum ut DEO viveres, & divinus homo fieres.

Igitur ad proficiendum ardens esto, nam brevi laborum tuorum mercedem accipies: nec ullus deinceps timor erit aut dolor in tuis finibus.

Paululum nunc laborabis, & magnam requiem, imo perpetuam lætitiā invenies.

Si tu in agendo fidelem te gnavumque perpetuò præstiteris, DEUS proculdubio fidelem se & locupletem præbebit in remunerando.

Spem

Spem bonam foveto assequendæ palmæ: sed vitanda securitas est, ne torpeas aut insolescas.

Exstitit aliquando quidam, qui inter metum & spem anxius fluctuans, inter precandum supplex sic dicebat:

O si me perseveratum esse certò scirem! ac protinus intus in animo audivit divinum hoc responsum: Quid tum postea si scires, velle facere?

Agedum, fac quod facere velles, & de perseverantiâ dubitare noli.

Hâc ille consolatione confestim confirmatus, divinæ se commisit voluntati:

Ita cessavit anxia fluctuatio, noluitque curiosè vestigare, quid sibi futurum foret, sed potiùs inquirere studuit quidnam DEI voluntati conveniens, eidemque acceptum ac perfectum esset, ad opera laudabilia inchoanda atque perficienda.

3. Spem habeto in Domino, & rectè facito, inquit vates, & terram incoles, ejusque opibus pascèris.

Unum est quod multos à profectu & ferventi sui correctione retrahit, horror difficultatis, laborque certaminis.

Enimverò illi maximè præ cæteris in virtutibus proficiunt, qui gravissima quæque, & sibi maximè, adversantia, viribus vincere nituntur.

Nam tantò magis proficit quisque, Deique gratiam tantò obtinet ampliorem, quantò magis seipsum vincit, & divinâ ope subigit.

4. Sed non in omnibus tantundem inest ad vincendum & moriendum:

Verùm qui hoc opus diligentius urgebit, is valentior erit ad promovendum (etiam si plura sint ei toleranda) quàm alius bene alioquin moratus, sed ad virtutes segnior.

Sunt duo potissimùm quæ ad sui correctionem multum conducunt, videlicet ab iis se violenter abstrahere, in quæ propensa est natura vitiosa, & in id bonum summo studio incumbere quo indigeas.

Illâ quoque in primis tibi cavenda vincendaque sunt, quæ tibi in aliis maximè & frequentissimè displicent.

5. Fac ut tibi ex usu sint omnia: ut si qua rectè factorum exempla videas aut audias, ad imitandum accendaris.

Sin aliquid vituperandum animadvertas, caveas ne ipse idem facias:

Aut si quando fecisti, citò teipsum corrigere studeas.

Sicut tu in alios, sic alii vicissim in te coniectos habent oculos.

Quàm jucundum & dulce est videre ardentēs & religiosos homines Christianos, bene moratos & CHRISTI disciplinæ obtemperantes?

Rursumq; quàm triste & gravè est videre intemperanter viventes, & ea ad quæ vocati sunt non exercentes?

6. Imaginem tibi propone crucifixi CHRISTI, teque pudeat, ejus inspectâ vitâ, qui hætenùs in illo imitando diligentiorē te non præstiteris, cum tamen Christianam vitam jam diu professus fueris.

Certè religiosus homo, si se attentè & addictè in sanctissimâ illâ JESU vitâ & supplicio exercet, omnia sibi utilia & necessaria ibi abundè inveniet, nec opus est ut extra JESUM aliquid melius quærat.

Si JESUS crucifixus nobis in animum veniret, quàm citò & satīs docti evaderemus.

7. Ardens homo Christianus jussu facilè capeffit atque fert.

Idem si negligens & tepidus est, calamitatibus aliis super alias premitur, & undique angoribus vexatur,

Quippe qui & interiori consolatione careat, & exteriorem quærere vetetur.

Et omnino quisquis CHRISTI disciplinæ limites excedit, is gravi ruinæ subjectus est:

Et qui laxiorem & remissiorem vitam quærit, is semper angitur:

Quia semper aliquid est quod ei displiceat.

8. Propone tibi potiùs sanctorum illorum CHRISTI apostolorum & discipulorum severam illam & religionis plenam vitam, & eos tibi imitandos ducito,

De DEI erga te benevolentia, quin tibi ad illa vires libenter concessurus sit, dubitare noli.

Hâc viâ, virium speique plenus evades, hâc viâ, cœlesti passu sic illuc contendes, ut humana omnia despicias.

9. Utinam nihi faciendum incumberet, quàm ut DEUM toto corde & ore laudemus, ejusque præcepta exequeremur.

D

Utinam

Utinam mundanis negotiis soluti sola divina summâ ope totisque viribus curaremus.

Nam postquam eò pervenit homo, ut à nullâ re mortali solatium quærat, tum demum fit, ut ei DEUS verè sapere incipiat:

Uti omnem rerum eventum boni consulat, nec rebus secundis lætitiâ efferatur, nec afflictis angatur, sed sese totum DEO confidenter committat.

Hic est omnia in omnibus, cui nihil perit aut moritur, sed omnia vivunt, & ad nutum incunctanter inferviunt.

Semper finem spectato, & perditum tempus nunquam reversurum memento.

Virtutem quidem sine sollicitudine & diligentia nunquam assequeris.

Quòd si tepescas, in deterius ferentur res tuæ:

Sin ardenti animo operi incumbes, altam pacem invenies, leviolemque laborem senties, tum ob DEI er-
a te favorem, tum ob tuum virtutis amorem.

Homo ardens & diligens ad omnia paratus est.

Majoris est laboris resistere vitiis & animi perturbationibus, quam corporis insudare laboribus.

Qui parva delicta non vitat, is paulatim labitur in majora.

Gaudebis semper vespere, si diem impenderis fructuosè.

Tibi ipsi invigila, teipsum excita & admone, teipsum noli negligere, quicquid tandem aliis fiat.

Tantum proficies, quantum ipse tibi vim intuleris.





DE
IMITANDO CHRISTO.

LIBER SECUNDUS.

CAP. I.

De interiore hominis vitâ.

I. **R**EGNUM DEI intus in vobis est, inquit DOMINUS.

Converte te toto animo ad DOMINUM, relicto hoc misero mundo, & inveniet animus tuus requiem.

Disce exteriora contemnere, & interioribus te addicere, & videbis regnum DEI in te venire.

Est enim regnum DEI pax & gaudium in spiritu sancto,

Veniet ad te CHRISTUS, suam tibi consolationem exhibiturus si ei se dignam intus paraveris mansionem.

Intus enim situs est omnis ejus splendor & pulchritudo, ibi libenter versatur.

Frequens illi itio est ad hominem in ternum, dulcis fermocinatio, grata consolatio, multa pax, familiaritas singularis.

2. Agedum, anima fidelis, præpara huic sponso cor tuum, quo ad te venire & in te habitare dignetur.

Sic enim dicit: Si quis me diligit, is dicta mea exequetur, & ego paterque meus ad eum veniemus, & apud eum degemus.

Da ergo CHRISTO locum, cæteris omnibus ingressum ad te denegans:

Illum si habebis dives eris & copiosus.

Ipse tibi prospiciet, tuaque omnia ita fideliter procurabit, ut in hominibus te spem habere nihil sit opus.

Homines citò mutantur, velociterque deficiunt, at CHRISTUS in perpetuum manet, suisque constanter adest ad extremum.

3. Non est neque magna fiducia collocanda in homine fragili & mortali, etiam si utilis sit & charus: neque magnoperè dolendum, si is interdum adversetur & contra dicat.

Qui hodie à te sunt, iidem cras ut adversentur fieri potest, & contrà, quippe qui sæpe, ut aura, vertantur.

Tuam omnem fiduciam in domino collocato, facitoque ut hunc timeas, hunc ames.

Ipse tuam causam probè aget, & quàm optimè componet.

Non habes hîc durabilem civitatem, & ubicunque es externus es & peregrinus nunquam requiem adepturus, nisi cum CHRISTO intimè conjunctus.

4. Quid hîc circumspicis, cum non sit iste locus tuæ quietis?

In cœlestibus debet esse habitatio tua, suntque tibi terrestria omnia obiter aspicienda, ut prætereant omnia, neque non tu itidem cum eis.

Sic ea aspice ut eis non adhærescas, ne captus pereas.

Ad supremum DEUM ferantur cogitationes tuæ, Christumque precibus sinè intermissione interpellato.

Si ardua cœlestiaque contemplari nescis, acquiesce in CHRISTI supplicio, inque vulneribus ejus libenter habita.

Si enim ad salutaria illa CHRISTI vulnera vibicesque religiosè confugeris, magnam in rebus adversis confirmationem senties, nec multùm curabis hominum despicientiam tui, & facilè eorum calumnias feres.

Ipfemet CHRISTUS in mundo fuit hominibus despectui, & in maximâ necessitate à notis & amicis inter probra derelictus.

CHRISTUS ipse pati voluit & despici, & tu de ullo audebis conqueri?

CHRISTUS adversarios habuit & maledicos, & tu tibi vis omnes amicos esse & benedicos?

Unde conabitur patientia tua, si adversi nihil occurrerit?

Si nihil quod tibi contrarium sit vis pati, quomodo eris amicus CHRISTI?

Adversa tibi & cum CHRISTO & pro CHRISTO ferenda sunt, si cum CHRISTO regnare vis.

Si vel semel in JESU penetralia verè intrâsses, ejusque amoris ardorem vel tantulum degustâsses, non solum tua commoda aut incommoda nihil curares, verum etiam infamiâ tuâ gauderes:

Facit enim amor JESU ut seipsum homo contemnat.

Potest amator JESU, & verè interior homo, & intemperantium cupidatum expers, sese ad DEUM liberè convertere, ac supra seipsum spiritu elatus, eo quietè frui.

7. Cui sapiunt omnia ut reipsa sunt, non ut dicuntur aut existimantur, is verè sapiens est & à DEO potius doctus, quam ab hominibus.

Qui & intus versari, & externa parvi pendere scit, is nec loca requirit, nec tempora expectat ad religiosas exercitationes usurpandas.

Citò se recolligit interior homo, quippe qui nunquam se totum extra effundat.

Non illi obest labor exterior, aut occupatio ad tempus necessaria: quin ut quæque eveniunt, sic ille se eis accommodat.

Qui intus ritè compositus & comparatus est, is hominum mirificos perversosque mores non curat.

Tantum quisque impeditur & distrahitur, quantum ad se res attrahit.

8. Si ritè compositus ac probè purgatus esses, omnia tibi bono commodoque essent.

Ideo tibi multa displicent, teque sæpe perturbant, quia nondum tibimetipsi planè mortuus, nec ab omnibus terrestribus sejunctus es.

Animum hominis nihil sic contaminat & implicat, ut impurus amor rerum creatarum.

Si externarum rerum consolationes aspernatus fueris, fiet ut cœlestia contemplari, & frequenter interiùs exultare queas.

C A P. II.

De modestiâ & obedientiâ.

1. Quis à te sit aut contrà noli magni pendere, sed illud age & cura, ut tibi in cunctis operibus tuis adsit DEUS, animumque habeas sibi bene conscium: ita fiet ut te DEUS probè defendat.

Nam quem is tueri volet, huic nullius perversitas nocere poterit.

Si tacere patique scies, auxilium DOMINI proculdubio videbis.

Ipse tui liberandi tempus novit, ideoque te illi debes concedere.

DEI est adjuvare, & hominem ab omni probro liberare.

2. Sæpe multum prodest ad nos magis magisque deprimendos, vitia nostra ab aliis sciri atque argui.

Dum se homo ob vitia sua demittit, facile alios placat, parvoque negotio sibi irascentibus satisfacit.

Demissum hominem DEUS protegit & liberat: ad demissum sese demittit.

Demisso multa largitur, eumque post ipsius depressionem ad gloriam extollit.

Demisso arcana sua patefacit, eumque suaviter ad se trahit & invitat.

Demissus licet contumeliâ ignominiâque affectus, tamen pacato est animo, quippe DEO nixus, non mundo.

Noli te quicquam profecisse existimare, nisi te omnium infimum esse sentias.

C A P. III.

De bono & placido homine.

1. Tibimet primo pacem concilia: ita demum ceteros pacificare poteris.

Flus

Plus prodest homo placidus, quàm bene doctus.

At contentiosus etiam bonum in malam partem trahit, malum facilè credit.

Bonus & placidus homo omnia in bonam partem convertit.

Qui pacato est animo, is de nullo finistrè suspicatur:

At qui suâ sorte contentus non est, & variis suspicionibus agitur, is nec quiescit ipse, nec alios quiescere patitur.

Dicit sæpe quod non debet, & omittit quod fieri expediret.

Quid aliorum sit officii considerat, ipse sui negligens.

Quarè tuum officium in primis curato: ita demum alterius quoque officium meritò curabis.

Tu facta tua excusare ac tolerare probè nòsti, & aliorum excusationes non admittis.

Æquius esset ut teipsum accusans, alterum excusares.

Si ferri vis, ferto tu vicissim alterum:

Vide quàm procul absis adhuc à verâ charitate atque modestiâ, quæ nulli, nisi sibimetipsi, indignari irascive novit.

Cum bonis & mansuetis rem habere haud magnum est.

Quippe cum id omnibus naturaliter jucundum sit, & pacem quisque exoptet, sibi que consentientes plus cæteris diligat.

Sed cum duris & perversis, nobisque adversantibus, aut malè moratis, pacatè posse vivere, hoc magni fortisque viri est, & magnâ laude digni.

Sunt qui & ipsi secum & cum aliis pacem colunt.

Sunt qui nec ipsi pace fruuntur, nec alios eâdem frui sinunt.

Graves illi quidem cæteris, sed sibimetipsis semper graviores.

Sunt & qui tum seipsos in pace retinent, tum alios ad pacem reducere student.

Cæterùm omnis pax nostra in hâc vitâ, potiùs in modestâ tolerantia ponenda est, quàm in non sentiendo adversa.

Quò quisque magis adversa pati novit, eò majore pace fruitur.

Idem & victor est sui, & dominus mundi, & amicus CHRISTI, & hæres cœli.

CAP. IV.

De mentis puritate, intentionisque simplicitate.

1. Duabus alis homo supra terrestria attollitur, simplicitate videlicet & puritate.

Simplicitas intentionis, puritas affectionis est: illa DEUM intendit, hæc apprehendit & gustat.

Nulla te bona actio impedit, si animum habebis ab omni intemperato affectu liberum.

Si nihil aliud quàm DEI voluntatem & alterius utilitatem intendes & quæres, fruëris animi libertate.

Si rectus esset animus tuus, esset tibi universa rerum natura speculum vitæ, & liber sanctus doctrinæ.

Nam nulla tam parva tamque vilis res est, quæ DEI bonitatem non repræsentet.

2. Quòd si bonum parumque animum haberes, omnia finè impedimento videres, & probè perciperes.

Purus enim animus & cœlum penetrat & Orcum:

Ac qualem quisque animum habet, sic & de rebus externis judicat.

Si usquam gaudium est, eo fruitur puri cordis homo.

Rursum si usquam est calamitas & angustia, eam melius novit nemo quam animus sibi malè conscius.

Sicut ferrum coniectum in ignem rubiginem amittit, totumque candens efficitur: Sic homo ad DEUM se totum convertens, torporem exuit, & in novum hominem mutatur.

Tepescens homo vel tantulum laborem refugit, & externam ambit consolationem.

Idem si seriò seipsum vincere, divinæque viâ viriliter ingredi cœpit, fit ut quæ prius gravia sentiebat, eadem nunc levia ducat.

CAP. V.

De sui consideratione.

1. Nobis ipsis nimis credere non debemus: nam sæpe & dotes nobis & sensus deest.

Exiguo lumine præditi sumus, & idipsum negligentia faciliè amittimus.

Sæpe etiam tam cæco esse nos animo non advertimus: sæpe & peccamus, & peccatum insuper pejus excusamus, & interdum cupiditate perciti, zelum putamus.

In aliis parva reprehendimus: ipsi nostra majora præterimus.

Quæ ab aliis nobis inferuntur, ea facilimè sentimus & magni pendimus: quid à nobis ferant alii non advertimus.

Si quis sua bene ritèque perpenderit, is cur de altero gravius judicet causam non habebit.

2. Interior homo suiipsius curam omnibus curis anteposit: & qui sibimetipsi diligenter intendit, is faciliè de altero tacet.

Interior & religiosus nunquam eris, nisi de altero filebis, & in teipsum in primis intueberis.

Si tibi & DEO totus intendes, parùm te movebunt quæ extrinsecus accident.

Ubinam es, dum ipse tibi præsens non es? aut postquam omnia percurristi, quid te neglecto profecisti?

Ut veram pacem & concordiam adipiscaris, necesse est ut omnibus postpositis te solum ob oculos habeas.

3. Multùm proficies, si omni humanâ curâ superferdebis: & multùm decresces, si quid humanum magnifacies.

Nihil altum, nihil magnum, nihil gratum, nihil acceptum tibi sit, nisi quod aut planè DEUS, aut DEI sit:

A rebus creatis quicquid solatii affertur, id totum inane ducito.

DEI amans anima præ DEO despicit universa.

Solus DEUS æternus, immensus, implens omnia, solatium est animæ, & vera cordis lætitia.

CAP. VI.

De bonæ conscientiæ lætitiâ.

1. Boni viri gloria in animi sibi bene conscii testimonio posita est.

Esto tibi bene conscius, & perpetuâ fruêris lætitiâ.

Bene sibi conscius animus, & plurima ferre potest, & inter adversa etiam exultare lætitiâ.

At malè sibi conscius semper timidus est & inquietus.

Suaviter requiesces si te animus tuus non reprehendet.

Noli lætari nisi cum bene feceris.

Mali nunquam nec verâ lætitiâ fruuntur, nec animi pacem experiuntur,

Quippe cum impii (ut ait DOMINUS) sint pacis expertes.

Quòd si se in pace degere, nec malis invadendos, nec quemquam sibi nocere ausurum dixerint, eis ne credito.

Nam tanta in eos repentè existet ira DEI, ut & in nihilum redigantur eorum actiones, & pereant cogitationes.

2. De calamitate gloriari amanti difficile non est: sic enim gloriari, est de DOMINI curâ gloriari.

Brevis est gloria quæ ab hominibus vel tribuitur, vel accipitur, humanamque gloriam semper comitatur trititiâ.

Bonorum gloria in ipsorum conscientiâ, non in hominum ore sita est.

Iustorum lætitia & de DEO & in DEO est, eorumque gaudium de veritate.

Qui veram æternamque gloriam cupit, is temporariam non curat:

Qui verò temporariam aut quærit aut non ex animo contemnit, is omnino non amat cœlestem.

Magnam habet animi tranquillitatem qui nec laudes nec probra curat.

3. Facile forte suâ contentum pacatumq; se præbet is, cujus conscientia munda est.

Neque sanctior es si laudaris, neque deterior si vituperaris:

Id ipsum es quod es, neque major dici potes, quàm quantus DEI iudicio es.

Si attendes quid intus in animo sis, non curabis quid de te foris loquantur homines.

Homo vultum, DEUS animum videt; homo facta, DEUS consilia pensat.

Semper bene facere, & seipsum parvi pendere, modesti amici indicium est.

Nullius humanæ rei solatium admittere, singularis sinceritatis & intimæ fiduciæ argumentum est.

4. Qui nullum aliunde de se testimonium quærit, non dubium est quin is se totum DEO commiserit.

Non enim qui seipsum commendat, is probandus est, inquit Paulus, sed quem DEUS commendat.

Habere cum DEO negotium in animo, nec ullâ affectione extrinsecus agitari, status est hominis interioris.

C A P. VII.

De JESU super omnia amando.

1. Beatus qui intelligit quid sit JESUM amare, & seipsum propter JESUM contemnere.

Ob diligendum relinquendus est dilectus, quandoquidem vult JESUS se solum amari supra omnia.

Est humanarum rerum dilectio fallax & instabilis: at JESU fidelis & durabilis.

Humanæ rei qui adhæret, is cum caduco casurus est, at JESUM qui amplectitur, is in perpetuum consistit.

Illum dilige, ejus amicitiam retine, qui omnibus discedentibus non sit te derelicturus, neque tandem perire passurus.

Ab hominibus, velis nolis, aliquando divellêris:

2. Tum vivens tum moriens adhæresce JESU, ejusque fidei te committe, qui omnibus deficientibus solus tibi opem ferre potest.

Est ille tuus amicus eo ingenio ut alienum non admittat, sed solus animum tuum sibi vendicet, & in ejus folio tanquam rex sedeat.

Quod

Quòd si rerum omnium humanarum societatem abjicere scires, libenter tecum habitaret JESUS.

Penè totum perditum invenies quicquid extra JESUM in quemcunque impenderis.

Noli confidere aut inniti nutanti calamo: nam mortales omnes herba sunt, & eorum omnis gloria floris instar cadit.

3. Facile decipieris, si duntaxat in hominum speciem oculos conjeceris.

Nam si in aliis solatium lucrumque tuum quæres, sæpè detrimentum patiêre.

Si JESUM in omnibus quæres, JESUM utique invenies: sin teipsum quæres, teipsum equidem invenies, sed ad tuam perniciem.

Nam ipse sibi quisque plus nocet, si JESUM non quærit, quàm universus orbis, omnesque adversarii.

C A P. VIII.

De familiari amicitia JESU.

1. Dum JESUS adest, bene se habent omnia, nec quicquam difficile videtur: eodem absente omnia dura sunt.

JESU in hominis animo non loquente, quævis consolatio parum habet momenti:

Eodem vel unum verbum loquente, mera sentitur consolatio.

Sic Maria Magdalena de loco surrexit in quo flebat, simulatque magistrum adesse, ipsamque vocare ei Martha nunciavit.

Felix hora quâ JESUS à lachrymis vocat ad gaudium spiritûs.

Quàm aridus & durus es sinè JESU? quàm insipiens & vanus si cupis aliquid extra JESUM? major profectò jactura, quàm si totum mundum perderes.

Quid potest conferre mundus sinè JESU? Esse sinè JESU, acerbam mors: cum eodem esse, vita dulcis est.

Si tecum erit JESUS, nullus nocere poterit inimicus.

JESUM qui invenit, bonum thesaurum invenit, vel potiùs summum bonorum, eundem qui amittit, nimium amittit.

Quid

Quid dixi nimium? plus amittit, quàm si universum orbem amitteret.

Sinè JESU qui vivit, pauperrimus est: cum JESU cui bene convenit, ditissimus est.

3. Cum JESU versari magnæ artis est, eundemque scire retinere, magnæ prudentiæ.

Esto modestus & placidus, & aderit JESUS.

Esto religiosus & quietus, & tecum permanebit JESUS.

Eundem faciliè fugaveris, ejusque gratiam amiseris, si ad exteriora deflexeris.

Quòd si illum fugatum amiseris, ad quem tunc confugies? aut quem tunc quæres amicum?

Sinè amico quidem diu vivere non potes: quòd si JESUS tibi præ cæteris omnibus amicus non erit, supra modum dolebis.

Itaque stultè facis, si ulli alii confidis, aut alio lætaris.

Præstat vel totum orbem, quàm unum JESUM habere infensum.

Quamobrem omnium quì chari sunt, sit JESUS longè dilectissimus.

4. Cæteri propter JESUM, JESUS propter seipsum diligatur.

Solus JESUS CHRISTUS singulariter est amandus, qui solus amicorum bonus & fidelis inveniatur.

Propter hunc & in hoc tibi chari esse debent, tum amici, tum inimici,

Idemque pro omnibus illis orandus est, ut eum omnes cognoscant & diligant.

Nunquam cupias singulariter laudari & amari: hoc enim DEI est, qui parem non habet.

Neu velis ut cujusquam animus tibi sit addictus, neu tu in cujusquam amore occuperis: sed & in te & in omnibus bonis viris sit JESUS.

5. Mundum liberumque animum habeto, & ab omni humanarum rerum impedimento vacantem.

Nam mundus sis oportet, & sincerum animum ad JESUM afferas, si vis quàm suavis sit DOMINUS videre.

Eò nunquam pervenies, nisi ejus favore præventus & attractus, ut omnibus abolitis & abdicatis solus soli copuleris.

E

Nam

Nam si DEI favor homini intervenit, sit ut nihil non possit homo: idem si discessit, pauper est & infirmus, & quasi tantum ad flagella relictus.

Quæ dum fiunt, dejici non debes, aut desperare, sed erga DEI voluntatem æquum animum gerere, omnesque casus tuos ad JESU CHRISTI laudem perpeti.

Nam hyemem sequitur æstas & post noctem redit dies, & tempestati succedit magna serenitas.

C A P. IX.

De absentia solatii.

1. Non arduum est, humanum contemnere solatium, dum adest divinum.

Sed tum humano tum divino posse carere solatio, & ob DEI gloriam animi exilium libenter ferre, & nullâ in re sibi studere, aut meritum suum spectare, hoc demum magnum est.

Quid magni est, si dum DEI favor adest, tu hilaris es & religiosus? quis illam horam non optet?

Suaviter equitat, quem DEI gratia portat:

Quid mirum, si onus non sentit, qui portatur ab omnipotente, & ducitur à summo ductore?

2. Libenter alicujus rei solatio adhærescimus, & difficulter homo seipso exuitur.

Multum & diu certandum est homini, antequam discat seipsum plenè superare, suosque sensus omnes ad DEUM trahere.

Quandiu seipso nititur homo, facile delabitur ad humana solatia:

Sed CHRISTI verus amator, & studiosus virtutum sectator, ad solatia illa non declinat,

Nec tales sensuum dulcedines quærit, sed potius vehementes exercitationes, & pro CHRISTO duros labores.

3. Si quando tibi spirituale solatium divinitus datur, id tu cum gratiarum actione accipito, & DEI munus, non meritum tuum, esse scito, neve eò superbito.

Noli dono nimium gaudere, aut inaniter insolescere,

Sed

Sed esto potius tantò modestior, & in cunctis actionibus tuis cautior atque timidior.

Nam præteribit tempus illud solatii, sequeturque tentatio.

Igitur sublato solatio ne protinus desperato, sed cœlestem opem cum modestiâ & patientiâ expectato.

Potest enim DEUS ampliore te & dono & consolatione iterum afficere.

Neque verò novum istud est, aut insolens, expertis viam DEI.

Siquidem præcipuæ sanctitatis homines, priscique vates, hujusmodi vicissitudinem sæpe sunt experti.

4. Itaque quidam divinâ ope fultus ita dicebat: Equidem cum in tantâ sælicitate essem, nunquam mihi labefactandus videbar.

Eâdem sublata quid sibi evenerit, subjungit his verbis: Deinde te vultum tuum abdente perturbatus sum.

Interèa tamen nequaquam desperat, sed tantò vehementiùs DOMINUM orat, atque ita dicit: Invocavi te, DOMINE, supplicavi DOMINO.

Tandem supplicationis suæ fructum repotrat, sequè exauditum testatur dicens, Exaudivit DOMINUS, meique misertus est.

Tu meum mœrorem in chorum vertisti, meque exutum centone, amicivisti gaudio.

Quòd si hæc tantæ sanctitatis viris contigerunt, nobis humilibus & inopibus desperandum non est, si modò in frigore, modò in ardore sumus: quandoquidem spiritus venit abique arbitrato suo.

Eam ob causam dicit Jobus, Eum tanti facis, ejus ut rationem habeas, eumque quotidie cures, & per singula momenta explores.

5. Quânam ergo in re spem habere, aut cui confidere debeo, nisi soli illi summæ DEI misericordiæ gratiæ aëque cœlesti?

Nam licet adsint homines boni religiosique fratres, & amici fideles, aut sancti libri & elegantes sermones, aut dulces cantus & carmina, omnia hæc parùm juvant, parùm arrident, si divinâ ope destitutus, meæ sum relictus inopiæ.

Tunc nullum est melius remedium, quàm patientia & abnegatio mei secundum DEI voluntatem.

6. Equidem in nullum unquam incidi religiosum hominem, qui non aliquando senserit ardoris diminutionem:

Nec extitit ullus unquam vir sanctus tam altè raptus & illuminatus, quin is vel citiùs, vel seriùs aliquando fuerit tentatus.

Non est dignus altâ DEI contemplatione, qui pro DEO non fuit exercitatus aliquâ miserîâ.

7. Solet præcedens tentatio sequentis consolationis esse signum.

Nam iis qui tentationibus explorâti sunt, cœlestis promittitur consolatio.

Qui vicerit, inquit, dabo ei edere de arbore vitæ.

Et datur consolatio divina, ut sit homo fortior ad adversa perferenda.

Et sequitur tentatio, ne bono superbiat.

Non dormit diabolus, nec adhuc mortua est caro:

Ideoque nunquam intermittito teipsum ad certamen præparare: nam à dextrâ finistrâque sunt hostes irrequieti.

C A P. X.

De gratitudine erga DEI beneficia.

1. Quid quæris quietem, cum natus sis ad laborem?

Dede te potiùs patientiæ, quàm consolationi, & cruci portandæ quam lætitiæ.

Quis vel mundanus homo non libenter consolatione spiritali semper fruatur, si semper potiri queat?

Quippe quæ omnibus mundi deliciis carnisque voluptatibus antecellat.

Nam omnes mundanæ deliciæ aut turpes sunt aut vanæ:

At spirituales solæ jucundæ, solæ honestæ, ex virtutibus progenitæ, & à DEO puris infusæ mentibus.

Sed ejusmodi sunt divina hæc solatia, ut eis nemo suo arbitrio frui queat.

2. Multùm adversatur cœlesti auxilio, falsa libertas animi, nimiaque sui confidentia:

DEUS bene facit, qui in hominem solatii beneficium conferat:

Sed

Sed homo malè facit, qui non totum DEO cum gratiarum actione acceptum ferat.

Hinc fit ut in nos influere divina dona ideo nequeant, quia ingrati sumus in authorem, nec omnia refundimus in fontis originem.

Gratiam enim qui habet novam provocat: & à superbè ingratìs auferri solet, quod in modestè gratos conferatur.

3. Nolo solatium quod mihi auferat compunctionem; nec affecto rerum perspicientiam quæ me evehat in superbiam.

Non enim quicquid altum est, idem & sanctum: nec omnis cupiditas pura est:

Nec quicquid dulce, idem & salubre: nec quicquid homini charum, idem & DEO gratum.

Libenter ea beneficia accipio, quibus modestior timidiorque reddar, & ad meipsum relinquendum paratior.

Qui acceptis à DEO beneficiis, & iisdem postea subtractis doctus atque castigatus est, is sibi nihil audet boni arrogare, sed potius inopem se nudumque confitetur.

4. Da DEO quod DEI est, & tibi ascribe quod tuum est:

Hoc est, DEO gratias pro beneficiis age, tibi verò culpam tribue, & pro culpâ pœnas deberi censeo.

Habeto te semper infimo loco, & tibi dabitur summus: nam finè infimo summus non constat.

Quos DEUS nomine sanctitatis pro summis habet, ii seipsos pro minimis habent:

Quantòque sunt gloriosiores, tantò se gerant summissius, pleni veritate & gloriâ cœlesti, non vanæ gloriæ cupidi.

Qui DEO nixi consistunt, ii ut insolescant fieri nullo modo potest:

Qui DEO ascribant quicquid boni adepti sunt, ii mutam gloriam non ambiunt,

Sed eam quæ à solo DEO est volunt, Deumque, tum in se, tum in omnibus cæteris sanctis hominibus laudari supra omnia cupiunt, semperque eòdem tendunt.

5. Quocircà gratum te in parvis præstato, & dignus eris qui majora consequare.

Sint tibi vel minima vilissimaque dona pro maximis & eximiis.

Nam si datoris dignitas spectatur, nullum donum aut munus parvum aut vile videri debet.

Non enim parvum munus est quod à summo DEO donatur,

Si vel pœnas & verbera donet, id gratum esse debet, utpote cum semper ad salutem nostram, faciat quicquid nobis usu venire permittit.

Qui DEI gratiam retinere cupit, is se & gratum pro collatis & patientem sublati beneficiis præbeto,

Utque redeant orato, & ne amittat cautus & modestus esto.

C A P. XI.

De paucitate amatorum crucis JESU.

1. Habet nunc JESUS regni sui amatores multos: sed crucis gestatores paucos.

Habet consolationis cupidos multos, sed calamitatis paucos.

Mensæ socios invenit frequentes: sed continentiae paucos.

Cum CHRISTO gaudere volunt omnes: sed cum eodem adversa ferre pauci.

JESUM multi ad panis usque fractionem sequuntur: sed ad supplicii calicem potandum pauci.

Ejus miracula venerantur multi: sed crucis ignominiam sequuntur pauci.

JESUM multi diligunt quandiu adversa non contingunt: eundem multi laudant & gratias agunt, quandiu aliquid solatii ab eo accipiunt.

Idem si se abscondit, & paulisper eos relinquit, aut in querimonias aut in animi dejectionem nimiam cadunt.

At qui JESUM propter JESUM, non propter ullum suum ipsorum solatium, diligunt, illi eum in calamitatibus & animi angoribus, æquè ac in summis solatiis celebrant,

Eiquè semper gratias agunt, etiam si ille omnem eis consolationem deneget.

Tantum potest merus amor JESU nullo privato comodo aut amore sui permixtus.

Mercenarii dicendi sunt qui semper quærunt solatia :

Sui magis quàm CHRISTI amatores esse perspicuum est, qui sua commoda lucraque semper cogitant.

Gratis quidem servire DEO qui velit quotus quisque est? aut qui sit ita spiritualis ut omnibus humanis rebus sit nudatus?

4. Verè animo pauperem, & ab omnibus mundanis rebus nudum quis inveniatur?

Preciosum illum, & ab ultimis usque orbis finibus petendum?

Si vel omnes facultates suas impendat nihil homo adhuc egit:

Si gravi se peccatorum pœnitentiâ castiget, adhuc parum est:

Si scientiam omnem percipiat, adhuc longè abest:

Si singulari virtute, ardentissimâque sit religione præditus, adhuc multum ei deest, unum scilicet, quod ei summè necessarium est.

Sed quidnam illud tandem? nimirum ut cæteris omnibus relictis seipsum relinquat, totusque ex seipso egressus, nihil privati amoris retineat.

5. Quum omnia fecerit quæ facienda sciverit, nihil se fecisse sentiat,

Neve magni pendet quòd magnus haberi possit, sed verè inutilem servum se pronunciet.

Quum feceritis omnia quæ vobis præcepta sunt, tamen ita dicitote: Servi sumus inutiles.

Tum demum animo inops & nudus erit, eique cum vate illo dicere licebit, Solus & inops ego sum.

Et tamen illo nemo ditior, nemo liberior, nemo potentior, qui & se & omnia relinquere sciat, & ad infima se dejicere.

C A P. XII.

De CHRISTI cruce ferendâ.

i. Durum multis videtur dictum hoc, Abnega te ipsum, tolle crucem tuam, & JESUM sequere.

Sed

Sed multò durius erit illud ultimum, Ite hinc execrables in ignem æternum.

Qui enim nunc libenter audiunt & sequuntur dictum crucis, ii tunc non horrebunt tristem illam æterni supplicii sententiam.

Atque hoc erit signum crucis in cælo, quum DOMINUS ad iudicandum veniet.

Tunc omnes servi crucis, qui vitam cruci fixo congruam vixerint, ad CHRISTUM accedent iudicem cum magnâ fiduciâ.

2. Quid igitur crucem tollere dubitas per quam itur ad regnum?

In cruce salus est, in cruce vita, in cruce præsidium adversus hostes,

In cruce infusio supernæ suavitatis, in cruce robur mentis, in cruce gaudium spiritûs,

In cruce virtus summa, in cruce perfectio sanctitatis.

Absque cruce nec animæ salus, nec eternæ vitæ spes est.

Tolle ergo crucem tuam, & sequere JESUM, & ibis in vitam æternam.

Processit ille ferens crucem suam, & in cruce mori cupias.

Nam si unâ cum eo mortuus fueris, unâ etiam vives: & si socius fueris supplicii, socius eris & gloriæ.

In cruce atque in moriendo sita sunt omnia,

Nec ad vitam veramque pacem animi ulla alia via est quàm crucis, & quotidianæ enectionis sui.

Quocumque te vertas, in quamcumque partem conjicias oculos, nullum usquam suprà infrâve vel alteriorem vel tutiorem viam invenies, quàm crucis.

Omnia arbitrio iudicioque tuo componas licet atque compares, fieri non poterit quin tibi vel volenti vel invito semper sit aliquid patiendum, semperque in crucem incurras.

Aut enim corporis dolorem experiere, aut animi ægritudine cruciabere.

4. Interdum à DEO derelinqueris, interdum ab altero exerceberis:

Et quod gravius est, sæpe tibi metipso gravis eris:

Idque

Idque ita ut nullo remedio queas aut solatio liberari, quin tibi, quamdiu volet DEUS, id sit perferendum.

Vult enim DEUS ut miseriam sine consolatione patiscas, eique te totum subicias, & modestior calamitate fias.

CHRISTI supplicium nemo sic animo sentit, ut is cui similia pati contingit.

Crux igitur semper parata est, & ubique te manet, nec effugere potes, quocunque curras:

Nam quocunque veneris, teipsum tecum portas, & semper teipsum invenies.

Converte te sursum, converte deorsum, converte extrorsum, & introrsum ubicumque crucem invenias,

Necesse est ut ubicumque patientiam teneas, si animi pace frui, & perpetuam obtinere vis coronam.

Si crucem libenter portabis, te portabit, & ad optatum finem perducet, ubi videlicet patiendi finis erit.

Sin invitus portabis, onus tibi facies, & teipsum magis gravabis, & tamen ferendum erit.

Si crucem unam abjices, in alteram profectò incurres, & quidem forsitan graviolem.

6. Tene speras evasurum quod nulli mortalium licuit declinare?

Quis sanctorum virorum in orbe sine cruce fuit.

Ipse dominus noster JESUS CHRISTUS nullam horam fuit expers doloris & cruciatûs, quandiu in hoc orbe vixit.

Oportebat enim CHRISTUM pati & à mortuis resurgere, atque ita gloriam suam inire.

Et tu aliam viam quæres, ac non regiam hanc viam crucis?

7. Tota vita CHRISTI crux fuit & cruciatus, & tu tibi requiem quæres?

Erras, erras si aliud quæris quam calamitatum perpeffionem: quippe cum tota hæc vita mortalis sit circumsepta crucibus.

Ac quantò quisque in rebus divinis majores progressus habet, tantò sæpè in graviores cruces incidit.

8. Neque tamen iste tam multis calamitatibus pressus, caret levamento consolationis,

Et hæc cruce suâ uberem fructum percipere se sentit.

Nam dum se cruci sponte subicit, fit ut omne calamitatis onus in divinæ consolationis fiduciam convertatur:

Ac quantò magis labefactatur calamite caro, tantò magis animi consolatione corroboratur spiritus.

Adeòque nonnunquam confirmatur sensu calamitatis & rerum adversarum (tantus est amor similitudinis crucis CHRISTI) ut dolore & miseriâ vacare non optet:

Quoniam tantò se Deo acceptiorem esse credit, quantò plura & graviora pro eo ferre potest.

Neque verò fit illud hominis virtute, sed CHRISTI beneficio, quod tantum potest, tantumque perficit in carne fragili, ut quod naturaliter semper abhorret & fugit homo, id ardore spiritûs aggrediatur & amet.

9. Non humanæ facultatis est crucem ferre, crucem amare, corpus domare & subigere, fugere honores, libenter ferre contumelias, seipsum despiciere & despici optare, adversa quæque cum damnis perpeti, & nihil prosperitatis in hoc orbe cupere.

Horum tu nihil tuo Marte poteris, si à teipso pendebis:

Sin DOMINO confides, dabitur tibi de cælo fortitudo, tuæque ditioni subjicietur mundus & caro.

Quin ne Diaboli quidem inimicias timebis, si fide armatus, & JESU cruce signatus eris.

Quamobrèm applica te, sicuti fidelem bonumque CHRISTI servum decet, ad ferendam viriliter crucem DOMINI tui, pro te præ amore in crucem sublati.

Paratus esto ad toleranda multa adversa & varia incommoda in hac vitâ:

Siquidem sic tecum agetur ubicunque deges, eritque tibi omnino hæc ferenda conditio ubiubi latebis,

Nec ulla usquam via est evadendi, quin ea perpetienda est.

Tu DOMINI calicem avidè pota, si ejus amicus & confors esse cupis:

Quod ad consolationes attinet, eas Deo committe, iis ipse utatur arbitrio suo.

Tu ferendis calamitatibus deditus esto, easque pro-maximis solatiis ducito.

Neque enim pares sunt hujus temporis calamitates futuræ gloriæ, quâ sumus aliquando afficiendi, etiam si solus tu omnes perferre posses.

11. Postquam eò perveneris ut tibi pro CHRISTO adversa ferre dulce sit & jucundum, tunc tecum bene agi existimato, qui cœleste regnum inveneris in terris.

Rursum quamdiu ferre gravabetis, & fugitabis, tamdiu malè tecum agetur.

12. Sin te ad officium tuum, hoc est ad patiendum moriendumque applicabis, brevè sublevaberis, & pacem invenies.

Etiam si vel in tertium cœlum cum Paulo raptus fueris, non ideo exploratum habebis, nihil tibi adversi esse eventurum.

Ego (inquit JESUS) ei ostendam quantum ei sit meo nomine patiendum.

Itaque ut patiare necesse est, si JESUM diligere, & ei perpetuò servire placet.

13. Atque utinam dignus sis qui pro JESU nomine aliquid patiaris:

Quanta inde & tibi gloria, & sanctis omnibus lætitia, & hominibus utilitas existet?

Nam patientiam commendant omnes licet pauci pati velint.

Magna causa est cur pro CHRISTO paululum pati velis, quum multò graviora patiare pro mundo.

14. Illud certò scito, tibi moriendo vivendum esse, ac quantò quisque sibi magis moritur, tantò eundem DEO magis viviſcere.

Nemo aptus est ad comprehendenda cœlestia, nisi qui se submiserit ad adversa pro CHRISTO ferenda.

Nihil vel DEO acceptius, vel tibi salutaris in hac vitâ, quàm libenter pati pro CHRISTO:

Adeò ut si tibi detur optio, malle debeas pro CHRISTO adversa pati, quàm multis consolationibus recreari:

Ita enim & CHRISTO & omnibus ejus cultoribus sanctis similior existes.

Neque animi in copiâ voluptatum & consolationum situm est meritum nostrum officiique profectus, sed potius in gravibus malis calamitatibusque perferendis.

15. Quod si quid melius aut homini salutaris esset quam adversa pati, utique CHRISTUS id & verbis & factis ostendisset.

Nunc

Nunc & discipulos sectatores suos, & omnes sui sequendi cupidos manifestò ad crucem ferendam hortatur in hunc modum:

Si quis post me venire vult, abneget semetipsum, tollat crucem suam & me sequatur.

Igitur omnibus perlectis & exploratis sit hæc orationis conclusio, Per multas calamitates nobis in DEI regnum intrandum est.



DE



DE
IMITANDO CHRISTO.

LIBER TERTIUS.

CAP. I.

*De interiore CHRISTI colloctione cum animâ
fidei.*

AUDIAM quod in me loquatur DOMINUS DEUS.
Beata anima, quæ loquentem in se DOMINUM
audit, & ex ejus ore sermonem consolationis accipit.

Beatæ aures quæ divini fufurri sonitum accipiunt, &
hujus mundi fufurrations nihil advertunt.

Beatæ planè aures, quæ non foris fonantem vocem
aufcultant, sed loquentem interiùs docentemque verita-
tem.

Beati oculi qui exterioribus claufi, interioribus sunt
intenti.

Beati qui ad interiora penetrant, & ad capienda ar-
cana cœlestia magis magisque quotidianis exercitationi-
bus sese student præparare.

Beati qui DEO vacare gestiunt, & ab omni humano
impedimento se excutiant.

Hæc animadvertite, ô anima mea, & cupiditates excludite, ut quid in te loquatur DOMINUS DEUS, audire queas.

Hæc dicit amicus tuus: Ego salus, ego pax, ego vita tua sum: mihi adhære, & pacem invenies.

Omitte omnia mortalia, & quære æterna.

Quid enim sunt omnia temporalia, nisi fallaciæ? aut quid conducunt omnia creata, si à creatore deferaris?

Quare, omnibus abdicatis, creatori tuo accepta sis ac fidelis, ut veram consequi valeas beatitudinem.

C A P. II.

Veritatem intus loqui sinè strepitu verborum.

1. Loquere, DOMINE: audit enim servus tuus.

Servus tuus ego sum: da mihi intellectum, ut decreta tua discam.

Inclina animum meum ad verba oris tui, fluente ro-
ris instar oratione tuâ.

Dicebant olim Isrælitæ Mosi: Alloquere tu nos, & audiemus: non DOMINUS, ne moriamur.

Ego verò non sic, DOMINE, non sic oro: sed potiùs cum Samuele vate summisè cupidèque sic obsecro, Loquere, DOMINE: audit enim servus tuus:

Ne me Moses, aut reliquorum vatum aliquis alloquatur: sed tu me potiùs alloquere, DEUS, inspirator & illuminator omnium vatum,

Tu me solus sinè illis potes instruere: cùm illi contrà sinè te nihil profecturi sint.

2. Possunt illi quidem verba sonare: sed spiritum non conferunt.

Pulcherrimè dicunt illi quidem: sed te tacente animum non accendunt.

Literas illi tradunt sed tu sententiam aperis.

Arcana illi profantur: sed consignatorum intellectum tu referas.

Mandata illi eloquuntur: sed tu ad eadem exequenda adjuvas.

Illi viam ostendunt; tu ad eandem perambulandam das vires.

Illi foris tantùm rem agunt: tu animos instruis & illuminas.

Illi extrinsecùs irrigant: tu fœcunditatem das.

Illi verbis clamant: tu audienti tribuis intelligentiam.

3. Quamobrèm non Moses me alloquatur, sed tu DOMINE, mi DEUS, æterna veritas, ne moriar & infructuosus efficiar:

Nè sit duntaxat extrinsecùs admonitus, ac non etiam iatus accensus fuero, mihi ad pœnam conferat auditus sermo, non ad rem collatus: cognitus, non amatus: creditus, non servatus.

Igitur tu loquere, DOMINE: audit enim servus tuus.

Æternæ vitæ verba tu habes: alloquere me, quod & animo meo consolationem, & toti vitæ correctionem afferat, & tibi gloriam honoremque pariat immortalem.

C A P. III.

DEI verba summissè esse audienda, eaque à plerisque non ponderari.

1. Audi, nate, verba mea, verba suavissima, & quæ universæ philosophorum sapientùmque hujus mundi scientiæ antecellant.

Verba mea spiritus & vita sunt, nec humano sensu pensanda, nec ad inanem voluptatem trahenda, sed cum silentio audienda, cùmque omni modestiâ atque aviditate accipienda.

2. SERVUS. Beatus est quem tu erudis, DOMINE, & de lege tuâ doces, ut ei calamitatis tempore optuleris: ne pessum eat.

3. DOMINUS. Ego & jam olim vates docui, & nunc etiamnum omnes alloqui non intermitto:

Sed multi ad vocem meam furdi sunt & duri.

Plerique mundum libentiùs audiunt quàm DEUM, faciliùsque carnis suæ appetitui, quàm DEI voluntati obsequuntur.

Promittit mundus & temporalia & parva, & servitur ei magnâ aviditate: ego summa æternaque promitto: & torpent corda mortalium.

Quis mihi tantâ curâ in omnibus servit & obedit, quantâ mundo mundique dominis servitur?

Ob exiguum stipendium longa via à multis curritur:

Ob æternam vitam vix à paucis pes semel attollitur.

Vile precium studiosè quæritur: pro uno nummo interdum turpiter litigatur: & pro re inani parvâque promissione dies noctesque fatigari non dubitatur:

At pro bono immutabili, pro præmio inæstimabili, pro summo honore, & gloriâ immortalī vel tantulū laborare piget.

4. Pudeat te, serve piger & querule, quòd illi ad interitum, quàm tu ad vitam, paratories existunt: magisque vanitate, quam tu veritate gaudent.

Et illi quidem spe suâ nonnunquam frustrantur: at mea promissio neminem fallit, nec mihi confidentem re infectâ dimittit.

Ego quod verbis promitto atque pronuncio, idem reipsâ præsto atque impleo, si quis modò ad finem usque in amore mei perseveret.

Ego bonorum omnium remunerator, ego idem religionum omnium vehemens sum explorator.

5. Inscribe verba mea cordi tuo, eaque diligenter pertracte: erunt enim tentationis tempore valde necessaria.

Quæ tu legens non intelligis, eadem tentationis tempore cognosces.

Soleo electos meos duobus modis curare, videlicet tentatione & consolatione:

Eos duabus rationibus quotidie instituo, primū eorum vitia reprehendendo: deinde eos ad virtutum incrementa cohortando.

Qui verba mea habet, eadēque spernit, habet à quo damnetur in novissimo die.

C A P. IV.

Precatio quâ divina doctrina & religio imploratur.

1. DOMINE mi DEUS, qui meum omne bonum es, quis ego sum ut te alloqui audeam?

Pauperrimus

Pauperrimus ego servulus tuus, & abjectus vermiculus, multò & pauperior & vilior, quàm vel scio vel dicere audeo.

Et tamen vel hoc ipsum memento, DOMINE, me nihil esse, nihil habere, nihil valere.

Tu solus bonus, tu iustus, tu sanctus, omnia tu potes, omnia præstas, omnia imples solos, impios relinquens inanes.

Recordare misericordiæ tuæ, DOMINE, & imple animum meum favore tuo, qui opera tua vacua esse non vis.

2. Quî possim in miserâ hâc vitâ consistere, nisi me tua misericordia favôrque confirmet?

Noli vultum tuum â me avertere: noli tuam mei curationem procrastinare:

Noli consolationem tuam abstrahere, ne tibi fiat anima mea, qualis terra est, humoris expers.

DOMINE, doce me exequi voluntatem tuam: doce me coram te dignè submissèque versari.

Nam tu mea sapientia es, méque verè & cognoscis & cognovisti antequam non solùm ego in mundo natus sum, verùm etiam antequam mundus ipse factus est.

C A P. V.

Veritatem modestiàmque eoram DEO colendam esse.

1. Nate, veritatem coram me colito, méque semper cum animi simplicitate quærto.

Qui veritatem in meo conspectu colit, is à mali incursibus defendetur, eúmque veritas à deceptoribus & improborum calumniis liberabit.

Quòd si te veritas liberaverit, verè liber eris, nec hominum inania verba curabis.

SERVUS. Est ut dicis, DOMINE, atque ut ita mecum agatur quæso, videlicet ut me tua veritas doceat, custodiat, & ad felicem exitum perducatur.

Eadem me ab omni pravâ cupidine, & intemperato amore liberet:

Ita fiet ut maguâ animi libertate erga te utar.

3. VERITAS. Et ego te quid rectum quidque mihi acceptum sit docebo.

Recole cum magno animi dolore ac mœrore peccata tua, nève tibi ob tua rectè facta quicquam arroges.

Nam re verà nocens es, & multis animi morbis obnoxius atque implicitus,

Tuâpte naturâ semper ad nihilum tendis, facilèque laberis, facilè vinceris, facilè turbaris & pessundaris.

Nihil habes quo gloriari possis: sed potiùs multa ob quæ te parvifacere debeas,

Quippe multò infirmior quàm ut id percipere queas.

4. Omnium operum tuorum nihil magnum tibi videatur, nihil grande, nihil preciosum, & admirabile.

Nihil suspiciendum censeas, nihil altum, nihil verè laudabile & appetendum, nisi quod æternum est.

Tibi supra omnia placeat æterna veritas, displiceat tua summa vilitas.

Nihil sic timeas, nihil sic vituperes & fugias, ut vitia peccatâque tua, quæ magis displicere debent, quàm cuiusvis rei iactura.

Quidam se mihi non sinceros præbent: qui quâdam curiositate & arrogantia ducti, arcana mea arduâsque res studiosè rimantur, se suâque salutem negligentes.

Hi sæpe in graves tentationes & peccata propter suam curiositatem & superbiam, me eis adversante, labuntur.

5. At tu omnipotentis DEI sententiam irâmque pavidus time, nève Supremi opera excute,

Vitia tua perscrutare, quantum vel mali feceris, vel boni neglexeris.

Nonnulli suam omnem religionem solùm in libris, alii in picturis, nonnulli in exterioribus signis, figurisque circumferunt:

Alii in ore me gestant, in corde non item.

Sunt contrà qui mente perspicaces, & animo puri, ad æterna semper anhelant;

De terrestribus inviti audiunt, naturæ necessitatibus dolenter inserviunt:

Et hi quidem quid veritatis Spiritus in ipsis loquatur sentiunt.

Quippe qui eos terrestribus despectis amare cœlestia, mundoque contempto cœlum dies noctesque appetere doceat.

CAP. VI.

DEI laudatio, & de ejus beneficiis gratiarum actio:
itemque de vi amoris DEI.

1. Collaudo te, pater cœlestis, pater DOMINI mei JESU CHRISTI, qui mei inopis dignatus fueris recordari.

O misericordiæ pater, omnisque consolationis DEUS, ago tibi gratias, qui me omni indignum consolatione quandoque tuâ recreas consolatione.

Te ego perpetuò collaudo atque concelebro, necnon unigenitum filium tuum, & confirmatorem Spiritum sanctum, in omnem seculorum perpetuitatem.

Eia, DOMINE DEUS, mei amator sancte, ubi in animum meum veneris, toto pectore exultabo.

Tu mea gloria, meique cordis exultatio es: tu mea spes & perfugium tempore calamitoso.

2. Sed quia adhuc amore debili & virtute sum imperfectâ, necesse habeo à te confirmari afficique consolatione:

Quocirca vise me sæpius, sanctâque instrue disciplinâ.

Libera me à pravis animi perturbationibus, animûmque meum ab omnibus effrenatis cupidinibus & vitiis sana,

Ut intus sanatus, & probè purgatus, aptus efficiar ad amandum, fortis ad patiendum, constans ad perseverandum.

3. Magna res est amor, magnum omnino bonum, quod solum & leve reddit quicquid onerosum, & æqualiter fert, quicquid est inæquale.

Onus sinè onere portat, & amara omnia in dulcia sapidâque convertit.

Ille JESU nobilis amor ad magna facienda impellit, excitâtque ad appetenda semper perfectiora.

Amor vult esse fursûm, nec ullis humilibus rebus retineri.

Amor vult esse liber, & ab omni mundanâ affectione alienus;

Ne ejus interior impediatur aspectus, néve temporali aliquo vel commodo implicetur, vel incommodo succumbat.

Amore nihil dulcius, nihil fortius, nihil altius, nihil latius, nihil jucundius, nihil plenius, nihil vel in cœlo vel in terrâ melius,

Quippe qui DEO fit natus, nec nisi in DEO super omnia creata possit requiescere,

4. Amans volat, currit, lætatur, liber est, neque tenetur:

Omnia dat pro omnibus, & habet in omnibus omnia,

Utpote qui in uno summo supra omnia quiescat, ex quo manat & oritur omne bonum.

Non dona spectat, sed ad donantem se convertit supra omnia bona.

Amor modum nullum novit, sed supra omnem modum fervet.

Amor onus non sentit, labores nihili facit.

Supra vires conatur, utrum fieri id possit an fecus, nihil pensi habens, quippe cum sibi nihil arduum, nihil illicitum arbitretur.

Ergo valet ad omnia, multâque ad finem perducit, si non deficit & jacet amans.

5. Amor vigilat, & dormiens non dormitat: laborans non lassatur, pressus non opprimitur, territus non perturbatur;

Sed quasi vivida flamma, ardēnsque facula sursum erumpit, tutôque penetrat.

Siquis amat, novit quod hæc vox clamet,

Magnus in auribus DEI est ipse ardens affectus animi, dum dicit,

Mi DEUS, mi amor, tu totus meus, ego totus sum tuus.

6. Gigne in me amorem copiosum, ut discam interiore cordis ore degustare, quàm suave sit amare, & in amore quasi liquefactum natare.

Fac ut ita amore flagrem, ut studii ardore meipsum superem.

Cantem amoris canticum, in sublime te sequar amicum meum, tuâsque laudes tanto amore decantem, ut me deficiat animus.

Te plusquam meipsum amem: quin neque me, neque cæterorum quenquam, qui te verè amant, nisi & propter te, & in te amem, sicuti jubet lex amoris ex te reuelens.

Est amor velox, sincerus, pius, jucundus & amœnus, fortis, patiens, fidelis, prudens, virilis, & sibi nunquam studens.

Ubi enim sibi quis studet, ibi cadit amor.

Est amor circumspectus, modestus, rectus, non molli, non levis, nec vanis rebus addictus, sobrius, castus, constans, quietus, & in cunctis sensibus temperans.

Est amor subjectus & obediens majoribus, sibi vilis & despectus, erga DEUM religiosus & gratus, confidens semperque sperans;

Etiā tum, cum à DEO fastiditur: quandoquidem sine dolore non vivitur in amore.

Qui non est paratus omnia pati, sequē amici voluntati accommodare, indignus est qui amator appelletur.

Denique amantem oportet omnia dura & amare propter amicum amplecti, nec adversis casibus ab eo avocari.

C A P. VII.

De veri amatoris exploratione, & quomodo sit hosti resistendum.

1. Nate, nondum fortis es & prudens amator.

SERVUS, Quare DOMINE?

DOMINUS. Quia vel ob exiguum insultum cæpto desistis, & nimis avidè consolationem quæris.

Fortis amator consistit in tentationibus, nec callidis credit suasionibus inimici:

Ita rebus secundis delectatur, ut adversis non offendatur.

2. Prudens amator non tam amantis donum, quàm donatus amorem spectat.

Animum potius quàm censum attendit, & amico omnia munera postponit.

Non in dono, sed in me supra omne donum acquiescit nobilis amator.

Neque

Neque verò continuò despondendum est animum, si quando vel de me, vel de mei cultoribus sanctis minùs bene sentis, quàm velles.

Affectus ille bonus & dulcis, quo interdum pemulceris, affectus est favoris præsentis, prægustatio quædam patriæ cœlestis,

Sed ei non nimis innitendum est, ut quæ vicissitudinem habeat.

Adversus animi pravos motus certare, diabolique sollicitationes spernere, hoc virtutis opus, magnâque mercede dignum est.

3. Non est quod te usqueadeò urant absurdæ istæ imaginationes, ex quâvis occasione occurrere solitæ.

Persevera constanter in instituto, & erga DEUM animo esto sincero.

Neque verò illusio, quod aliquando in sublime subito raperis, & mox ad animi solitas ineptias reverteris:

Quoniam invitus potiùs pateris, quàm earum author es, quandiu displicent & reniteris, utiles potiùs sunt quàm perniciosæ.

4. Scito antiquum illum hostem in id omnino incumbere, ut tuum boni studium impediat, tèque ab omni religionis exercitatione avocet,

Videlicet à piâ supplicii CHRISTI memoriâ, ab animi tui custodiâ, à firmo proposito proficiendi in virtute.

Multas malas cogitationes injicit, ut tibi tædium horror émque inculciat, quo te à precibus sacrarúmque litterarum lectione revocet.

Displicet ei summissa peccatorum confessio, & si posset, à communione te revocaret.

Ei tu ne credito, nève eum cures, licèt tibi sæpius fallaces intendat laqueos.

In ipsum mala turpiâque ingerentem retorqueto, eique sic dicito:

Abi, immunde spiritus, erubescere, miser, impurissime, tu, qui talia infers auribus meis:

Faceffe à me, impostor pessime, nihil apud me efficies.

JESUS mihi confortis bellator aderit, & tu fœde vincêris.

Malo

Malo mori, & quidvis ferre, quàm tibi assentiri.

Tace & obmutesce, jam ego te non audiam, etiam si plura mihi facessas negotia.

DOMINUS mea lux & salus est: ecquem metuum?

DOMINUS meæ vitæ firmamentum est, ecquem formidem?

Si contra me castra fiant, non metuum animo, DOMINO me adjuvante atque liberante.

5. Certa more boni militis: quod si quando ob infirmitatem cedideris, resumito vires prioribus fortiores, de meo erga te favore etiam majore bene sperans:

Inanem arrogantiam superbiàmque etiam atque etiam caveto.

Hæc in causâ est ut multi in errorem ducantur, & in cæcitatem penè incurabilem labantur.

Afferat tibi cautionem perpetuàmque modestiam ruina illa superborum, stultè sibi nimis arrogantium.

C A P. VIII.

De DEI beneficiis modestè occultandis.

1. Nate, utile tibi & tutum est, collatum tibi divinitus religionis studium non insolentiùs jactando verbis efferre, aut supra modum extollere.

Potius teipsum despice, & tanquam illo in indignum collato, time.

Non est ei affectioni tenaciùs inhærendum, quæ citò mutari potest in contrarium.

Cogita, dum tibi DEI adest gratia, quàm miser, & inops esse soleas finè gratiâ.

Nec in eo duntaxat sitos esse progressus vitæ spiritualis, si divinæ consolationis beneficio fueris, sed etiam si ejusdem subtractionem modestè, temperanter patienterque feras,

Tunc in precum studio non torpescas, nec reliqua opera tua consueta omnino dilabi permittas,

Quin quàm optimè poteris & scies, libenter quod in te erit facias, nec propter illam quam sentis mentis ariditatem aut anxietatem officium prorsum negligas.

2. Multi, si quando eis non bene successit, protinus impatientes fiunt aut desides.

Non semper est arbitrii hominis suis rebus moderari:

DEI est & dare & consolari & quando vult & quantum vult, & cui vult, idque ut ipsi libet.

Nonnulli seipsos ob collatum in se religionis studium incerti perdiderunt:

Dum supra vires conando parvitatem suam non perpendunt, sed magis animi affectum, quam rationis iudicium sequuntur.

Hi quia majora quam DEO placitum fuit, susceperunt, divinum favorem citò amiserunt:

Qui sibi cœlo nidum posuerant, iidem inopes, viles, derelicti evasuerunt;

Ut depressi ac depauperati, non alis suis volare, sed pennis meis niti discerent.

3. Qui adhuc tyrones sunt, & viæ DOMINI imperiti, ii nisi prudentiorum consilio obtemperent, facilius decipi pessundarique possunt:

Si opinioni suæ potiùs obsequuti sunt, quam exercitatis obtemperarunt, in majore versantur periculo.

Rarò fit ut qui sibi sapere videtur, is alterius imperium modestè ferat.

Itaque præstat parùm sapere cum modestiâ, exiguâque rerum perspicientiâ, quam abundanter scientiâ sibi nimium placere.

Præstat minus habere, quàm multum habentem superbire.

Non satis circumspèctè agit, qui se totum lætitiæ tradit, oblitus pristinæ suæ inopiæ, castique timoris DOMINI, qui, ne collata sibi beneficia amittat, metuere solet.

Ne ille quidem satis cum virtute sapit, qui adverso difficilique tempore nimium desperanter se gerit, & de me minùs fidenter quàm debet, cogitat atque sentit.

4. Qui pacis tempore nimis securum se præbet, is belli tempore sæpe nimis dejectus & formidolosus existit.

Si semper modestum te animique demissi præstare, spiritusque tuos bene moderari ac regere scires, haud tam facilè in periculum & offensam incideres.

Consultum est ardoris spiritu concepto cogitare quid futurum sit, si lux discesserit:

Rur-

Rursùm ubi id contigerit, eandem reverti posse cogita, à me ideo subtractam, ut & tu cautior, & ego reddar gloriosior.

5. Est sæpe talis exploratio conducibilior, quàm si rebus secundis perpetuò fruereris arbitrato tuo.

Neque enim in eo sita sunt virtutis opera, si divinis visis & consolationibus abundes, aut literarum sis peritus, aut in sublimi gradu colloceris:

Sed si verâ modestiâ nitaris: si divinâ charitate sis plenus: si DEI gloriæ castè & sincerè perpetuò studeas:

Si teipsum nihili facias, verèque despicias, neque non ab aliis quoque despici deprimique magis quàm honorari gaudeas.

C A P. IX.

De seipso in DEI oculis parvi faciendo.

1. DOMINUM meum alloqui audeo ipse pulvis & cinis:

Si pluris fecero, tu mihi contra stas, dicunt contra me verum testimonium mea crimina, cui non possum contradicere.

Sin meipsum vilipendens in nihilum redegero, abjectâque omni de me existimatione, meipsum pro pulvere, ut sum, habuero, erit mihi propitia gratia tua, & vicina cordi meo tua lux:

Ita fiet ut si me vel tantuli feci, etiam illud ipsum tantulum, me prorsus in nihilum depresso, evanescat in perpetuum.

Hic tu me mihi ostendes quid sim, quid fuerim, & unde venerim, nihil videlicet & de nihilo.

Si mihimetipsi relinquor, continuò nihil sum nisi mera infirmitas.

Sin tu me subito respexisti, statim fortis efficior, novâque repleor lætitiâ.

Admodum mirum est me sic repentè sublevari, te tam benignè complectente, qui meopte pondere semper ad ima feror.

Facit hoc amor tuus me gratis præveniens, & in tot necessitatibus subveniens, meque à gravibus periculis tutans, & ex innumeris, (ut verè dicam) malis eripiens.

Meipsum malè amando perdidi : & te solùm quærendo tum meipsum tum te inveni, atque amore meipsum etiam magis in nihilum demersi.

Nam tu, ô mihi dulcissime, plura in me confers non solùm quàm promereri queam, verum etiam quàm sperare, ne dicam rogare, audeam.

Ago tibi gratias, mi DEUS, quod licet ego sim omni indignus bono, tua tamen nobilitas & immensa bonitas etiam ingratis & à te longè averfis benefacere nunquam intermittit.

Converte nos ad te ut simus grati, summissi, religiosi, tu qui nostra salus & virtus & fortitudo es.

CAP. X.

Omnia ad DEUM, seu ad finem ultimum, esse referenda.

1. Nate, supremus tibi ultimûsque finis ego sim oportet, si beatus esse cupis.

Hâc intentione purgabitur ingenium tuum, sæpius ad seipsum & ad res creatas malè propensum.

Nam simulâtque in re quâpiam tibiipso studes, in teipso deficis & arefcis.

Itaque omnia ad me unum referas oportet, quippe qui omnia dederim

Singula ex me summo bono manare scias, ideòque ad me, seu originem suam, esse revocanda.

Ex me parvus æquè ac magnus, pauper æquè ac dives tanquam ex vivo fonte vivam aquam hauriunt :

Et qui mihi sponte liberalitèr serviunt, ii beneficiis aliis super alia cumulabuntur.

Sed extra me si quis gloriari, aut aliquo privato bono delectari voluerit, is perpetuo veròque gaudio, animique lætitiâ non potietur, sed in varia incommoda & angores incurret.

Itaque nihil boni, nihil virtutis vel tibi vel omnino ulli mortalium adscribere debes, sed omnia DEO, sinè quo nihil habet homo.

Ego omnia dedi, ego idem omnia mihi meo jure vendico, magnâque cum severitate gratiarum actionem exigo.

3. Hæc veritas est, quâ fugatur humanæ gloriæ vanitas.

Et si quis cœlesti favore verâque charitate præditus erit, hunc nec invidia, nec animi dejectio, nec amor sui occupabit.

Vincit enim omnia, animique vires omnes explicat divina charitas.

Quod si rectè sapias, in me solo gaudebis, in me solo sperabis.

Quemadmodum unus DEUS bonus est, super omnia laudandus, & in omnibus celebrandus.

CAP. XI.

Dulce esse contempto mundo servire DEO.

1. Nunc iterum loquar, DOMINE, neque filebo, inque mei & DEI & DOMINI & regis sublime cœlum incolentis auribus in hunc modum fabor:

O quanta est, DOMINE, voluptas illa, quam tui reverentibus repositam habes?

Nedum amantibus, nedum toto animo tibi ferventibus.

Verè ineffabilis est tui contemplandi dulcedo, quam largiris amatoribus tuis.

Atque in eo maximè charitatis tuæ dulcedinem exeruiſti, quod cum non essem tu me fecisti, & postea longè à te errantem in viam reduxisti, ut tibi servirem: utque te amem præcepisti.

2. O fons amoris perpetui, quid de te dicam, aut tui oblivisci quî possim?

Tu mei recordari dignatus es. Tu erga tuum me, postquam jam contabueram atque perieram, contra spem omnem misericordiâ usus es, & nihil promeritum, favore amicitiaque demeruiſti.

Pro quâ quidem beneficentiâ quam tibi gratiam referam? Serviam videlicet tibi.

Sed quid magnum est ei servire, cui omnis rerum natura servire debet.

Illud potiùs magnum mihi & admirandum videtur, quod tam inopem, tam indignum, in servitutem ad-

mittere, & in dilectorum tibi servorum numerum cooperare dignaris.

En tua sunt omnia quaecunque habeo, & quibus tibi servo.

Sed quid quòd magis tu mihi servis, quàm ego tibi?

En cælum ipsum & terra, à te ad hominis usus condita, præstò sunt, & quotidie quicquid à te mandatum est, exequentur.

Quinetiam angelos ad hominis usus creâsti atque ordinâsti.

Sed omnium longè maximum est, quòd tu ipse servire homini dignatus es, & teipsum ei daturum promissisti.

4. Pro quibus innumeris beneficiis quamnam tibi gratiam referam?

Utinam tibi per omnem vitam servire possim: utinam is sim qui vel unius diei dignum servitium exhibeam.

Verè tu omni servitio, omni honore & æternâ laude dignus es.

Verè tu DOMINUS meus, & ego tenuis servus tuus sum, qui tibi totis viribus servire, laudibusque tuis nunquam fatiari debeo.

Et quidem sic volo, sic cupio, & quicquid mihi deest tu supplere dignare.

5. Magnus honor, magna gloria tibi servire, & omnia propter te contemnere.

Magnam enim mercedem reportabunt, qui se sanctissimæ isti servituti sponte subjecerint, inveniéntque suavissimam sancti spiritûs consolatiouem, qui amore tuâ humanas abjecerint voluptates.

Magnam animi libertatem consequentur, qui arctam pro nomine tuo ingressi viam, mundanas curas omnes contempserint.

6. O gratam jucundamque DEI servitutem, quâ homo verè liber & sanctus efficitur.

O sacrum statum religiosi famulatûs, qui hominem angelis reddit æqualem, DEO acceptum, dæmonibus terribilem, cunctisque fidelibus commendatum.

O amplectandum & semper optandum servitium, quo & summum bonum paratur, & gaudium quæritur finè sine mansurum,

CAP. XII.

Animi cupiditates examinandas esse & moderandas.

I. Nate, multa tibi addiscenda restant.

SER. Quænam DOMINE?

DOM. Ut cupiditatem tuam arbitrio meo planè subijcias, & non jam tui amator, sed meæ voluntatis exequendæ sis cupidus.

Sæpè te cupidines accedunt, & vehementer impellunt:

Hic tu confiderato utrum honore meo, an commodo tuo magis moveare.

Nam si meâ causâ cupis, boni consules quicquid ego statuero:

Sin privati quæstûs aliqua cupido latet, idipsum est quod te impedit & gravat.

Cave ergo ne conceptæ inconsulto me cupiditati nimium innitaris,

Ne fortè postea pœniteat, ac quod primò placuerit, quòdque ceu optimum affectaveris, idem deinde displiceat.

Nam nec omnis affectio, quæ bona videtur, statim est sequenda, nec contraria primo aspectu fugienda.

Expedit interdum etiam bonis studiis & cupiditatibus franos adhibere, ne vel animi importunitate modum transeas, vel aliis intemperantiâ tuâ offensionis sis, vel iisdem resistentibus subito turbatus labaris.

Nonnunquam violentiâ uti convenit, & appetitui repugnare, neque quid velit, quidque nolit caro, rationem habere,

Quin potius operam dare ut vel invita spiritui obtemperet, & tamdiu coercéatur servitutémque ferat, donèc parata sic ad omnia:

Paucisque contenta esse, & tenui conditione delectari, nec adversus ullum incommodum abmurmurare condiscat.

CAP. XIII.

De ratione patientiæ, & certamine adversus cupiditates.

1. Ergo quantum audio, mi DOMINE DEUS, est mihi perquam necessaria patientia:

Multa enim in hâc vitâ accidunt adversa: ut licet pacem omni ratione appetam, fieri tamen nequeat ut finè bello & dolore vitam degam.

DOM. Ita est, Nate. Nolo autem te eam pacem quærere quæ tentationibus careat, aut adversa non sentiat:

Sed tunc quoque pacem à te inventam existimare, cum variis multisque calamitatibus exagitantibus explorabere.

2. Si te multa pati posse negabis, æternum ignis cruciatum ferre quí poteris?

De duobus malis semper minus est eligendum.

Ut ergo æterna illa futura supplicia evadas, mala præsentia pro DEO æquo animo ferre studeo.

An putas seculi hujus homines aut nihil malorum, aut parum pati?

Ne delicatissimos quidem à malis immunes esse comperies.

Dices: Sed fruuntur multis voluptatibus, suæque voluntati obsequuntur, ideòque misérias suas parvi pendunt.

Finge eis omnia ex animi sententâ succedere, quando id duraturum est?

3. Nimirum fumi ritu peribunt, qui in hâc vitâ copiosi sunt, ita ut præteritorum gaudiorum nulla supersit recordatio.

Quin & adhuc superstites non finè acerbitate & molestiâ ac timore illis fruuntur.

Etenim quibus ex rebus voluptatem capiunt: ex iisdem dolorem non rarò concipiunt:

Et meritò: ut qui intemperanter voluptates consecrantur, non finè acerbitate & perturbatione eas percipiant.

4. Sunt illæ fanè perbreves omnes, & falsæ & intemperantes, & turpes:

Sed!

Sed hoc illi præ ebrietate & cæcitate non vident:

Quin brutorum animalium ritu ob exiguam vitæ mortalis delectationem, animæ mortem sibi conciliant.

Tu, nate, cupidates tuas sequi noli, sed voluntatem tuam averfare.

Delectare DOMINO, & animi tui postulata tibi concedet.

5. Etenim si verè delectari, largàmque consolationem à me vis percipere, scito tibi in rerum omnium mundanarum contemptu, infirmarùmque istarum voluptatum abjectione sitam esse felicitatem, amplùmque præmium consolationis:

Quantò te magis ab omni humanarum rerum solatio subtraxeris, tantò suaviores majoresque consolationes in me invenies.

Sed ad eas non finè tristitiâ & labore certaminis pervenies.

Obstat enim inolita consuetudo: sed ea meliori consuetudine vincetur.

Obmurmurabit caro: sed ea spiritûs ardore frenabitur.

Instigabit te & exacerbabit serpens antiquus:

Sed precibus fugabitur, & insuper utili labore magnus ei aditus obstruetur.

C A P. XIV.

De obediendo majoribus exemplo JESU CHRISTI:

1. Nate, qui se obedientiæ subducit, is se divino favori subducit: & qui privata quærit, amittit communia.

Qui non libenter & sponte superiori se subdit, hoc ipso indicat suam se carnem nondum prorsus habere dicto audientem, sed eam sæpe recalcitrare & obmurmurare.

Quocircà discite celeritè superiori te submittere; si carnem tuam domare cupis.

Citiùs namque vincitur exterior inimicus, si interior homo est illabefactatus.

Nullus animæ molestior aut pejor hostis est quàm tute tibi, non concordans cum spiritu.

Oportet:

Oportet enim te verum adhibere contemptum tui, si vis carne & sanguine superior evadere:

2. Quia adhuc intemperantiùs amas, te totum alienæ voluntati committere horres.

Sed quid magnum tu pulvis & nihil præstas, si propter DEUM te subdis homini?

Ego ille omnipotens & supremus, qui ex nihilo omnia creavi, homini me tuâ causâ submissê subjeci, factus omnium humillimus & infimus, ut tu superbiam istam humilitate meâ vinceret.

Disce obtemperare, pulvis: disce te deprimere, terra & lime, omniumque pedibus subicere:

Disce voluntatem tuam frangere, & omnibus subiectum te præbere.

3. Exardeſce contra teipſum, néve patere fastum in te vivere,

Ita subiectum parvumque te præbe, ut te pervadere, & luti vicorum ritu conculcare possint omnes.

Quid habes, inanis homo, quod conqueraris?

Quid est, ô impure, quod vituperantibus contra dicas, cum toties offenso DEO: toties Stygias pœnas meritus sis?

Sed ego tibi benignus pepercì, animam tuam habens in precio,

Ut tu cognito meo erga te amore, gratum te de beneficiis meis semper præberes, veræque obedientiæ & modestiæ perpetuò addictus, tui contemptum patienter ferres.

C A P. XV.

De occultis DEI. judiciis considerandis, ne bonis extollamur.

1. Tu tuis judiciis in me tonans, DOMINE, omnia membra mea timore concutis ac tremore, animumque meum supra modum perterres.

Attonitus ego illud considero, cœlos ipsos in tuo conspectu non esse mundos.

Quod si in angelis ipsis vitium deprehendisti, nec eis pepercisti, quid me futurum est?

Si stellæ ipsæ de cælo cecidère, ego pulvis quid sperem?

Quorum opera videbantur laudabilia, ii ad ima deciderunt: & qui angelorum pane vescabantur, eos vidi porcorum filiquis delectari.

2. Nulla est ergo sanctitas, si tu manum tuam, DOMINE, retrahas:

Nulla prodest sapientia, si tu gubernare desistas:

Nulla juvat fortitudo, si tu conservare desinas:

Nulla tuta est castitas, nisi tu eam tueare:

Nulla prodest sui custodia, nisi tua adsit sacra vigilantia.

Nam relictî mergimur & perimus: te curante erecti vivimus:

Inconstantes nos quidem, sed qui à te confirmemur: trepidi, sed qui à te accendamus.

3. Mihi de meipso humillimè & abjectissimè sentiendum est, planèque nihili pendendum, si quid boni videor habere.

Debeo, meipsum tuis illis inexhaustis judiciis submissimè subjugare, ubi me nihil aliud quàm nihil de nihilo esse comperio.

O pondus immensum: ô pelagus intranabile, ubi me nihil nisi totum nihil esse comperio.

Ubinam est igitur latebra gloriæ? ubi pactæ gloriæ confidentia?

Absorpta est omnis vana gloria in tuorum de me iudiciorum gurgite.

4. Quid sunt mortales omnes in tuo conspectu? scilicet gloriatur lutum adversus figulum.

Potestnè vanis laudibus insolescere, cujus animus in veritate DEO subiectus est?

Non si universus eum mundus extollat, postquam eum sibi subjecit veritas:

Nullo laudantium ore movebitur, qui spem suam omnem fixit in DEO.

Nam & illi ipsi qui loquuntur, omnes nihil sunt, & cum verborum suorum sonitu defecturi sunt. At DOMINI veritas æterna manet.

CAP. XVI.

*Quo animo esse, & quid dicere oporteat in rebus
expetendis.*

1. Nate, omnibus in rebus sic tibi dicendum est,
DOMINE, si tibi placitum fuerit, hoc ita fiat.

DOMINE, si hoc tibi honori futurum est, fiat in tuo
nomine.

DOMINE, si hoc mihi expedire & utile fore vides, ef-
fice ut eo utar ad honorem tuum:

Sin mihi non salutare, sed noxium fore nôsti, aufer
à me cupiditatem hanc.

Neque enim à spiritu sancto est omnis cupiditas. eti-
amsi homini recta bonaque esse videatur.

Estque difficile certò judicare bonúsque an diversus
spiritus impellat ad hoc aut illud agendum:

Multi ad extremum decepti sunt, qui primò spiritu
bono videbantur instigati.

Itaque semper cum DEI metu animique summissione
cupiendum est, quicquid animo optandum occurrit:

Tota res committenda DEO, atque ita dicendum;

DOMINE, utrum magis expediat, tûte scis: utrum ipse
voles, facito.

Da quod vis, & quantum vis, & quando vis.

Age mecum ut agendum nôsti, útque tibi placet, &
quod tibi maximam gloriam pariat.

Ibi me colloca ubi voles, & mecum omnibus in re-
bus liberè agito.

In manu tuâ ego sum: verte versâque me in omnem
partem.

Ecce me servum tuum ad omnia paratum: non mihi,
sed tibi (atque utinam dignè & perfectè) vivere cupio.

CAP. XVII.

Preces ab DEI voluntatem exequendam.

1. Concede mihi, benignissime JESU, favorem tuum,
qui mihi adsit, mecum laboret, mecum ad finem usque
perseveret.

Da

Da mihi semper velle & cupere, quæ tibi accepta charaque sint.

Tua voluntas mea fit, meaque tuam semper sequatur, & cum eâ optimè concordet.

Sit mihi idem velle & nolle tecum, ita ut nihil nisi quod tu velis aut nolis, ego velle aut nolle queam.

2. Da mihi ut omnibus quæcunque sunt in mundo moriari, ac propter te in hoc seculo contemni amem & nesciri.

Da mihi super omnia optata in te acquiescere, animumque pacatum habere :

Tu vera pax cordis, tu sola requies: extra te omnia dura sunt & inquieta.

In hâc pace, hoc est in uno summo æternoque bono dormiam & requiescam.

CAP. XVIII.

Verum solatium in solo DEO esse quærendum.

1. Si vel omnia quæ usquam sunt solatia solus haberem, omnibusque deliciis frui possem, certum est eas diu durare non posse.

Itaque plenam consolationem consequi, perfectèque recreari non nisi in DEO potes, ô anima mea, inopum consolatore, modestorumque opitulatore.

Expecta paulisper, anima mea, expecto divinum promissum, & consequêris in cælo copiam omnium bonorum.

Quod si præsentia ista intemperantiùs appetes, æterna cœlestiaque perdes.

Sint tibi temporalia in usu, æterna in cupiditate.

Nulla tu temporali bono satiari potes, quippe ad quod fruendum non sis creata.

2. Etiam si omnia bona creata haberes, non tamen beata fores :

In omnium creatore DEO sita est tua felicitas :

Non illa quidem qualis stultis mundi amatoribus videtur & laudatur :

Sed

Sed qualem expectant boni fidentésque CHRISTI discipuli, qualémque prægustant spirituales & mundi cordis homines, quorum obversatio in cœlo est.

Vanum & breve est omne humanum solatium: beatum & verum, quod intus à veritate percipitur.

Religiosus homo ubique circumfert consolatorem suum JESUM. eúmque sic alloquitur:

Adesto mihi, DOMINE JESU, omni & loco & tempore.

Hæc mihi sit consolatio, omni humano solatio libenter carere.

Aut siquando aberit tua consolatio, sit mihi tua voluntas, justaque exploratio pro summo solatio.

Neque enim tu is es, qui perpetuò irascaris aut terrefacias.

C A P. XIX.

Omnem sollicitudinem esse DEO committendam.

1. Nate, finè me tecum agere, quod volo: scio ego quid è re tuâ sit.

Tu cogitas ut homo, & in multis sic sentis, ut tibi humana mens suadet.

SERV. DOMINE, vera dicis: majorem tu mei curam geris, quàm ego ipse possem:

Nam caducè sanè stat, qui non omnem suam sollicitudinem tibi committit.

DOMINE, dum modò recta firmâque permaneat ergà te mea voluntas, utere arbitrio tuo:

Nam non nisi bonum esse potest, quicquid de me statueris.

Sive me in tenebris esse finis laudo: sive me in luce, id quoque laudo.

Sive me dignaris consolari, laudo: sive rebus adversis vis premi, hoc quoque laudo.

2. DOM. Nate, sic te animatum esse oportet, si mecum cupis habere negotium:

Nec minùs ad patiendum quàm ad gaudendum alacris, illibentiùs inops & pauper, quam plenus & dives, esse debes.

3. SERV. DOMINE, libentèr pro te patiar, quicquid tu mihi evenire volueris:

Volo

Volo de manu tuâ bonum juxta ac malum, dulce ac amarum, lætum ac triste accipere, & pro omnibus quæ mihi acciderint gratias agere.

Tuere me ab omni peccato, & nec mortem nec orcum timebo.

Modò tu me in perpetuum non repudies; aut de libro vitæ deleas, nulla mihi calamitas nocebit.

CAP. XX.

Hujus vitæ misérias CHRISTI exemplo ferendas esse æquo animo.

1. Nate, ego ob salutem tuam de cœlo descendi, tuasque misérias non necessitate, sed charitate trahente suscepi, quo tu patientiam disceres, & temporales misérias non indignanter ferres.

Nam à quâ horâ natus sum, donec in cruce vitam finii, nunquam defuere quos ferrem dolores :

Rerum necessariarum magnam penuriam tuli; multas de me querimonias frequenter audiui :

Ignominias & probra comiter tuli; pro beneficiis ingratitudinem reportavi ;

Pro miraculis maledicta : pro doctrinâ reprehensiones.

SERV. DOMINE, quandoquidem tu te in vitâ patientem præbuiſti (in quo quidem maximè patris tui præceptum exequutus es) æquum est ut miser ego & nocens secundum voluntatem tuam patientem me præbeam, ac quandiu ipse voles, vitæ mortalis onus pro salute meâ portem.

Nam & si onerosa sentitur vita præsens, tamen tuo jam beneficio facta est levior,

Et tum tuo exemplo, tum sanctorum tuorum vestigiis tolerabilior infirmis & clarior :

Quin & multò magis consolatoria, quàm fuit olim in lege veteri,

Quum & cœli porta clausa manebat, & obscurior via videbatur, & tam pauci regnum cœlestē quærere curabant.

H

Quan-

Quantam ego tibi grâtiâ debeo, quòd tum mihi, tum cunctis fidentibus rectam bonâque ad æternum regnum tuum viam dignatus es ostendere?

Nam via tua, via nostra est, & per sanctam patientiam ad te, coronam nostram, contendimus,

Tu nisi nos antecessisses atque docuisses, quis sequi curaret?

Quàm multi non solùm ponè, sed etiam procùl manerent, nisi tua ista præclara exempla inspicerent?

En etiam tuis tot signis & præceptis auditis, tamen tepidi sumus;

Quid fieret si tantum lumen ad te sequendum non haberemus?

C A P. XXI.

De injuriarum tolerantia, & quemnam verè patientem esse constet.

1. Quidnam istud est quod loqueris, fili? desine conqueri:

Confidera tum meum, tum cæterorum sanctorum supplicium: nondum ad sanguinem usque restitisti.

Parum est quod tu pateris, si cùm illis conferaris, qui tam multa passi sunt, tam vehementer tentati, tam graviter afflicti, tot modis explorati & exercitati.

Itaque tibi in memoriam revocandi sunt aliorum casus graviores, ut leviùs feras tuos tantulos:

Si tibi tantuli non videntur vide ne & hoc tua faciat impatientia:

Omninò sive parvi sunt, sive magni, da operam ut omnes patienter feras.

2. Quantò tu te melius ad patiendum composueris, tantò & sapientiùs egeris, & faciliùs feres, animo & usu ad hoc non segniter paratus.

Neque verò ita dixeris: Hoc ego ab illo homine pati nec possum, nec debeo, nam & grave damnum intulit, & quæ nunquam cogitavi, de aliis me criminatur:

Ab alio quidem libenter feram quæ ferenda videro.

Insipientiæ

Inſipientiæ eſt iſta cogitatio, neque patientiæ virtutem conſiderat, nec à quo coronanda ſit, ſed magis perſonas & illatas ſibi injurias perpendit.

3. Non verè patiens eſt, qui non niſi quantum & à quo libeat, vult pati.

At verè patiens homo nihil penſi habet à quonam homine, majorēne, an æquali, an inferiori: bonōne & ſancto, an perverso & improbo exerceatur:

Quin quicquid ei ab ullo mortalium adverſi inferitur, quantum & quotieſcūque id ſit, id grato animo, ceu de DEI manu, accipit, in lucro ponit:

Quia nihil tantum tantulūmve eſt, ſi id pro DEO patiari, quin mercedem aſſequatur.

4. Quāpropter eſto ad pugnam accinctus, ſi vis potiri victoriā.

Sinè certamine quidem patientiæ coronam nunquam obtinebis.

Quòd ſi pati non vis, coronari recuſas: ſin coronari cupis, viriliter certato, pugnamque patienter ſuſtinet.

Nam nec ſinè labore requies, nec ſinè pugnā paratur victoriā.

5. SERV. Efficere DOMINE, ut tuo beneficio præſtare queam, quod naturā poſſe non videor.

Scis me alioquin parū poſſe pati, & vel levi caſu facilè dejici:

Fac ut mihi omnis rerum adverſarum miſeria pro tuo nomine amabilis ſit & optanda:

Nam pro te pati & vexari, eſt animæ meæ admodum ſalutare.

C A P. XXII.

De infirmitatis ſuæ confeſſione.

1. Injuſtitiam infirmitatēque meam tibi, DOMINE, confitebor.

Sæpè me parva res dejicit, & mœrore afficit.

Interdum fortem me præſtare ſtatuo: & mox vel exiguo caſu tentatus, in magnā verſor anguſtiā.

Nonnūquam ex re viliffimā exiſtit graviffima tentatio: ac qui me, quum eam non ſentirem, tutum eſſe putavi, idem me nonnūquam levi ſtatu penè labefactari video:

2. Aspice, DOMINE, humilitatem fragilitatēque meam tibi cognitissimam:

Miserere mei, méque ex hoc luto eripe, ne submersus funditūs peream.

Urit hoc me súbinde, & coram te pudefacit, quòd tam sum caducus, & ad resistendum perturbationibus infirmus:

Si me non omninò ad assensionem pertrahunt, tamen mihi molesta & gravis est earum infestatio, tædétque admodum sic quotidie in lite vivere.

Atque hinc mihi perspicua fit infirmitas mea, quòd me multò facilius invadunt sceleratæ cogitationes, quàm discedunt.

3. Utinam tu meos labores & dolores, O fortissime DEUS Israelitarum, & fidelium animarum cupidissime, respicias, meaq; cœpta omnia secundes.

Robora me cœlesti fortitudine, ne vetus homo, misera caro, spiritui nondum planè subjecta, dominetur.

C A P. XXIII.

In DEO supra omnia bona donaque acquiescendum esse.

1. Supra omnia & in omnibus semper in DOMINO acquiesce, anima mea: siquidem ipse est sanctorum æterna requies.

Da mihi, dulcissime & amantissime JESU, in te supra omnem rem acquiescere:

Supra omnem salutem & pulchritudinem, supra omnem gloriam & honorem,

Supra omnem potentiam & dignitatem, supra omnem scientiam & solertiam,

Supra omnes divitias & artes, supra omnem lætitiā & exultationem,

Supra omnem famam & laudem, supra omnem suavitatem & solatium,

Supra omnem spem & promissionem, supra omne meritum & cupiditatem,

Supra omnia dona & munera, quæ tu dare potes & fundere,

Supra

Supra omne gaudium & jubilum, quod mens capere potest & sentire:

Dénique supra omnes angelos & archangelos, supra omnem cœli exercitum, supra omnia visibilia & invisibilia, & supra quicquid tu, mi DEUS, non es.

2. Nam tu, mi DEUS, omnium optimus es: tu solus potentissimus:

Tu solus copiosissimus & plenissimus: tu solus suavissimus & solatii efficientissimus,

Tu solus pulcherrimus & amabilissimus: tu solus omnium nobilissimus & gloriosissimus:

In te uno omnia bona, eaque perfecta & sunt & fuerunt & futura sunt:

Ideoque & minus & parum est quicquid tu præter teipsum mihi donas, aut de teipso patefacis promittisve, te non viso nec plenè adepto.

Siquidem non potest animus meus verè quiescere, nisi omnia dona omnemque rerum naturam prætergressus, in te acquiescat.

3. O mi dulcissime sponse JESU CHRISTE, amator purissime, dominator universi, utinam veræ libertatis alas habeam ut ad te volem, & in te requiescam.

O quando licebit planè vacare mihi, & videre quàm tu sis suavis, DOMINE mi DEUS?

Quando tandem me in te planè colligam, ita ut præ tui amore non jam meipsum, sed te solum incredibili sentiendi modo, eoque non cuivis cognito, sentiam?

Nunc frequentèr gemo, quia multa mala in hâc miseriarum valle occurrunt, quæ me sæpiùs conturbant, contristant, obnubilant, sæpiùs impediunt, distrahunt, alliciunt, implicant, ne liberum ad te aditum habeam, nève jucundis fruar amplexibus, præsens semper beatis spiritibus.

Moveant te mea tot suspiria, tot æumnæ, quas in terris perfero.

4. O JESU, splendor æternæ gloriæ, solamen peregrinantis animæ, apud te est os meum vocis expers, teque meum alloquitur silentium!

Quousque tardat adventum suum DOMINUS meus?

Veniat ad me pauperculum suum, lætūque faciat: & porrectâ manu miserum ex omni angustia eripiat.

Veni, veni: nam finè tenu dies, hora nulla erit quieta,

Tu mea es lætitia, finè quo vacua est mensa mea.

5. Miser ego sum, & nescio quo pacto quâsi carcere compedibûsque premor, donèc tu me luce præsentia tuæ reficias, ac libertate dones, amicûmque vultum ostendas.

Quærant alii pro te quicquid libuerit: mihi quidem aliud nihil nec placet nec placebit, nisi tu, mi DEUS, mea spes & salus æterna.

Nunquam tacebo, nunquam precari desinam, donèc tuus rēvertatur favor, mēque domi alloquaris.

6. JESUS. En! adsum ego tibi, quia me invocasti:

Tuæ me lachrymæ, animique cupido, & dejectio atque angor, ad te me commovendo devocârunt.

SERV. Ego te, DOMINE, tui fruendi cupidus invocavi, propter te omnia respuere paratus.

Tu enim prior me ad te quærendum excitâsti: tibi, DOMINE, gratias ago, qui pro tuâ singulari misericordiâ tuum me tanto affeceris beneficio.

7. Quid superest, nisi ut me tibi modestissimè submittam, injustitiæ vilitatisque meæ perpetuò memor?

Tui enim nullus usquam in omnibus, quæ cælo terræque admiranda continentur, similis est.

Tua opera supra modum bona sunt, DOMINE, sententiæ veræ, & providentiâ tuâ reguntur universa.

Quámobrèm laudibus & gloriâ afficiaris, O Patris Sapientia!

Te animûsque ósque meum unâ cum universâ rerum naturâ collaudet atque concelebre.

C A P. XXIV.

De tot DEI beneficiorum recordatione.

1. Aperi, DOMINE, meæ mentis oculos, mēque secundum legis tuæ præcepta vivere doce.

Effice ut voluntatem tuam intelligam magnâque cum reverentiâ ac diligenti consideratione tua, cum in universos, tum in me collata beneficia recolam, ut inde dignas tibi gratias agam.

Quan-

Quancquàm ut verum fatear, ne minimam quidem eorum partem laudibus æquare possim,

Tantum abest ut tot collatis in me bonis par sim, ut dum liberalitatem tuam considero, præ ejus magnitudine deficiat me spiritus.

2. Quæcunque vel animi vel corporis, five extrâ five intus, tum naturalitèr tum supra naturam possidemus, tua sunt beneficia;

Tuamque beneficentiam, benignitatem, bonitatem commendant, à quo bona omnia acceperimus.

Si alius alio plura aut pauciora accepit, omnia quidem tua sunt, & finè te nè minimum quidem haberi potest.

Si quis majora adeptus est, non potest de merito suo gloriari, neque se supra cæteros extollere, aut minori insultare:

Siquidem tantò quisq; major meliôrque est, quantò sibi minus ascribit, quantòque est in agendis gratiis modestior & religiosior:

Quò se quisque magis omnium vilissimum, indignissimumque existimat, eò est majoribus obtinendis aptior.

Rursùm si quis pauciora adeptus est, dolore, aut id indignè ferre, aut ditiori invidere non debet,

Sed te potiùs intueri, tuamque bonitatem maximè laudare, quod tam copiosè, tam libentèr, nullo personarum discrimine, non largiaris.

A te omnia, ideòque in omnibus laudandus es:

Quid cuique donari expediat, tu scis: & cur hic minus, ille plus habeat, dijudicare non nostrum, sed tuum est.

4. Itaquè, DOMINE DEUS, magni etiam beneficii loco habeo, non multa habere quæ humano more laudanda & gloriosa esse videantur.

Censeo, debere hominem suâ vilitate & inopiâ non modò non angi & dolere, animùmque dejicere, verum etiam magnum inde solatium hilaritatèmq; percipere:

Quia tu, DEUS, inopes & humiles, vulgòque despectos, tibi familiares domesticòsque cooptes.

Testes sunt ipsi apostoli tui, qui ita modestos, ita simplices se & omnis malitiæ dolique expertes præstitère, ut non modò à querelis abstinerent, verùm etiam contumeliis

tumeliis pro tuo nomine affici se gauderent, & à quibus homines abhorrent, ea ipsi avidissimè amplexarentur.

5. Nihil ergo tui amatorem, tuorumque beneficiorum cumulum agnoscentem, æquè exhilarare debet, ut tuæ voluntatis cognitio, quâ quidem ita contentus esse, debet ut non minùs minimum quàm alius maximum se esse cupiat:

Nec minùs infimum, quàm summum locum, boni consulat:

Nec minùs libenter despectus sit & abjectus, nulliusque nominis homuncio, quam vel omnium illustrissimus atque maximus.

Nam voluntas tua, & amor honoris tui, omnia superare debet, eumque magis consolari, & ei magis placere, quam omnia in ipsum vel collata vel conferenda beneficia.

C A P. XXV.

De quatuor pacis conciliantibus.

1. Nunc te, fili, viam veræ pacis & libertatis docebo.

SERV. Fac, DOMINE, quod dicis: nam istud audire mihi gratum est.

DOM. Da operam, Fili, ut alterius potiùs, quàm tuam voluntatem facias.

Semper minus quam plus habere malis.

Semper infimum locum quære, & omnibus parere cupias.

Semper opta oraque ut DEI voluntas in te planè fiat.

Hæc qui præstat, eum scito in fines pacis & quietis ingredi.

2. SERV. DOMINE, brevis iste tuus sermo multum continet perfectionis:

Est dictu exiguus, sed & mente plenus, & fructu copiosus.

Quod si ei fideliter obtemperarem, non tam facilè existeret in me perturbatio:

Quoties me impacatum gravatùmque sentio, ab hac doctrinâ me deflexisse comperio.

Sed

Sed tu qui omnia potes, & humanæ animæ profectum semper amas, auge tuam erga me beneficentiam, ut & tua dicta exequi, & salutem assequi valeam.

C A P. XXVI.

Precatio adversus malas cogitationes.

1. DOMINE, mi DEUS, noli à me discedere: mi DEUS, vide ut mihi opem feras:

Nam existunt in me pravæ cogitationes, & timores qui animum meum vexant:

Quas ego cogitationes quonam pacto illæsus transeam aut perfringam?

DOM. Ego tibi præibo, humanamque potentiam deprimam: & aperto carceris ostio arcana abditaque tibi pandam.

SERV. Ita facito, DOMINE, omnesque pravæ cogitationes tuo vultu fugato.

Hæc mihi unica spes est & consolatio, ad te omni calamitate confugere, tibi confidere, te intimis sensibus invocare, & patienter consolationem tuam expectare.

C A P. XXVII.

Preces ad mentis illuminationem obtinendam.

1. Collustra me, bone JESU, splendore luminis æterni, & ex animi mei domicilio dissipa tenebras universas.

Cohibe tot evagationes, & violentas tentationes retunde.

Pugna pro me fortiter, & expugna malas bestias, videlicet illecebrarum cupiditates,

Ut virtute tuâ pax fiat, sanctaque aula, hoc est, mundatus animus meus, laudibus tuis personet.

Impera ventis & tempestatibus, jube mare pacari, jubee flatum aquilonis sedari, & erit magna tranquillitas.

2. Mitte lucem veritatemque tuam, quæ terram colustret:

Nam

Nam ego terra sum rudis & iners, donèc tu me illumines.

Effunde favorem tuum desuper: perfunde animum meum beneficiâ cœlesti:

Suppedita religionis aquam, quæ irrigata terræ superficie, bonum fructum eliciat.

Eleva mentem pressam mole peccatorum, & ad cœlestia totam cupiditatem meam suppende,

Ut gustatâ suavitate supernæ felicitatis, tædeat de terrenis cogitare.

3. Eripe me ex omni rerum humanarum non durabili consolatione:

Nam appetitum meum planè sedare & solari nullas res creata potest.

Junge me tibi indissoluto amoris vinculo:

Nam tu solus amanti sufficis, & absquè te frivola sunt universa.

C A P XXVIII.

De vitandâ curiosâ inquisitione in vitam alterius.

1. Nate, noli esse curiosus, aut supervacaneas habere sollicitudines.

Quid hoc aut illud ad te? tu me sequere.

Quid enim tuâ refert qualis quisque sit, quidve quisque agat aut loquatur?

Non necesse habes aliorum causam agere: pro teipso rationem reddas oportet.

Quid ergo te alienis implicas? Ego omnes novi, & omnia quæcunque sub sole fiunt, video: ac quomodo cum quôque agatur scio, quid cogitet, quid velit, & quò tendat ejus consilium.

Itaque mihi committenda sunt omnia: tu pacem colito,

Inquietos quidlibet agitare finito, suorum omnium factorum dictorumque rationem utique reddituros: neque enim fallere me possunt.

2. Nève magni nominis umbra, nève multorum familiaritas, nève privata hominum amicitia tibi sit curæ.

Nam

Nam animi distractiones ista gignunt, eúmque atrâ caligine circumfundunt.

Equidem libenter tibi dicta mea eloquerer, & arcana detegerem, si adventum meum diligenter observares, & animi ostium mihi aperires.

C A P. XXIX.

In quibusnam firma pax animi, verúsque profectus consistat.

1. Fili, ego sic loquutus sum: Pacem relinquo vobis, pacem meam do vobis, non quomodo mundus dat, ego do vobis.

Pacem omnes cupiunt: sed quæ ad veram pacem necessaria sunt, non omnes curant.

Pax mea cum modestis, & animi mansueti hominibus.

Pax tua in magnâ patientiâ sita est eâque multa frui tibi licebit, si me audieris, & vocem meam sequutus fueris.

Omnibus in rebus attende quid agas aut dicas & hoc unum age ut mihi placeas, & extrâ me nihil cupias aut quæras.

De aliorum dictis factisve nihil temerè judices, néve rebus tibi non commissis te implices:

Hâc ratione fiet ut & parùm & rarò turberis.

2. Animi aut corporis affici molestiâ, præsentis temporis non est, sed status æternæ quietis.

Quarè ne existima te veram pacem invenisse, si nihil molesti sentis: aut totum esse bonum, si nullum pateris adversarium: aut perfectum, si omnia ex animi tui sententiâ succedunt:

Néve te magni aliquid esse putes, aut unicè amari existimes, si in magnâ versaris dulcedine.

Neque enim ex istis cognoscetur verus amator virtutis, nec in istis consistit hominis profectus & perfectio.

3. In quonam igitur? in offerendo teipsum toto animo voluntati divinæ, nullâque in re, tantâ tantulâve, nec in tempore, nec in æternitate, tibi ipsi studendo:

Ita

Ita ut inter prospera & adversa eundem vultum cùm gratiarum actione perpetuò retineas, omnia æquâ lance pensando.

Dénique tam fortem te, tàmque, perseverantis fidei præstiteris, ut, subtractâ interiori consolatione, animum tuum vel ad majora perferenda præpares.

Ita fiet ut verâ rectâque pacis viâ gradiare, utque rursus vultum meum cum læto cantu videas.

Quòd si ad plenum tui contemptum perveneris, scito futurum esse ut pace tantâ fruare, quantâ maxima cadit in istam mortalitatem.

C A P. XXX.

*De liberæ mentis excellentiâ: itémque supplicem pre-
cationem præstare lectioni.*

1. Est hoc sanè opus perfecti viri, DOMINE, nunquam à cœlestium rerum tractatione animum relaxare, & inter multas curas quasi finè curâ transire,

Non more torpentis, sed præ stabilitate liberæ mentis nulli humanæ rei intemperantiore cupidine adhærendo.

2. Obsecro te, mi clementissime DEUS, tuere me ab hujus vitæ curis,

Ne tot corporis necessitatibus nimis implicer, néve earum rerum quæ animæ officiunt, voluptate capiar, néve molestiis fractus dejiciar.

Non de rebus illis loquor, quas toto animo ambit mundana levitas:

Sed de illis quæ animum meum communi mortalitatis pœnâ gravant, retardântque quominus in, libertatem spiritus quoties libet, intrare queat.

3. O mi DEUS, dulcedo ineffabilis, verte mihi in amaritudinem omne carnale solatium, quod ab æternorum amore me abstrahit, & intuitu nescio cujus præsentis delectantisque boni allicit.

Ne me vincat, mi DEUS, ne vincat caro & sanguis, ne me mundus ejúsque brevis gloria decipiat, ne me diabolus astutiâ suâ supplantet.

Da mihi ad resistendum fortitudinem, ad tolerandum patientiam, ad perseverandum constantium.

Da

Da pro omnibus mundi solatiis suavissimam tui spiritus unctionem : & pro carnali amore infunde tui nominis amorem.

4. Effice ut alimentis temperatè utar, non cupidine eorum nimiam implicer.

Omnia quidem abjicere non licet, quippè cum sustentanda sit natura :

Superflua & jucundissima quæque appetere, lex sancta vetat :

Nam alioquin caro adversus spiritum insolesceret.

Inter hæc quæso manus tua me regat & doceat, ne quid nimium fiat.

C A P. XXXI.

Amore sui à summo bono maximè retardari homines.

1. Fili, totum toto emas oportet, neque quicquam tui retineas.

Nam, plus tibi nocet amor tui, quàm quicquid usquam est :

Secundùm eum quem geris amorem & cupiditatem, quævis res magis minusve adhæret.

Quod si puro, simplici, temperato amore præditus eris, carebis servitute rerum.

Noli concupiscere quod non licet habere.

Noli habere quod te impedire, & animi libertate privare potest.

Mirum quod non te ipsum cum omnibus quæ optare aut habere potes, mihi toto animo penitus committis.

2. Cur vano mœrore consumeris? cur superfluis curis fatigaris?

Præbe te arbitrio meo obtemperantem, & nullum patiêre detrimentum.

Nam si ut commoda tua compares, optatisque potiare, animum rebus quærendis applicueris, locumque mutare concupiveris, nunquam quietem assequeris, nec à solitudine liber eris.

Nam in omni re erit quod desideres, & in omni loco erit qui adversetur.

3. Juvat igitur res quæque non adepta aut copiosè aucta, sed potiùs contempta, & ex animo radicitùs excisa:

Id non tantùm de censu æris aut divitiarum dictum accipias velim, verùm etiam de honoris ambitione, & laudis cupiditate, quæ omnia cum mundo interunt.

Locus quoque hominem parum munit, si deest ardens spiritus:

Nec diù consistit pax illa extrinsecùs quæsita, si vacat vero fundamento constitutionis animi:

Hoc est, nisi in me steteris, locum non animum mutaveris.

Nam ortâ sumptâque occasione non solùm quæ fugeris, sed etiam plura invenies.

C A P. XXXII.

*Preces ad animi mundiciem, cœlestemque sapientiam
obtinendam.*

1. Confirma me, DEUS, dono sancti spiritus:

Da mihi virtutem tantam, ut corroborato interiore homine, animum ab omni inutili sollicitudine & languore evacuem, nec ullius rei, sive vilis, sive preciosæ, variis cupiditatibus trahar:

Et meipsum & cætera omnia pro perituris habeam:

Quandôquidem nihil sub sole perpetuum est: quin vana sunt omnia, & animi excruciantia.

Hæc qui sic accipit, is imprimis sapit.

2. Da mihi, DOMINE, cœlestem sapientiam, ut te supra omnia quærere & invenire, te supra omnia sapere & diligere, & cætera secundùm ordinem sapientiæ tuæ uti sunt, sic accipere condiscam.

Da & prudenter declinare adulantes, & prudenter ferre adversantes:

Nec quâvis verborum aurâ moveri, nec aurem blandienti præbere, ea demum sapientia est:

Atque ita demùm tutò pergitur cœpta via.

C A P. XXXIII.

De maledicis.

1. Fili, si qui de te malè senferint aut dixerint, id tu agrè ferre noli:

Ipsemet de teipso deteriora sentito, & neminem te infirmiore esse credito.

Si occultâ virtutis viâ incedes, volantia verba haud magni pendes,

Est non parva prudentia, filere adverso tempore, animúmque suum ad me convertere, nec humano iudicio perturbari.

2. Non in hominum sententiâ tibi debet esse posita pax:

Apud hos, five benè, five malè audias, non idcirco es alius.

In me vera gloria verâque pax sita est, eâque multâ fruetur, si quis hominibus nec placere concupiverit, nec displicere metuerit.

Ex intemperato amore, & vano timore oritur animi omnis inquietudo, sensuúmque distractio.

C A P. XXXIV.

In rebus adversis quomodo sit invocandus laudandusque DEUS.

1. Collaudetur nomen tuum, DOMINE, in perpetuum, qui me hâc calamitate tentari volueris:

Eam effugere non possum, sed ad te confugere necesse habeo, ut me adjuves, & hæc res mihi ut bono sit efficies.

DOMINE, nunc in calamitate sum, nec animo meo benè est, quin præsentī casu vexor.

Itaque quid dicam, pater charissime? teneor angustiis:

Vindica me ab hâc horâ, in quam quidem ideo veni ut tu celebreris, me tantoperè depresso, deinde tuâ ope liberato.

Quæso te, DOMINE, ut me ex hoc malo velis eripere, inopem, & finè te quò me vertam nescientem.

Da mihi, DOMINE, nunc quoque patientiam, adjuva me, mi DEUS, & feram vel gravissimos casus intrepidè.

2. Enimvero inter hæc quid dicam? DOMINE, fiat voluntas tua, ego malum hoc atque angorem sum sanè meritus,

Ideo mihi ferendum est (atque utinam id patienter faciam) donec finitâ tempestate lætiora succedant.

Potest autem omnipotens manus tua hanc quoque tentationem à me amovere, & ejus impetum mitigare, ne planè succumbam.

Quemadmodum antea quoque sæpè mecum egisti, mi DEUS, pro tuâ erga me misericordiâ.

Quantò autem difficiliori casu premor, tantò suaviùs ope tuæ supremæ dexteræ recreabor.

C A P. XXXV.

De divino petendo auxilio, & confidentiâ recuperandæ gratiæ.

1. Nate, ego sum DOMINUS ille hominum confirmator in rebus adversis, ad quem tu te recipias si quandò tibi non bene est.

Illud cœlestem consolationem maximè impedit, quod tu te tardiùs ad preces convertis.

Nam antequàm me sedulò ores, multa interim solatia quæris, téque rebus externis recreas.

Ideo fit ut parùm profint omnia, donec advertas eum esse me qui eos ex malis eripiam, qui spem suam in me collocârunt,

Extrà me nullum nec validum est auxilium, nec utile consilium, nec durabile remedium.

Jam resumpto spiritu post tempestatem rursus convalesce in luce meæ misericordiæ,

Nam præstò adsum ad universa non solùm integrum restituenda, verùm etiam cumulatè instauranda.

2. Nunquid mihi quicquam est difficile? aut eorum similis sum, qui promissa non præstant?

Ubi est fides tua? Ita firmitèr & perseverantèr: præsta te virum tolerantem atque fortem, aderit tibi suo tempore consolatio.

Expecta, expecta me, veniam & te curabo.

Tentatio est quæ te vexat, & sollicitudo vana quæ exterret:

Quid confert sollicitudo de futuris casibus, nisi ut dolorem super dolorem habeas?

Satis est suum diei malum: vanum est inutile de futuris vel turbari vel lætari, quæ forsàn nunquam evenient.

3. Sed humanum est hujusmodi imaginationibus illudi, & parvi adhuc animi signum tam facilè hostis sollicitatione trahi.

Ipse quidem verisne an falsis illudat ac decipiat, & præsentiumne amore, an futurorum formidine prosterнат hominem, nihil pensi habet.

Quarè noli animo turbari aut formidare: crede mihi, & in misericordiâ meâ fiduciam habeto.

Sapè tibi propè adsum, quum tu me procùl abesse putas: quúmque omnia tibi periisse arbitraris, sapè tantò majus instat lucrum.

Non idcirco perierunt omnia, si res in contrarium cecidit.

Non debes ex præsentium malorum sensu judicare, neque ortâ alicunde calamite sic affici atque percelli, quasi spes omnis sublata sit emergendi.

4. Noli te prorsùs derelictum putare, si quandò ego tibi ad tempus vel calamitatem misi, vel etiam optatam subtraxi consolationem:

Sic pergitur ad cœleste regnum:

Magis è re tuâ est, cæterorùmque cultorum meorum ut adversis excitemini, quàm si vobis omnia ex animi sententiâ succederent.

Ego abditas cogitationes ita novi, ut sciam tuæ salutis magnoperè interesse ut interdum in tristibus relinquare,

Ne fortè secundo successu elatus in eo tibi placeas, quod non es.

Ego quod dedi auferre, & iterùm reddere possum quando libet.

5. Sidedi, meum est: si ademi, tuum non ademi cum, omne munus bonum perfectumque donum meum sit.

Igitur si quando tibi mali adversique aliquid mitto, noli indignari, aut animo concidere:

Ego idem te citò sublevare, & omnia tristia in gaudium mutare queo.

Cæterum in eo quod sic tecum ago, justus sum, multumque commendandus.

6. Si sapis, & factum hoc meum verè perpendis, nunquam ob res adversas tam dejectè dolere debes, sed potius gaudere, & mihi gratias agere:

Hoc unicè gaudendum judica, quod ego te doloribus affligens tibi non parco.

Sicut dilexit me pater, ego vos diligo, dixi meis illis charissimis discipulis, quos utique non ad peritura gaudia misi, sed ad magna certamina: non ad honores, sed ad infamiam: non ad ocium, sed ad labores:

Non ad requiem, sed ad copiosum fructum cum patientiâ ferendum.

Horum memento, fili mi, verborum.

C A P. XXXVI.

De spernendis omnibus rebus humanis, ut creator possit inveniri.

1. Mi DOMINE, longè majore adhuc tuo favore indigeo, ut eò perveniam, ut me neque hominum quisquam, neque res ulla creata possit impedire.

Nàm quandiù me res ulla retinet, ad te liberè volare nequeo.

Cupiebat ille liberè volare, qui dicebat, Utinam columbæ ritu alas habeam, ut in quietem avolem.

Quid simplici oculo quietius? aut quid eo liberius, qui in terris nihil concupiscit?

Oportet igitur omnes pertransire res creatas, & seipsum eousque promovere, ut extra seipsum raptus homo, videat te conditorem nihil cum rebus creatis habere simile.

Quòd nisi ab omnibus rebus creatis sit expeditus homo, divinis liberè vacare non potest.

Ideò

Ideò pauci extant rebus divinis contemplandis ad-
dicti, quia pauci à perituris rebus humanis se totos se-
movere sciunt.

2. Ad hoc magno opus est favore divino, qui ani-
mum attollat, & suprà seipsum rapiat.

Atqui nisi homo spiritu attollitur, & ab omnibus re-
bus humanis liberatus, totus DEO conjungitur, haud
magni ponderis est quicquid vel scit vel habet.

Diu parvus erit, & humi jacebit, qui rem ullam
magni æstimat præter unum immensum æternum bo-
num.

Quicquid DEUS non est, id nihil est, próque nihilo
ducendum.

Multum sanè differt inter hominis divinitús illumi-
nati ac religiosi sapientiam, & literati eruditique scien-
tiam :

Est multò nobilior illa doctrina quæ supernè manat
è divinâ scaturigine, quam quæ humano ingenio labo-
riose quæritur.

3. Existunt multi rerum divinarum contemplandi
cupidi : sed qui, quæ ad eam rem necessaria sunt, ex-
ercere non studeant.

Est & illud magnum impedimentum, quòd in signis
& rebus sensibilibus statueretur, & perfectæ interfectioni sui
exiguâ operâ impenditur.

Nescio quid sit, & quo spiritu ducamur, & quid
nobis in mentem veniat qui spirituales dicimur, quòd
summâ ope & sollicitudine in res perituras atque viles
incumbimus :

At de animi nostri negotiis vix rarò collectis plenè
sensibus cogitamus.

4. Post exiguam eorum collectionem statim foràs e-
rumpimus, nec opera nostra severiora examinatione
trutinamus.

Ubinam versentur affectus nostri non attendimus, &
quod tam impura sint omnia nostra non deploramus.

Sunt omnium hominum corrupti mores, quæ olim
causa fuit tanti diluvii.

Corrupto intus affectu, necessè est ut & sequens act-
io, index vacuitatis vigoris, corrumpatur.

Nam ex puro animo bonæ vitæ fructus proficiscitur.

5. Quantum

5. Quantum quis faciat, quæritur : sed quanta virtute faciat, non tam studiosè perpenditur.

Num dives sit, num fortis, num pulcher, num strenuus bonúsque scriptor, aut cãtor, aut agricola, investigatur :

Quam pauper sit spiritu, quàm patiens & mitis, quàm religiosus & interior, à multis tacetur.

Natura hominis exteriora intuetur : gratia ad interiora se convertit :

Illa frequenter fallitur, hæc in DEO spem habet, ne decipiatur.

C A P. XXXVII.

De sui abnegatione, & omnis cupiditatis abdicatione.

1. Nate libertatem perfectè adipisci non potes, nisi teipsum totum abneges.

Captivi sunt omnes avari & sui amantes, cupidi, curiosi, vagi,

Voluptatum non JESU CHRISTI semper studiosi, & sapiè non staturâ molientes,

Quippè cum perituum sit quicquid ex DEO ortum non est.

Accipe breve absolutumque dictum : omnia relinque, & omnia invenies :

Relinque, cupiditatem, & invenies requiem.

Hoc mente pertracta, & postquàm omnia impleveris, intelliges.

2. S. DOMINE non est hoc opus unius diei, aut puerorum ludus :

In eo paucis comprehenditur omnis religiosi hominis perfectio.

D. Nate, non protinùs averti, aut animum despondere debes, audito nomine perfectionis :

Sed potiùs ad sublimiora provocari, & ad ea saltem cupiditate inspirare.

Utinam pervenisses, ut tui ipsius amans non esses, sed arbitrio meo planè pareres :

Ita fieret ut mihi valdè placeres, omnémque vitam cum gaudio & pace transfigeres.

Habes

Habes adhuc multa relinquenda, quæ nisi mihi prorsus tradideris, non adipisceris quod postulas.

Suadeo tibi ut à me emas aurum igne candens, quo locuples fias :

Hoc est, sapientiam cœlestem, omnia humilia conculcantem.

Abjice terrenam sapientiam, hoc est, define tibi humano more placere & blandiri.

3. Dixi tibi vilissima emenda preciosis, & quæ in rebus humanis magni fiunt.

Nam vilis & parva, ac penè oblivioni tradita videtur illa vera cœlestis sapientia, quæ sibi non multum arrogat, nec in terris magni cupit fieri :

Eam quidem multi ore prædicantes, vitâ longe disentiunt :

Et tamen ea est preciosus ille, & multis abditus margarita.

C A P. XXXVIII.

De humani animi instabilitate, deque DEO sibi ante omnia proponendo.

1. Nate, noli ei, in quo nunc es, affectui credere, quippe mox in alium mutando.

Quamdiu enim vives, mutabilitate subjectus eris etiam nolens, ut modò lætus, modò tristis, existas.

Sed suprâ mutabilia ista stat sapiens ille & spiritu ritè doctus, non attendens quid in se sentiat, aut quâ parte flet ventus instabilitatis,

Sed omne mentis institutum ad quem debet finem, intendens.

Nam ita fit ut possit homo hujusmodi idémque inconcussus permanere, simplici intentionis oculo per tot tamque varios eventus ad me finè intermissione directo.

2. Quantò, puro est intentionis oculus, tantò constantius inter diversas itur procellas.

Sed in multis caligat ille oculus, facilémque in objectam aliquam voluptatem intuetur.

Rarò reperitur qui ab amoris sui nævo totus fit immunis.

Sic Judæi olim Bethaniam ad Martham & Mariam venerant, non propter JESUM tantum, sed ut Lazarum viderent.

Mundandus ergo est intentionis oculus, ut simplex sit & rectus, atque ultrà omnia, quæ varia interveniunt, ad me dirigendus.

CAP XXXIX.

DEUM amanti, *supra omnia & in omnibus esse jucundum.*

1. Ecce DEUS meus & omnia! quid amplius volo? aut quid facilius optare possum?

O sapidum & dulce verbum: sed amanti verbum, non mundum, nec ea quæ in mundo sunt.

DEUS meus & omnia: intelligenti satis dictum est: & idem sæpè repetere, jucundum est amanti.

Te siquidem præsentem jucunda sunt omnia: eodem absente molesta.

Tu animum efficis tranquillum, & magnam pacem festivamque lætitiā.

Tu facis ut de omnibus bene sentiat, & in omnibus tu laudare:

Neque quicquam finē te diu placere potest: quin ut aliquid gratum sapidumque sit, favor tuus adsit oportet, & illud sapientiā tuā condatur.

2. Cui tu sapis, quid ei non sapiat? rursus cui tu non sapis, quid ei voluptatem queat?

Sed in tuā sapientiā deficiunt mundi sapientes, & qui carnem sapiunt: quippe hīc mors, illic plurima vanitas invenitur.

Verum qui te per mundanorum contemptum carnifque interfectionem sequuntur, ii verē sapientes censendi sunt.

Utpote qui de vanitate ad veritatem, de carne ad spiritum transferantur.

His sapit DEUS: & quicquid in rebus creatis extat, id totum referunt ad laudem conditoris.

Dissimilis tamen est, & quidem admodum dissimilis sapor creatoris & creaturæ, æternitatis & temporis, lucis increatæ, & lucis illuminatæ.

3. O æter-

3. O æterna lux, & quæ cuncta creata superas lumina, affulge mihi:

Tuâ coruscatione omnia animi mei intima penetra, expia, exhilara, collustra,

Vivifica spiritum meum cum suis facultatibus, quo tibi cum gestientis lætitiæ cantu adhærescam.

O quando veniet beata illa & optanda hora, quâ tu me sic tuâ presentîa faties, ut mihi sis in omnibus omnia!

Hoc quidem quamdiu non dabitur, ne gaudium quidem plenum erit.

Adhuc (id quod mihi dolet) vivit in me vetus homo, nondum totus crucifixus, nondum planè mortuus.

Adhuc vehementer concupiscit adversus spiritum, bella movet intestina, nec regnum animæ quietum esse patitur.

4. Sed tu qui maris potestati dominaris, ejusq; fluctuum motus componis, age, adjuva me.

Dissipa gentes belli cupidas, easque virtute tuâ conterere:

Exere magnitudinem tuam, istâmque dextram nobilita:

Nam mihi nulla usquam spes, nullum perfugium est, nisi in te, DOMINE MI DEUS.

C A P. XL.

Hanc vitam nunquam à tentationibus esse tutam.

1. Nate, nunquam in hâc vitâ periculis carebis, quin quoad vives semper tibi necessaria erunt arma spiritualia.

Inter hostes versaris: dextrâ finistrâque oppugnaris.

Itaque nisi te undique sapientiæ scuto poteges, non eris diu sinè vulnere.

Nisi animum tuum in me defixeris, cum sincerâ voluntate cuncta propter me patiendi, ardorem istum ferre, aut beatorum palmam consequi nequibis.

Quamobrè omnia viriliter pervadas oportet, & validâ manu utaris adversus objecta.

Nam vincenti datur manna: torpenti verò relinquitur multa miseria.

2. Quod

2. Quod si quæris in hac vitâ requiem, quomodò tunc pervenies ad æternam?

Addice te non quieti, sed patientiæ.

Quære veram pacem non in terris, sed in cœlis: non in hominibus cæterisve rebus humanis, sed in solo DEO.

DEI amore debes omnia libenter subire, labores, dolores, tentationes, vexationes, anxietates, necessitatis, infirmitates, injurias, oblocutiones, reprehensiones, depressiones, probra, correctiones, despectiones.

Hæc ad virtutes invitant, hæc CHRISTI tironem explorant, hæc fabricant cœlestem coronam:

Huic ego homini pro brevi labore æternam mercedem, pro intereunte probro sempiternam gloriam persolvam.

3. Tène putas spiritualia semper habiturum arbitrio tuo solatia?

Non ea fuit olim meorum illorum sanctorum conditio;

Quin gravia multa, variâsque tentationes, & ingentes clades pertulerunt:

In quibus tamen omnibus patientes se præstiterunt, DEO magis quàm seipsis confisi,

Scientes hujus temporis adversa nequaquam esse futuræ ipsorum gloriæ paria.

Visne tu statim habere quod multi post multas lachrymas & labores vix tandem obtinuerunt?

Expecta DOMINUM, virum te præbe, néve diffidentia cœpto desistito, pro DEI gloriâ corpus animâque constanter impendito

Ego te cumulatissimè remunerabor, tibi que in omni calamitate adero.

C A P. XLI.

Contra hominum vana judicia.

1. Nate, animum tuum in DOMINUM constanter conjicito, néve humanum judicium metuito, ubi tua te conscientia infontem pronunciat.

Ista pati conducibile est, néque modesto animo, & DEO magis quàm sibimetipsi confidenti grave.

Multi

Multi multa loquuntur, ideóque eis parum adhibendum est fidei: & ut omnibus satisfiet fieri non potest.

Et quanquam studuit Paulus omnibus placere, séque omnibus omnia præbuit, tamen idem humano judicio censerí minimi fecit.

2. Præstitit ille quidem ad aliorum utilitatem salutémque pro virili quod potuit:

Sed quominus aliorum judicio damnaretur, prohibere non potuit.

Ideo totum negotium DEO, qui totum noverat, commisit, & adversus improborum summâque cum licentiâ mentientium calumnias & maledicta, patientiâ se modestiâque defendit.

Respondit tamen interdum, ne infirmis taciturnitate suâ pareret offensionem.

3. Cur tu tandem ab homine mortali damnari reformides? qui hodie vicens, cras nusquam comparet.

DEUM time, & homines non expavesces.

Quid in te verbis injuriisve potest quisquam? Sibi potius quàm tibi nocet, nec DEI judicium effugere poterit, quicumque tandem ille est.

Habe tu DEUM ob oculos, & querulis verbis noli contendere.

Quod si in præsentia immeritâ infamiâ opprimi videris, id ægrè ferre noli, aut impatientiâ coronam tuam minuere.

Intuere, qui possum hominem ab omni probro & injuriâ vindicare, & pro suis quemque factis remunerari.

C A P. XLII.

De purâ integrâque traditione sui, ad animi libertatem obtinendam.

1. Nate, relinque teipsum & me invenies.

Fac ut nihil tibi vendices, nihil proprium habeas, & semper lucraberis.

Nam majoribus insuper donabere, simul atque teipsum non revocaturus tradideris.

S. DOMINE quoties me tradam, & in quibus me relinquam?

D. Semper & omni horâ, tum in parvis, tum in magnis rebus.

Nihil excipio: quin in omnibus nudatum te inveniri volo.

Alioquin quâ possis esse meus, & ego tuus, nisi sis ab omni propriâ voluntate intus forisque spoliatus?

Hoc quantò celerius egeris, tantò melius tecum agetur:

Et quantò pleniùs & sinceriùs, tantò & magis mihi placebis, & plus lucrabere.

2. Nonnulli sese tradunt illi quidem, sed cum aliquâ exceptione.

Neque enim plenè DEO confidunt, ideóque ut sibi provideant dant operam.

Alii primò etiam totos se dedunt: sed postea pulsante tentatione ad sua redeunt, ideóque in virtute minime proficiunt.

Hi ad veram puri cordis libertatem, & jucundissimum meæ familiaritatis beneficium nunquam aspirabunt, nisi antegressa fuerit sui integra traditio, immolatioque quotidiana;

Sinè eâ, ut DEI conjunctione fruaris nec fit, nec futurum est.

3. Dixi tibi sæpissimè, & nunc iterum dico: relinque tradéque teipsum, & fruêris altâ pace animi.

Da totum pro toto, nihil exige, nihil repete:

In me meré & citra hæsitacionem mane, & me habebis: animóque liber, & à tenebris immunis eris.

Hoc conare, hoc ora, hoc ut optes operam dato, ut teipso planè exutus nudus nudum JESUM sequare, tibique mortuus mihi vivas in perpetuum.

Tunc abeunt & vanæ imaginationes, & improbæ perturbationes, & curæ superflue:

Tunc & immoderatus timor faceffet, & intemperans morietur amor.

CAP. XLIII.

*De rebus externis ritè administrandis, deque confu-
giendo ad DEUM in periculis.*

1. Nate, illud tibi diligentè curandum est, ut in omni & loco & externâ actione atque negotio animum liberum & sui compotem habeas,

Omnia tibi, non te illis subicias, actionumque tuarum non servus sis aut mancipium, sed dominus, sed rector, sed verè manumissus, & Hebræus, in liberorum DEI sortem libertatèque translatus.

Hi præsentia calcantes, æterna speculantur, & mortalia sinistro, cœlestia dextro oculo intuentur:

Hos temporalia non trahunt ad inhærendum: sed ea ipsi trahunt ad benè serviendum, sicut & à DEO & à summo opifice constituta sunt, qui nihil inordinatum reliquit in rebus à se conditis.

2. Jam verò si in omni casu non rei speciei inhæseris, neque carnali oculo visa auditave lustraveris, sed in quâque re protinùs in tabernaculum ad consulendum DOMINUM cum Mose intraveris, audies divinum responsum, deque multis tum præsentibus tum futuris doctus redibis.

Sempèr Moses ad tabernaculum se recepit in dubiis & quæstionibus solvendis, confugitque ad precationis opem ad pericula hominumque improbitatem, propulsandam.

Sic & tu in cordis tui penetrare debes confugere, divinam opem intentiùs implorando.

Nam proptereà deceptos à Gabaonitis Josuam cæterosque, Israelitas fuisse memoriæ proditum extat, quòd DOMINUM non priùs consuluerunt: sed dulcedini verborum creduli pietatis specie delusi sunt.

CAP. XLIV.

Ne importunus sit homo in negotiis.

1. Nate, causam tuam mihi sempèr committito: ego eam suo tempore ritè componam.

Expecta decretum meum & senties inde profectum.

S. DOMINE, libentèr equidèr rem omnem tibi committo, quia parùm mea proficit cogitatio.

Atque utinam non sic essem de futuris casibus sollicitus, sed me incunctanter arbitrio tuo subjicerem.

2. D. Nate, sæpè rei cujuspiam cupidus homo eam affectat: deinde eandem adeptus aliter sentire incipit:

Quippe cum durabiles non sint ejusdem rei cupiditates, sed vos ad alia atque alia impellant.

Itaque vel in minimis seipsum relinquere non est minimum.

3. Est verus hominis profectus in sui abnegatione positus, ut qui id præstiterit, is liberrimus sit atque tutissimus.

Sed antiquus ille hostis omnibus bonis adversans à tentatione nunquam cessat, & noctes dièsque graves molitur insidias, si fortè incautos in fraudis laqueum præcipirare possit.

Quare vigilate & orate, ne intretis in tentationem.

C A P. XLV.

Hominem nihil ex seipso habere boni, neque de ullâ re gloriari posse.

1. DOMINE, quid est homo ut tu sis ejus memor? quid est homine natus, ut eum cures?

Quid promeruit ut eum favore tuo prosequeris?

DOMINE, quid possum conqueri si me deserueris? aut quid meritò expostulare, si mihi postulata non concesseris?

Certè hoc mihi verè cogitare licet ac dicere: DOMINE, nihil ego sum, nihil per me boni habeo, quin omnium inops ad nihil semper tendo.

Quod nisi à te adjutus, & intus in animo instructus fuero, totus efficior tepidus & dissolutus.

2. Tu verò, DOMINE, semper idem es, idèmq; permanes in æternum,

Semper bonus, justus, sanctus, qui omnia benè, justè, sanctè facias, & cum sapientiâ componas.

At ego, ad defectum magis quàm ad profectum pronus, non semper in eodem statu perduro, quippe temporis vicissitudinibus obnoxius.

Sed

Sed idem tamen te manum adjutricem porrigente facile recreor.

Tu solus finè ullâ humanâ ope auxiliari potes, méque usqueadeo confirmare, ut vultus meus jam in diversa non mutetur, sed in te uno animus meus corrigatur & acquiescat.

3. Itaque fidum aliquâ necessitate ad te quærendum impellor, omnem humanam consolationem scirem abjicere, de favore tuo benè sperare, & consolationis donum cum lætitiâ expectare possem.

4. Tui est beneficii quicquid unquam mihi bene succedit: ego tibi vanus & nihili homuncio sum inconstans & infirmus.

Igitur gloriari unde possim aut cur suspici cupiam?

De nihilo videlicet: at id quidem vanissimum est.

Verè pestilentissima & inanissima res est ambitio, quæ hominem & à verâ gloriâ abstrahat, & cœlesti favore spoliet.

Nam dum sibi placet homo, tibi displicet: dum humanis laudibus inhiat, veris virtutibus privatur.

Est autem vera gloria, sanctâque lætitia, de te, non de seipso gloriari:

Dé tuo nomine, non de suâ virtute gaudere, aut re ullâ nisi propter te delectari.

Ergo tuum, non meum nomen laudetur: tuum, non meum opus extollatur:

Tuum illud sanctum nomen ita celebretur, ut ego nullâ hominum laude afficiar.

De te perperuò lætus gloriabor: de me nihil nisi de infirmitatibus meis.

Appetant Judæi mutuam inter se gloriam: ego ei studebo quæ à solo DEO est.

Omnis quidem humana gloria, omnis honor mortalis, omnis mundana excelitas, si cum tuâ istâ æternâ gloriâ conferatur, vanitas est & stultitia.

O mea veritas, mea misericordia, mi DEUS, beata Trinitas, tibi soli laus, virtus, honor, gloria, in omnem seculorum perpetuitatem. Amen.

CAP. XLVI.

De mortalis honoris contemptu.

1. Nate, tuâ nihil referre putato, si alios honorari & extolli, te verò despici contemnique videas.

Erige ad me in cœlum animum, & ab hominibus in terris contemni non agrè feres.

S. DOMINE in cæcitate fumus, & vanitate facilè seducimur.

Si rectè meipsum inspicio, nunquam mihi ab ullâ re facta est injuria,

Quo fit ut quod de te meritò conquerar non habeam.

2. Quia in te & frequenter & gravitèr peccavi, meritò armatur in me omnis rerum natura.

Igitur mihi infamia & contemptus, tibi laus, honor, gloria debetur.

Ac nisi me sic comparavero, ut me ab omnibus despici atque derelinqui, planèque nullo loco haberi æquo animo feram non possum nec animum consequi pacatum atque stabilem, neque divinitus illustrari, nec tibi plenè conjungi.

CAP. XLVII.

Pacem sibi in hominibus non esse collocandam.

1. Nate, si tibi pacem in quoquam mortalium, propter tuam cum illo concordiam atque consuetudinem collocaveris, instabilis eris & inquietus.

Sin te ad sempiternam immortalèmq; veritatem reeperis, amici discessu obitûve non cruciabere.

Tantò enim magis DEO propinquat homo, quantò ab omni solatio terreno longius recedit:

Tantò in DEUM altiùs ascendit, quantò in se profundius descendit, quantòque magis sibi vilescit.

2. Qui vero boni quidpiam sibi arrogat, is DEI favorem in se vigere prohibet, quippe cum Sancti Spiritûs favor submissum animum semper quærat.

Si teipsum planè in nihilum redigere, atque ab omni creato amore eximere scires, equidem in te magnâ cum beneficentiâ defluerem.

Sed

Sed dum in res creatas intueris, subtrahitur tibi creatoris aspectus.

Disce teipsum in omnibus ob creatorem vincere: ita fiet ut ad DEI cognitionem pervenias.

Vel quantulacunque res si intemperanter amatur & respicitur, à summo bono retardat, hominémque vitiat.

C A P. XLVIII.

In vanam secularémque scientiam.

1. Nate, elegantibus acutisque hominum dictis moveri nolino.

Neque enim in sermone, sed in virtute, situm est regnum DEI.

Attende verba mea quæ & animos accendunt, & mentes illuminant, & igniculos injiciunt, & veram afferunt consolationem.

Nunquam quicquam eo consilio legas, ut doctior aut sapientior esse videare:

Ut vitia interimas operam dato: hoc enim tibi plus proderit, quam multarum difficilium quæstionum notitia.

2. Ubi multa legeris cognoverisque, ad unum tandem veniendum erit principium.

Ego is sum qui homines scientiam doceo, & parvulis perspicaciorém intelligentiam concilio, quàm à quoquam hominum doceri queat:

Ita ut quos alloquar, facilè sapientes evadant, & in spiritu multum proficiant.

Væ illis qui curiosa multa ex hominibus quærunt, & viam mihi serviendi parùm curant.

Veniet tempus illud quum existet magister magistrorum CHRISTUS, dominus angelorum, qui ab omnibus rationes exigat, omniumque conscientiam examinet:

Cum quidem Hierosolyma adhibitis lucernis perscrutabitur, fiéntque manifesta quæ in tenebris latuerint, tacentibus linguarum argutiis.

3. Ego is sum qui demissam mentem uno momento sic attollo, ut veritatis æternæ plures capiat rationes, quàm quis vel decem annorum studio literario consequi possit.

Ego

Ego doceo finè strepitu verborum, finè turbâ opinio-
num, finè fastu ambitionis, finè pugnâ argumentorum.

Ego is sum qui doceo terrena despiciere, presentia fa-
stidire, æterna quærere & sapere, fugere honores, ferre
offensiones, omnem spem in me ponere, extra me nihil
cupere, & me super omnia ardentè amare,

4. Amando me quidam divina penitús ita didicit, ut
mira loqueretur, plúsque omnia relinquendo profecit,
quàm ullâ studiorum subtilitate potuisset.

Sed aliis communia, aliis singularia eloquor, nonnul-
lis in signis & figuris suaviter appareo, aliis in multo lu-
mine arcana patefacio.

Librorum quidem una vox est, quæ non omnes æquè
instruat.

At ego intus sum doctòr veritatis, animorum scru-
tans, cogitationum intelligens, actionum promovens, &
tantum cuique tribuens, quantum æquum esse iudico.

C A P. XLIX.

De non attrahendo ad se res exteriores.

1. Nate, in multis inscium te esse oportet, & pro
mortuo in terris te ducere, próque eo cui totus orbis fit
crucifixus.

Multa etiam furdâ aure prætereunda sunt, & quæ ad
pacem tuam pertineant cogitanda.

Utiliùs est oculos ab iis quæ displicent, avertere &
suam cuique sententiam relinquere, quàm contentiosis
sermonibus servire.

Si cum Dêo tibi probè convenerit, inque ejus judici-
um intuitus fueris, faciliùs vinci te sustinebis.

2. S. O DOMINE, quò deventum est? en breve dam-
num defletur, ob exiguum quæstum laboratur & curri-
tur, vixque tandem sub noctem domum reditur, & spiri-
tuale detrimentum oblivioni traditur.

Quod parùm, ne dicam nihil prodest, huic studetur:
& quod summè necessarium est, negligentèr præteritur:

Usqueàdeo totus in externa effluit homo, ac nisi citò
resipiscat, libens in exterioribus jacet.

CAP. L.

Non omnibus esse credendum: itémque de facilitate lapsus verborum.

1. Opitulare mihi DOMINE, in hâc calamitate: nam hominum quidem inane est præsidium.

Quâm sæpè ibi non inveni fidem, ubi fore putavi? rursúmque ibi reperi, ubi minùs sperassem?

Usqueadeo vana spes est in hominibus, & in te uno, DEUS, salus est posita iustorum.

Agimus tibi gratias, DOMINE DEUS, ob omnia quæ nobis accidunt infirmis & instabilibus, quique facîle fallamur & mutemur.

2. Quis est qui se omnibus in rebus ita cautum circumspèctúmque præbere queat, ut non aliquando in aliquam fraudem difficultatémque veniat?

Sed tibi, DOMINE, qui confidit, animóque simplici studet, is non ita facîle labitur.

Aut si in aliquam incidit calamitatem, quantâcunq; tandem difficultate implicetur, citò à te vel inde eripitur, vel consolatione confirmatur,

Quippe eos qui in te spem habent, ad extremum non deseris.

Rari sunt fidi amici, qui in omnibus perseverent rebus adversis:

Tu, DOMINE, tu solus es fidelissimus in omnibus, neque quisquam tui similis est.

3. O quàm sapuit sancta illa anima quæ dixit: Confirmata est mea mens, & in CHRISTO fundata.

Si sic mecum ageretur, non tam facîle me sollicitaret humanus timor, nec verborum jacula moverent.

Sed quis omnia prævidere, quis cavere futura mala queat?

Quòd si quamvis prævisa, tamen sæpè lædunt, quantò feriunt improvisa graviùs?

Sed cur mihi miser non meliùs prospexi? aut cur aliis tam facîle credidi?

Verùm homines sumus, & quidem fragiles, etiãmsi à multis angeli existimemur & dicamur.

Cui

Cui vero credam, DOMINE, cui nisi tibi, qui ipsa veritas es, neque fallis neque falli potes.

Nam homines quidem omnes sunt mendaces, infirmi, instabiles, caduci, maximè in verbis, ut non temerè, protinus credi debeat quicquid veri speciem præ se fert,

4. Quàm prudenter præmonuisti cavendos esse homines : & suos cujusque domesticos esse ipsius inimicos, neque credendum esse dicentibus, hic adest, aut illic adest.

Doctus sum damno meo, atque utinàm cautior inde, non insipientior efficiar.

Cautus esto (inquit quidam) cautus esto, & quod dico, tacitè habeto.

Deinde tacente me, & illud occultum credente ipsemet filere non potuit, quod fileri jusserat, sed statim & me & se prodito abiit.

Ab hujusmodi fabulis & incautis hominibus tuere me, DOMINE, ne unquam in eorum manus incidam, aut talia committam.

Suggere ori meo vera stabiliâque dicta, callidâque linguam à me procul amove.

Nam quod mihi fieri nolim, id alteri ne faciam omnino cavere debeo.

5. Quàm bona quâmq; tranquilla res est de aliis filere, neque omnia nullo discrimine credere, neque facile, plusculum eloqui,

Sempérque te animorum cognoscentem quærere, neque quovis verborum vento circumferri, sed omnia, tum interiora, tum exteriora, arbitrio nutûque tuo cupere perfici.

Quàm tutum est ad DEI favorem retinendum humanum fugere splendorem, nec ea appetere quæ suâ specie sunt admirationi :

Sed illa omni diligentia sectari quæ vitæ correctionem & pietatis ardorem afferunt.

C A P. LI.

De habendâ in DEO confidentiâ, si maledictorum jaculis appetare.

1. Nate, constantem te præbeto, & in me spem fitam habeto. Quid

Quid enim sunt verba nisi verba, quæ per aërem volantia, lapidem non lædant?

Si fons es, vide ut te corrigere velis.

Sin nullius tibi peccati conscius es, da operam ut calumniam in DEI gratiam æquo animo feras,

Saltém verba tolères, qui verberum asperitatem tolerare nondum queas.

Cur verò tantula animum tuum commovent, nisi quia adhuc carnalis es, & hominum majorem, quàm debes, rationem habes?

Nam quia despici metuis, reprehendi ob delicta non vis, & excusationum quæris umbracula.

2. Sed inspice te diligentius, & cognosces vivere adhuc in te mundum, & vanum amorem placendi hominibus.

Cum enim ob commissâ tua pudefieri refugias, ex eo perspicuum fit nec verè modestum te, nec verè vel mundo te, vel tibi mundum esse mortuum.

Sed audi verba mea, & non curabis vel decem milium hominum verba.

En si in te dicerentur quæcunque vel fingi maliciosissimè possunt, quid tibi ea nocerent, si ea ferri fineres, neque pluris quàm festucam penderes?

Nunquid vel pilum tibi evellerent?

3. Sed qui & parvi animi est, nec DEUM habet ob oculos, is facilè maledicto movetur.

Qui verò mihi confidit, nec à suo judicio pendet, is humano terrore vacat.

Ego enim arcanorum omnium judex sum & cognitor:

Ego quo pacto sit acta res scio, ego & injurium & injuriam passum novi.

A me ortum est istud negotium méque permittente accidit, ut multorum hominum mentes pateant.

Ego & de fonte & de infonte judicabo: sed priùs utrumque occulto judicio explorare volui.

4. Hominum testimonium sæpe fallit: meum judicium verax est, idémque consistet non evertendum.

Latet illud quidem plerúmque, atque à paucis penitus perspicitur:

Sed nunquam vel errat, vel errare potest, etiamsi insipientibus parùm æquum esse videatur.

Itaquè ad me confugiendum est in omni judicio, nec suo cuique utendum est arbitrio.

Iustus quidem nullo sibi divinitus oblato casu perturbatur, neque calumnias admodum curat, vel ob aliorum iustas sui excusationes inaniter exultat.

Perpendit enim eum esse me qui corda renésque scruter, neque ex aspectu aut humanâ specie judicem.

Nam sæpe in oculis meis culpandum reperitur, quod hominum iudicio laudandum est.

5. S. DOMINE DEUS, iudex iuste, fortis, patiens, qui hominum fragilitatem pravitatémque nôsti, esto robur meum omnisque fiducia.

Nequè enim mihi satis est conscientia mea: tu nôsti ignota mihi, itaque in omni reprehensione submittere me eámque mollitèr ferre debui:

Quod si quando non præstiti, ignosce mihi propitius, méque iterum hoc beneficio affice, ut me patientiorem deinceps præbeam.

Nam conducibilior est mihi tua singularis misericordia ad veniæ consecutionem, quàm mea iustitiæ opinio ad latentis conscientiae defensionem.

At licèt mihi nullius peccati sim conscius, non tamen idcirco sum absolvendus,

Quippe remotâ misericordiâ tuâ, nullus apud te mortalium est absolvendus.

C A P. LII.

Ob æternam vitam omnia gravia esse toleranda.

1. Nate, noli vel laboribus frangi, quos meâ causâ susceperis, vel rebus adversis usqueadeo dejici:

Quin te mea promissio in omnibus casibus roborat atque consoletur, qui satis ideonus sum ad immensa præmia reddenda.

Non tu hîc diu laborabis, neque semper vexabère doloribus.

Expecta paulisper, & videbis celerem finem malorum, eritque cùm cessabit omnis labor & tumultus.

Exiguum & breve est quicquid tempore finem habet.

2. Quocircâ age ut agis, labora fideliter in vineâ meâ, ego ero merces tua.

Scribe, lege, canta, geme, tace, ora, patere viriliter

ter adversa, digna est his omnibus & majoribus præliis vita æterna.

Veniet pax unâ die quæ nota est DOMINO, & erit non dies aut nox hujus scilicet temporis, sed lux perpetua, claritas infinita, pax firma, tuta requies.

Tunc non dices illud: Utinàm liberer ex hujus mortis corpore.

Neque item clamabis: Hei mihi, cui tandiu sit hic habitandum.

Nam & mors pessundabitur, & salus erit nunquam intermoritura, angor nullus, lætitia beata, societas dulcis & honesta.

3. O si vidisses sanctorum in cælo coronas perpetuas, quantâque nunc quoque gestiant gloriâ, qui isti mundo olim contempti, vel ipsâ vitâ indigni putabantur!

Profectò tu te protinùs ad terram dejiceres, mallésque vel omnibus parère, quam vel uni imperare, nec istius vitæ lætos dies concupisceres:

Potiùs DEI causâ adversis premi gauderes, & nullo loco inter homines haberi, maximum lucrum duceres.

Quòd si tibi hæc arriderent, & altiùs in animum dimitterentur, ne semel quidem conqueri auderes.

Scilicet ob æternam vitam nonne omnia sunt laboriosa toleranda?

An divinum regnum vel adipisci vel amittere tantula res est?

Attolle in cælum oculos: en unâ mecum omnes sancti mei, qui in istâ vitâ acre certamen obiére,

Nunc gaudent, nunc consolationem percipiunt, nunc tuti sunt, nunc requiescunt, mecum in regno patris mei finè fine permansuri.

C A P. LIII.

De æternitatis die, & hujus vitæ angoribus.

1. O supernæ civitatis mansio beatissima ô dies æternitatis clarissima, quam nulla nox obscurat, sed summa veritas semper irradiat!

Dies sempèr læta, semper tuta, statu nunquam in contraria mutando!

L

O utinam

O utinam illuxisset illa dies & omnia hæc mortalia finem adepta forent !

Lucet illa quidem sanctis perpetuâ claritate splendens, sed non nisi procul ac velut in speculo, quippe peregrinantibus in terrâ.

2. Nôrunt cœli cives quàm læta sit illa : gemunt exules Evæ nati, quòd tam amara sit hæc dies hujus temporis & parvi, & mali,

Ubi homo tot peccatis inquinatur, tot malis irretitur tot urgetur timoribus, tot curis distenditur, tot curiositatibus distrahitur, tot implicatur vanitatibus, tot erroribus circumfunditur, tot laboribus atteritur, premitur tentationibus, enervatur deliciis, egestate cruciatur.

3. O quando finis erit horum tot laborum ?

Quando unius tui, DOMINE, memor ero ?

Quando in te plenè lætabor ? quando omni impedimento carens, verâ libertate fruar, finè ullâ vel mentis vel corporis molestiâ ?

Quando erit pax solida, pax imperturbabilis atque tuta, pax intus & foris, pax ex omni parte firma ?

JESU bone, quando te coram videbo ? quando regni tui gloriam contemplabor ?

Quando eris mihi omnia in omnibus ? aut quando tecum degam in regno tuo, quod ab omni æternitate tibi dilectis præparâsti ?

Relictus sum inops & exul in hostili solo, ubi quotidiana bella, ubi vigent infortunia maxima.

4. Solare exilium meum, mitiga dolorem, quando ad te summâ animi cupiditate anhelô.

Nam ab hoc quidem mundo quicquid offertur ad solatium, id mihi est oneri.

Te penitus frui cupio, sed apprehendere nequeo.

Opto inhærere cœlestibus, sed deprimunt res temporales, & non interemptæ affectiones.

Mente omnia superare volo, sed carni invitus subjacere cogor.

Sic ego infelix homo mecum ipse pugno, sumque mihi metipsum gravis, dum sursum spiritus, deorsum caro tendit.

5. Quantum intus certamen patior, dum mente tracto cœlestia : & mox oranti occurrit turba carnalium ?

Mi DEUS, noli à me procul discedere, neve præ irâ tuum me adversare.

Diffipa fulguris tui splendore omnes quæ ab hoste injiciuntur imaginationes, easq; jactis sagittis disturba.

Recollige ad te sensus meos, fac ut mundanorum omnium obliviscar, utque vitiorum imaginationes citò abjiciam atque contemnam.

Succurre mihi, æterna veritas, ut nulla me moveat vanitas.

Adveni cœlestis suavitas, fugiente adventu tuo omni impuritate.

Illud quoque mihi misericorditer ignosce & veniam dà, quoties in precibus aliud quàm te revolve.

Etenim ut verum fatear, admodum distrahi soleo, ac sæpenumerò ibi non sum, ubi corpore sto aut sedeo :

Sed potius quò cogitationibus feror, ibi sum, ubi mea est cogitatio :

Ubi mea frequenter versatur cogitatio, ibi est quod amo :

Quòdque me aut naturaliter delectat, aut ex consuetudine placet, id mihi facilè occurrit.

6. Hanc ob causam, Tu veritas, apertè dixisti, Ubi est thesaurus tuus, ibidem & animus.

Si cœlum amo, cœlestia libenter perpendo.

Sin mundum amo, mundi rebus secundis gratulor, & ejusdem res adversas doleo.

Si carnem amo, carnalia subindè imaginor : sin spiritum, de spiritualibus cogitare me delectat.

Quæcunque enim amo, de iis libenter & loquor & audio, eorùmque imagines domum mecum reporto.

Beatus ille qui propter te, DOMINE, humana omnia missa facit, naturæ vim insert, carnisque cupiditates spiritûs ardore crucifigit,

Ut serenatâ conscientia puras tibi preces libet, dignusque sit qui angelorum cœtibus intersit, omnibus terrenis tum foris tum intus exclusis.

CAP. LIV.

De æternæ vitæ desiderio, & quanta sint certantibus bona promissa.

1. Nate, quum tibi beatitudinis æternæ desiderium desuper infundi sentis, & ex tabernaculo corporis exire concupiscis, ut claritatem meam finè vicissitudinis umbrâ contemplari possis, aperi animum tuum, & sanctum hunc afflatum avidissimè accipe.

Age summas supernæ bonitati gratias, quæ tecum tam benignè agat, te tam clementer invisat, tam ardentè excitet, tam validè sublevet, ne tuopte pondere ad terrestria labaris.

Neque enim id conatu tuo consequeris, sed solâ dignatione supernæ gratiæ, ut virtutibus, proficias, & ad futura certamina te prepares, ut mihi totis animi viribus adhæreas, ardentiq; voluntate servias.

2. Nate, sæpè ignis ardet, sed flammæ semper comes est fumus.

Sic & nonnulli desiderio flagrant rerum cœlestium, & tamèn à carnalium affectionum tentatione liberi non sunt,

Ideo non planè ob solam DEI gloriam ea faciunt, ad quæ ferenda ejus opem tam cupidè petunt.

Tale est & tuum sæpè desiderium, cujus tamen summam esse sinceritatem præ te fers.

At parùm perfectum est, quod privatâ commoditate est infectum.

3. Petito non quod tibi jucundum commodumque, sed quod mihi acceptum sit & gloriosum.

Si rectè judicas, decretum meum & desiderio tuo & omnibus quæ desiderantur, præferre sequique debes.

Novi desiderium tuum, frequentésque gemitus auidi.

Jam velles esse in gloriosâ libertate natorum DEI :

Jam te delectat æterna domus, & cœlestis patria plena gaudio :

Sed nondum venit hora illa.

Adhuc aliud tempus est, belli videlicet, laboris, & explorationis.

Optas

Optas summo replei bono: sed id assequi nondum tibi licet.

Ego is sum quem expectare debes donec veniat regnum DEI.

4. Explorandus es adhuc in terris, & in multis exercendus.

Concedetur tibi interdum consolatio, sed plena satietas non item.

Quocircà constantem te fortemque præbeto tum in agendo, tum in patiendò naturæ contraria.

Oportet te novum induere hominem, & in alterum virum mutari.

Sæpe tibi & facienda sunt quæ nolis, & omittenda quæ velis.

Aliis sui conatus succedent, tibi non item :

Aliorum dicta audientur, tua pro nihilo ducentur :

Alii petentes impetrabunt, tu repulsam patière :

Alii hominum ore magni celebrabuntur, de te tacebitur :

Aliis munia obeunda committentur, tu ad nihil utilis judicabere.

5. Has ob causas nonnunquàm dolebit natura tua, magnúmque certamen tolerabit :

Sed magnum bonum inde consequèris, si id silentio tuleris.

His & hujus generis aliis explorari solet fidelis DOMINI servus, ecquid seipsum abnegare, & in omnibus frangere queat.

Ac vix quicquam est in quo mori æquè è re tuâ sit, ac in eo ut quæ voluntati tuæ adversentur, ea videas & perpetiaris.

6. Sed considera, nate, quis fructus, quantum præmium quàm brevè labores istos sit secuturum, & non ægrè feres, sed patientiæ solatium percipies maximum:

Pro brevi istâ, quam nunc sponte reliqueris, voluptate frueris in cœlo perpetuâ.

Ibi quicquid voles, quicquid optare poteris, invenies : ibi bonorum omnium copiam nullo amittendi timore habebis.

Ibi tuâ voluntas unâ mecum nihil unquam extraneum privatúmve cupiet :

Ibi nullus tibi resistet, nemo de te conqueretur, nemo te impedit,

Quin optata universa præstò aderunt, animique tui cupiditatem cumulatissimè explebunt.

Ibi reddam gloriam pro toleratâ contumeliâ, laudis amictum pro mœrore, pro infimo loco regiam sedem in sempiternum.

Ibi apparebit fructus obedientiæ, gaudebit labor pœnitentiæ, modestâque subjectio gloriosè coronabitur.

7. Quamobrém nunc te omnium imperio modestè subjungito, neque quis dicat aut jubeat curato, sed illud in primis operam dato ut sive superior aliquis, sive æqualis, sive etiam inferior aliquid à te postulaverit aut etiam innuerit, omnia boni consulas, & sincerâ voluntate exequi studeas.

Querant alii alia, glorientur alii in aliis, laudenturq; vel ab innumeris: tu non nisi in tui contemptu, & in meo imperio exequendo, meâque gloriâ curandâ gaudeo, illud unicè optato ut sive per vitam, sive per mortem DEUS in te semper honoretur.

C A P. LV.

Quemadmodum malis pressus homo sese DEO tradere debeat.

1. Ago tibi, DEUS, sancte pater, immortales gratias, quod quæ tu vis (vis autem nihil nisi bonum) fiunt.

In te later ego tuus, non vel in me, vel in quoquam alio:

Nam tu solus vera lætitia, tu mea spes & corona, tu gaudium honórque meus, DOMINE.

Nihil nisi à te acceptum habeo, idque nullo meo merito: tua sunt quæcunque vel dedisti vel fecisti.

Ego inops, & laboribus ab ineunte ætate agitatus animo doleo, idque nonnunquàm ita ut erumpant lachrymæ, utque ob imminetia mala perturber.

2. Desidero pacis gaudium, pacem natoꝝ tuorum flagito, qui consolationis tuæ lumine pascuntur.

Si tu pacem dederis, si gaudium fuderis, animum habebo plenum modulationis, laudésque tuas religiosè cantantem.

Sin

Sin tu te subtraxeris præceptorum tuorum viâ currere non potero,

Sed potiùs in genua lapsus pectus tundam, quia mecum non sic agetur ut antea, quum lucernâ tuâ mihi desuper illucente, sub alarum tuarum umbrâ protegerer.

3. Pater iuste, sempérque laudande, venit hora quâ ego tuus explorer.

Pater amande, æquum est ut hâc horâ aliquid tuâ causâ patiar.

Pater perpetuò venerande, venit hora quam tu ab omni æternitate futuram sciebas, ut ego ad exiguum tempus contemnar, deprimar, deficiam coram hominibus, malisque & languoribus affligar,

Quo denuò tecum in aurorâ novæ lucis resurgam, & in cœlestibus illustis efficiar.

Pater sancte, tu sic statuisti, sic voluisti, quodq; fieri præcepisti, id factum est.

4. Hoc enim beneficii à te confertur in amicum tuum, ut amore tui malis afficiatur in hâc vitâ, quoties, & à quo, & quomodo tu fieri permiseris.

Nam nec finè consilio providentiâque tuâ, nec finè causâ quicquam fit in terris.

Et quidem è re meâ est, DOMINE, quod me depressisti, ut instituta tua discam, & omnem animi fastum atque arrogantiam abjiciam.

Mihi utile est pudore fuisse suffusum, ut à te potiùs, quàm ab hominibus consolationem petam.

Ex eo impervestigabile iudicium tuum expavescere didici, qui iustos unâ cum impiis affligas, sed non finè æquitate & justitiâ.

Ago tibi gratias, quì me malis afficere nihil peperceris, sed acerbos cruciatus, dolores, angores foris intusque mihi inflexeris, in quibus qui me consoletur, ex omnibus quì sub cœlo sunt nullus est.

Tu solus is es, mi DOMINE & DEUS, cœlestis animarum medicus, qui & vulneras & fanas, qui ad inferos deducis, & idem reducis.

Tua me correctio petit, tua virga docet.

6. En ergo me, pater charissime, correctionis tuæ virgæ subicio :

Feri dorsum cervicemque meam, ut pravitatem meam sub tuam voluntatem flectam.

Fac

Fac me pium modestumque discipulum, sicuti probe facere consuevisti, ut tibi ad nutum planè obtemperem.

Tibi me meaque omnia ad corrigendum commendo, quando hîc quàm in posterum corrigi præstat.

Universa tu & singula scis, neque te quicquam latet in humanâ conscientia.

Tu futura, antequam fiant, nôsti, neque est quod & de iis quæ in terris geruntur, doceat, aut admoneat quisquam.

Tu scis quid mihi ad proficiendum conducatur, quantumque profint res adversæ ad vitiorum quasi rubiginem abstergendam.

Utere erga me iudicio arbitrioque tuo, neve me ob nocentem vitam meam nulli melius aut clarius, imo nulli prorsus nisi tibi uni notam despicio.

7. Da mihi, DOMINE, scire quæ scienda sunt, amare quæ amanda, laudare quæ tibi summè placent: suspicere quæ tuo iudicio preciosa sunt, & vituperare quæ oculis tuis sordent.

Noli committere ut ego vel ex exteriorum oculorum aspectu iudicem, vel ex imperitarum aurium auditu sententiam feram :

Sed vero iudicio tum visibilia tum spiritualia discernam, & ante omnia tuæ voluntatis arbitrium semper exquiram.

8. Falluntur sæpè hominum sensus in iudicando, falluntur & hujus amatores seculi tantum visibilia amando.

Nunquid tantò melior est homo, quantò hominî major habetur ?

Fallax fallacem, vanus vanum, cæcum cæcus, infirmum infirmus decipit dum extollit, verèque probro afficit, dum inaniter laudat.

Nam quantus quisque tuo iudicio est, tantus reverà, ac non major est.

C A P. LVI.

Humilibus operibus insistendum esse, quum deficitur à summis.

1. Nate, nondum potes perpetuò in ardentissimo virtutum studio, summoque res divinas contemplandi gradu consistere.

Quin

Quin necesse est ut interdum ad inferiora descendas, & vitæ mortalis onus feras.

Itaque sæpè tibi de carnis onere gemendum est, quod spiritalibus studiis finè intermissione inhærere non potes.

2. Jam tibi expedit, firmâ cum confidentiâ expectare donec à me invisaris, & ab omnibus angoribus libereris.

Nam faciam te laborum oblivisci, & interiore quiete perfrui.

Aperiam tibi divinarum literarum campum, ut gesti-
enti animo percurrere incipias viam præceptorum meo-
rum, atque ita dicas :

Non sunt conferendæ temporis hujus calamitates cum futurâ gloriâ nobis exhibendâ.

C A P. LVII.

*Debere hominem non consolatione, sed verberibus
dignum se existimare.*

1. DOMINE, non sum consolatione, aut ullâ spiritu-
ali curâ tuâ dignus :

Itaque æquum te mihi præbes, dum inopem me &
consolationis expertem relinquis.

Nam etiamsi mare lachrymarum funderem, nec sic
quidem consolatione tuâ dignus essem :

Quin non nisi flagris poenisque dignus sum, qui te-
tam graviter tam sæpe offenderim, inque tam multis
tantoperè deliquerim.

Itaque si res ritè perpendatur, ne tantulâ quidem
consolatione dignus sum.

Et tamen, tu clemens & misericors DEUS, qui opera
tua perire non vis, ad exerendas tuæ bonitatis opes in
vasa misericordiæ tuæ, dignaris me nullo, meo merito,
supra humanum modum consolari.

Neque enim humanarum confabulationum similes
sunt tuæ consolationes.

2. Quid verò feci ut me ullâ cœlesti consolatione
prosequeris ?

Equidè nihil me boni fecisse recolo, sed semper &
ad peccata pronum, & ad correctionem pigrum fuisse.

Id

Id quidem adeo verum est, ut si negem, tu refellas neque me possit quisquam defendere.

Quid peccatis meis merui, nisi Orcum & ignem æternum?

Confiteor dignum esse me omni ludibrio atque contemptu, neque decere ut inter religiosos tuos degam.

3. Quid verò dicam nocens ego, & omni probro plenus?

Equidè nihil habeo quod eloquar, nisi hoc unum: Peccavi, DOMINE, peccavi, miserere mei, ignosce mihi, sine ut calamitatem meam paulisper deplem, antequàm in tenebrosam & opertam mortis caligine terram migrè.

Quid tu verò à fonte miseroque homine aliud exigis, quàm ut sese ob delicta sua afflicter atque deprimat?

Nam in verà sui afflictione, animique depressione, nascitur per spes veniæ fides.

Fide reconciliatur DEO perturbata conscientia, recuperatur DEI favor amissus,

Defenditur homo ab irâ futurâ, sibi que mutuo occurrunt cum sancto osculo DEUS, & poenitentiam agens hominis anima.

Submissus nocentis hominis peccatorum dolor, sacrificium est tibi, DOMINE, acceptum, longè que suavius fragrans, quàm thuris suffitus.

Idem jucundum illud unguentum est, quo sacros pedes tuos perfundi voluisti, qui afflictum depressumque hominis animum nunquam aspernaris.

C A P. LVIII.

DEI favorem, cum iis quorum mens terrestris est, nihil habere negotii.

1. Nate, preciosior est favor meus, quàm ut rebus extraneis, terrenisque consolationibus admisceri patiatur.

Itaque quicquid ei impedimento est, abjicias oportet, si te eo perfundi cupis.

Quære secessum, ama solus habitare tecum, nullius require confabulationem, sed potius religiosas ad DEUM funde

funde preces, ut & tua mens extimuletur, & animus bene sibi conscius sit.

Totum orbem nihili facito, Deique vocatum omnibus exterioribus anteponito.

Neque enim simul & mihi vacare, & pereuntibus delectari potes.

A notis & charis amicis discedendum est, & ab omni mortali solatio avocandus animus :

Sic CHRISTI discipulos admonet Petrus, ut se in hoc mundo pro advenis gerant & peregrinis.

2. O quanta futura est morituro fiducia, quem nullius rei cupido in mundo detinet.

Verum sic ab omnibus semotum habere animum, hominis est non ægri, neque novit interioris hominis libertatem animalis homo.

Si spiritualem se fieri vult, renunciet oportet tum remotis tum propinquis, sibi que à nemine magis, quam à seipso, caveat.

Si teipsum perfecte viceris, cætera facilius subegeris, nam de seipso triumphare, perfecta victoria est.

Qui enim se sibi sic subiectum habet, ut & appetitus rationi, & ratio mihi in cunctis obediat, hic verè & sui victor, & mundi dominus est.

3. Ad hoc fastigium si scandere cupis, viriliter incipiendum est,

Et securis admovenda radici, ut tum tui, tum omnis privati carnalisque boni occultum intemperansque studium excidas & extirpes.

Nam ex hoc uno hominis intemperantiore amore suspendet, quicquid ferè homini radicitus extirpandum est,

Quo malo devicto & subacto, magna pax, perpetuæque tranquillitas subsequetur.

Sed quia pauci sibi metipsis perfecte mori, & ex se ipsis plenè exire conentur, fit ut plerique in seipsis impliciti remaneant, neque supra se spiritu evehi queant.

Qui verò mecum liberè versari cupit, necesse est ut is pravas & intemperatas affectiones suas omnes interimat, neque ulli creatæ rei privato amore cupidè inhæreat.

CAP. LIX.

De naturæ & gratiæ motibus diversis.

1. Nate, naturæ & gratiæ motus diligenter adverte :
Nam ita subtili & inter se contrario modo moventur,
ut nisi à spirituali & penitus illuminato homine vix discerni queant.

Omnes quidem bonum appetunt, inque suis dictis factisque boni aliquid præ se ferunt, ideoque boni specie multi falluntur.

Natura callida est, & multos trahit, illaqueat, decipit, semperque se finem actionum esse vult.

At gratia simpliciter se gerit, & omne mali genus declinat :

Fallaciam nullam adhibet, omniæque planè propter DEUM facit, in eoque ad extremum requiescit.

2. Natura mori, premi, superari, parere, subjici recusat.

Gratia sui interfectioni studet : appetitui resistit :

Subjici vincique cupit, neque suâ libertate vult uti :

Sub magisterio haberi amat neque in quenquam dominari cupit,

Sed sub DEO semper vivere, degere, esse, Deique causâ omnibus rebus humanis submissè subjici parata est.

Natura suo commodo studet, & quid sibi lucri ex altero proveniat attendit :

At gratia non quid sibi utile fit & commodum, sed quid multis profit, magis considerat.

Natura honore & gloriâ libenter afficitur :

At gratia DEO honorem omnem gloriâque tribuit :

Natura probrum contemptumque timet : at gratia ob CHRISTI nomen contumeliâ se affici gaudet.

Natura otium quietemque corporis amat : gratia otii nescia, laborem libenter amplectitur.

Natura curiosa pulchrâque ambit, & à vilibus cras-fisque abhorret :

Gratia simplicibus humilibusque delectatur, aspera non aspernatur, nec ab induendo obsoletos pannos refugit.

Natura peritura intuetur, terrenis lucris gaudet, dolet damno, & quovis contumelioso verbo irritatur :

At

At gratia æternorum rationem habet, perituris non inhæret, jacturâ non turbatur, neque verbis durioribus exacerbat: *quæ sibi in cælo, ubi nihil perit, thesaurum collocaverit.*

4. Natura cupida est, & libentiùs accipit quam donat, privati commodi amans.

At gratia benigna est & liberalis, privati commodi fugiens, paucis contenta, dare quàm accipere beatius judicans.

Natura ad res conditas, ad carnem, ad vanitatem, ad vagationes proclivis est:

At gratia ad DEUM & virtutes allicit, valedicit rebus conditis, fugit mundum, carnis cupiditates odit, vagationes cohibet, & in publico apparere erubescit.

Natura externa solatia ambit, quorum illecebris permulceatur:

At gratia in solo DEO quærit solatium, summoque bono supra omnia visibilia sese oblectat.

5. Natura omnia privati lucri commodique causâ, nihil gratis facit, semperque aut par aut majus præmii, aut laudem favorémve pro benefactis sperat, suâque facta & dona magni pendit cupit.

At gratia nihil mortale quærit, nec aliam quàm DEUM solum sibi mercedem postulat, neque rerum ad vitam hanc necessariarum plus appetit, quàm quantum ad æternam consequendam necessarium est.

6. Natura amicorum propinquorumque multitudine gaudet, nobilitate generisque sui natalibus gloriatur, arridet potentibus, blanditur divitibus, applaudit sui similibus.

At gratia & inimicos amat, nec amicorum turbâ superbit, nec natalium locum ortumve suspicit, nisi fortè major ibi virtus extitit.

Eadem pauperi magis quàm diviti favet: innocentis quàm potentis vicem magis dolet:

Veraci non fallaci gratulatur: bonos semper exhortatur ad optima quæque bona maximè sectanda, Deique filium virtutibus effingendum.

Natura de egestate inopiâque facilè conqueritur: gratia inopiam fert constanter.

7. Natura ad se omnia refert, próque se certat & contendit:

At gratia ad DEUM, unde originem ducit, omnia refert,

Sibi nihil boni ascribit, non arrogans, non contentiosa est, nec suam sententiam aliis præfert, sed in omni veri indagatione divinæ sapientiæ judicioque sese submittit.

Natura scire avet, & nova audire mysteria: ostentatrix sui, & multa sensibus experiendi cupida:

Cognosci cupit, & ea facere, unde laudem admirationemque consequatur.

At gratia novis curiosisque rebus percipiendis operam non impendit,

Quippe cum illud totum ex antiquâ illâ labe ortum habeat, cum nihil novum sit in terris durabile.

Itaque hominem docet cohibere vanam delectationem, ab ostentatione abstinere, & ex omni re atque scientiâ utilitatis fructum, Deique laudem & honorem querere.

Non se neque sua vult prædicari, sed DEO ob dona sua gratias agi cupit, qui merâ charitate omnia largiatur.

8. Hæc gratia lumen est supra naturam positum, & DEI donum quoddam singulare, ac propriè electorum nota & pignus salutis æternæ.

Hominem de terrestribus ad cœlestia amando evehit, & ex carnali spiritualem efficit.

Itaque quantò natura acriùs premitur & vincitur, tantò major gratia infunditur, & interior homo novis dotibus secundum DEI imaginem quotidie reformatur.

C A P. LIX.

De naturæ corruptione, & divinæ gratiæ viribus.

1. DOMINE, mi DEUS, qui me tui similem ad imaginem tui creâsti, concede mihi beneficium illud (quod mihi tam necessarium, esse ostendisti) ut vincam naturam meam, ita pravam, ut me ad peccata interitumque trahat.

Sentio

Sentio enim in carne meâ legem peccati, quæ legi mentis meæ repugnet, ita ut ejus insultibus resistere nequeam nisi mihi opituletur tua illa sanctissima gratia, animo meo ardentè infusa.

2. Opus est tuâ gratiâ, & quidem magnâ, ut vincatur natura, semper ad malum ab ineunte ætate prona.

Nam primi hominis vitio lapsâ vitiâtâque per peccatum naturâ, manavit hujus labis pœnain omnes homines,

Ipsa natura quæ bona & recta à te condita fuerat, pro vitio jam & infirmitate corruptæ naturæ, ad malum & inferiora trahit.

Nam quod ad exiguam illam vim attinet, quæ in eâ remansit, ea est tanquam scintilla quædam latens in cinere.

Hæc est ipsa ratio, atrâ caligine circumfusa, sic tamen ut adhuc boui malique, & veri falsique judicium ac discrimen habeat,

Tametsi nec quicquid approbat, præstare potest, nec pleno jam lumine veritatis, nec sanitate affectionum suarum potitur.

3. Hinc fit, mi DEUS, ut perfectionis viam agnoscam quidem, & quid sit officii mei satis perspicue videam :

Sed meæ labis pondere pressus ad perfectiora non assurgam.

O quàm mihi necessaria est, DOMINE, tua gratia, tum ad inchoandum bonum, tum ad progrediendum atque perficiendum !

Nam neque sine eâ quicquam possum & eâdem me confirmante, omnia possum.

O verè cœlestis gratia, finè quâ, nulla naturæ dona ullo in precio sunt habenda !

Nihil artes, nihil divitiæ, nihil pulchritudo, aut fortitudo, nihil ingenium aut eloquentia, apud te momenti habent, DOMINE, finè gratiâ.

Nam naturæ quidem dona bonis cum malis sunt communia,

At gratia donum est electorum proprium, quâ præditi æternâ vitâ digni habentur.

Sinè eâ nec vaticinandi donum, nec miraculorum effectio, nec abstrusissima rerum arcanarum perspicientia, ullius est precii :

Quin neque fides, neque spes, neque virtutes cæteræ tibi sinè charitate & gratiâ acceptæ sunt.

O beata gratia, quæ spiritu pauperem, virtutibus divitem facis!

Eadémque bonis divitem reddis animo summissum!

Veni, descende ad me, reple me manè consolatione tuâ, ne me præ mentis lassitudine ac jejunitate deficiat animus.

Quæso te, DOMINE, dignare me tuâ gratia!

Ea enim mihi fatis est, quamvis cæteris quæ natura cupit, non impetratis.

Ea, mihi si adsit, nullius tentationis, nullius calamitatis malum metuam.

Hæc mihi fortitudo est: hæc concilium adfert & auxilium:

Hæc universis & hostibus potentior, & sapientibus sapientior est.

5. Magistra est veritatis, doctrix disciplinæ, lumen animi, angorum solamen, tristitiæ fugatrix, timoris sublatrice, nutrix religionis, parens lachrymarum.

Sine eâ quid ego sum nisi aridum lignum, & stirps inutilis atque abjicienda?

Hæc igitur tua gratia, DOMINE, me semper & anteedat & sequatur, efficiatque ut rectè factis perpetuò incumbam, per JESUM CHRISTUM filium tuum. *Amen.*

C A P. LXI.

Nos ipsos abnegare, Christumque per crucem imitari debemus.

1. Nate, quantum à teipso discesseris, tantum ad me transferis.

Quemadmodum nihil foris concupiscere interiorem pacem parit, sic seipsum relinquere, hominem DEO conjungit.

Volo te discere perfectam abnegationem tui in voluntate meâ, sine ullâ contradictione & querelâ.

Sequere me: ego sum via, veritas, & vita.

Sinè viâ non ambulatur, sinè veritate nescitur, sinè vitâ non vivitur.

Ego

Ego sum via quâ incedere, veritas cui credere, vita quam sperare debes.

Ego sum via inviolabilis, veritas nunquam fallens, vita infinita.

Ego sum via rectissima, veritas suprema, vita vera, beata, increata.

In viâ meâ si perseveraveris, veritatem cognosces, téque veritas ita liberabit, ut æternam vitam consequare.

2. Vitam si vis adipisci, præceptis obedito.

Veritatem si nôsse vis, mihi credito.

Perfectus fieri si vis, omnia vendito.

Meus discipulus esse si vis, teipsum abnegato.

Beatam vitam consequi si vis, præsentem vitam contemnito.

In cœlo si vis extolli, in terris teipsum deprimito.

Mecum regnare si vis, mecum crucem portato.

Soli enim crucis servi beatitudinis, veræque lucis viam inveniunt.

3. S. DOMINE JESU CHRISTE, quandoquidem arcta mundôque invisa est via tua, fac ut ego tecum mundum despiciam

Neque enim major est domino servus, neque magistro superior DOMINUS.

Exerceatur servus tuus in viâ tuâ, postquam ibi mihi salus est, veræque sanctitas.

Extra eam quicquid ego vel lego vel audio, id me plenè non recreat aut delectat.

4. D. Nate, postquam ista omnia & legisti, & scis, beatus eris, ea si præstiteris.

Præcepta meâ qui & tenet & exequitur, is me amat, & ego vicissim eum amabo, méque ei patefaciam,

Efficiámque ut mecum sedeat in regno patris mei.

S. DOMINE, effice igitur ut ista mihi contingant, quæ tu dixisti & promissisti.

Crucem ego de manu tuâ accepi: eam ad mortem usque perferam, quemadmodum tu mihi injunxisti.

Certè veri Christiani vita crux est: sed hâc viâ itur in paradysum: retrocedere, aut cœpto desistere non licet.

Eia fratres, pergamus unâ: aderit nobis JESUS.

Propter JESUM crucem hanc suscepimus, propter JESUM in cruce perseveremus.

Erit nobis idem adjutor, qui & dux est, & anteit.

En ante nos ingreditur rex noster pro nobis pugnaturus.

Sequamur viriliter: nemo terrore percellatur:

Simus parati fortiter in bello mori; nevé à cruce refugiendo, gloriæ nostræ maculam inuramus.

C A P. LXII.

Ne nimium dejiciatur homo, si quando in aliquod delictum lapsus est.

1. Nate, magis mihi placet patientia, animique summissio in rebus adversis, quàm multum solatium in secundis.

Cur tantulâ re contra te dictâ cruciaris? quæ etiam si major esset, commoveri non deberes,

Noli istud curare: nec primum nec novum est, nec ultimum erit, si diutiùs vixeris.

Sapès tu virilis es, quandiu nihil occurrit adversi:

Bene etiam consulis cæteris, eosque verbis confirmare nôsti:

Sed cum tibi pro foribus adest repentina calamitas, & consilio & fortitudine deficis.

Animadvertite quanta sit tua fragilitas, quàm sæpiùs experiris in parvis casibus.

Atqui & ista & cætera istis similia tibi salutaria sunt.

2. Abjice ista ex animo tuo, sicuti faciendum esse nôsti:

Quòd si te tangunt, da operam ne vel dejiciant, vel diu distineant:

Eaque si cum gaudio non potes, saltem patienter ferto.

Quod si talia minùs libenter audis, indignationemque sentis, reprime te,

Neve aliquid ex ore tuo prodire patere, unde parvuli offendantur.

Ita fiet ut & mox sedetur ista commotio, & animi dolor reverso DEI favore dulcescat.

Vivo adhuc ego, adjuvare te paratus, & plus solito consolari, si me confusus religiosè invocaveris.

3. Esto

3. Esto æquiore animo, & ad majorem tolerantiam accingere.

Non ideò despondendum est, si te sæpiùs affligi, gravitéque tentari vides.

Homo es, non DEUS: caro, non angelus.

Túne possis semper in eodem statu manere? cùm id & primo homini in paradiso defuerit,

Ego is sum qui & mœrentes erigam sospitatè, & eos qui suam infirmitatem agnoscunt, ad meam eveham dignitatem.

4. S. DOMINE, ago tuis dictis gratias, mihi melle mellisque favo dulcioribus.

Quid facerem in tantis calamitatibus & angoribus, nisi tu me sanctâ istâ oratione confirmares?

Dummodo tandem ad portum salutis perveniam, quid refert quæ & quanta patiar?

Da finem bonum: da felicem ex hâc vitâ discessum:

Memento mei, mi DEUS, méque rectâ viâ in regnum tuum dirige. Amen.

C A P. LXIII.

De altioribus rebus, occultisque DEI judiciis non scrutandis.

1. Nate, de arduis rebus, occultisque DEI judiciis caveto ne disputes, cur hic ita derelinquatur, ille tanto favore augeatur: hic usque adeò crucietur, ille extolatur:

Ista humanum captum excedunt, nec ad pervestigandum divinum consilium ulla ratio aut disputatio satis est idonea.

Igitur si quando ista tibi suggerit hostis aut etiam curiosi quidam sciscitantur homines, respondeto illud vatis:

Iustus es, DOMINE, rectumque est tuum iudicium.

Itémque illud: Iudicia DOMINI vera, & æquitate apta sunt.

Metuenda sunt, non discutienda mea iudicia, utpote quæ humanum captum excedant.

2. Nec

2. Ne de sanctorum quidem virtutibus quærere aut disputare velis, quis cæteris sanctior fuerit.

Hæc enim sæpè lites & contentiones gignunt inutiles: superbiam quoque & ambitionem alunt, unde invidiæ & dissensiones oriuntur, dum alius alium cæteris sanctiorem esse superbè contendit.

Harum rerum discendi cupiditas & investigatio nullum fructum affert: quinimò sanctis displicet.

Neque enim dissensionis ego, sed pacis DEUS sum, quæ pax in verâ modestiâ, non in arrogantiâ sita est.

3. Nonnulli charitatis studio in hos quàm in illos sunt propensiores: sed id humano potius quàm divino affectu faciunt.

Ego is sum qui sanctos omnes condidi, qui eosdem dotavi, gloriâque effeci:

Ego singulorum virtutes novi, ego illos suavissimis muneribus provocavi:

Ego amandos ante omnem ævi seriem præscivi: ego eos ex mundo, non ipsi me elegerunt:

Ego meo favore vocavi, misericordiâ attraxi: ego eos per varias tentationes perduxì, præclarisq; consolationibus perfudi:

Ego perseverantiam dedi, eorûmq; patientiam coronavi:

4. Ego & primum & novissimum novi: ego omnes incredibili amore complector:

Ego in omnibus sanctis meis laudandus, & in singulis supra omnia celebrandus atque honorandus, quos à me destinatos tam gloriosè evexerim, nullis eorum meritis antegressis.

Itaque qui vel minimum meorum contemnit, is ne magnum quidem honorat,

Quippe cum parvos æquè ac magnos ego idem fecerim,

Omnes unum sunt charitatis vinculo idem sentientes, idem volentes, simulque omnes mutuo se amore prosequentes.

5. Quinimò plus me quàm se diligunt:

Nam supra se rapti, & extra sui amorem tracti, totî in amorem mei pergunt, inque ejus frutione conquiescunt,

Ita ut nihil eos avertere aut deprimere queat, quippe qui æternâ veritate pleni, igne ardeant charitatis inextinctæ.

Definant igitur carnales & animales homines de sanctorum statu differere, qui non nisi privata gaudia diligere sciunt.

6. Multi adhuc naturali affectu & humano amore in hos aut illos trahuntur:

Ac quomodò in inferioribus animati sunt, ita & de cœlestibus imaginantur.

Enimverò dici non potest quanto inter sese distent discrimine quæ imperfecti cogitant, & quæ divinitus illuminati homines desuper sibi patefacta speculantur.

Quamobrèm cave, nate, ne ea curiosius tractes, quæ ingenii tui captum excedunt:

Sed in id potiùs incumbe, ut vel minimus in regno DEI inveniaris.

Jam verò si quis sciret quinam in regno cœlesti cæteris sanctiores aut majores habeantur, quid ei prodesset ejus rei notitia, nisi se mihi tantò magis submitteret, & in majorem nominis mei laudem exurgeret?

Multò acceptiorem rem DEO facit, qui de suorum peccatorum magnitudine, virtutùmque exiguitate cogitat, ac quàm longè à sanctorum perfectione distet, quàm qui de sanctorum magnitudine aut parvitate disputat.

7. Non gloriantur illi de suis meritis, quippe qui sibi nihil bonitatis ascribunt, sed mihi omnia accepta ferant, utpote qui eis omnia pro immensâ meâ charitate donaverim.

Et quidem tanto amore divinitatis tantâque lætitiâ circumfluunt, ut nihil eis gloriæ, nihil felicitatis desit.

Omnes sancti quantò gloriâ sublimiores, tantò modestiores, mihiq̃ue & viciniore & chariores sunt.

Atque hanc ob causam scriptum est illud, eos coronas suas ante DEUM abjecisse, & prono coram agno vultu, adorâsse viventem in omnia secula.

8. Quærunt multi quisnam sit in regno DEI maximus, ignari an ipsi in minimorum numero sint habendi.

In cœlo vel minimum esse magnum est, ubi omnes magni sunt:

Omnes enim filii DEI & vocabuntur & erunt.

C A P.

CAP. LXIV.

*Omnem spem & fiduciam in solum DEUM esse
defigendam.*

1. DOMINE, in quonam mihi sita est in hac vitâ fiducia: aut quidnam mihi maximo solatio est ex omnibus rebus quæ usquam subcælo constant?

Nónne tu, DOMINE mi DEUS, immensâ prædite misericordiâ?

Quando mihi vel sinè te bene, vel te præsentem malè fuit?

Equidem propter te pauper quàm sinè te dives esse malo: potiùsque tecum in terra peregrinari quàm sinè te cælum possidere.

Ubi tu es, ibi cælum est: rursumque ubi tu non es, ibi mors & orcus est.

Tu mihi in desiderio es, ideóque ad te gemere, clamare, orare necessità habeo.

Nulli denique plenè possum confidere, qui mihi in meis necessitatibus opportunè auxilietur, nisi tibi soli DEO meo:

Tu mea spes, tu fiducia, tu consolator, & in omnibus fidelissimus.

2. Omnes suis rebus student: tu nihil nisi salutem profectumque meum expetis mihi que omnia in bonum convertis.

Quòd verò variis me tentationibus & casibus objicis, id omne ad utilitatem meam constituis, mille modis tibi dilectos explorare solitus,

Quâ quidem in exploratione non minùs diligere debes, & laudari quàm si me cœlestibus consolationibus repleres.

3. In te ergo, DOMINE DEUS, spem omnem perfugiumque mihi colloco:

In te calamitates omnes, angoresque meos constituo:

Nam extra te quicquid conspicio, id omne infirmum & instabile invenio.

Siqui-

Siquidem nec amici prodesse, nec fortes opem ferre queunt, nec prudentes utile dare consilium, nec doctorum libri consolari, nec ullâ opum copiâ liberare, nec abditus locus tutari, nisi tu ipse adsis, adjuves, confirmes, consoleris, instruas, & custodias.

4. Etenim omnia quæ videntur ad pacem ac felicitatem consequendam pertinere, te absente nihil sunt, nihilque felicitatis reverà afferunt.

Itaque omnium bonorum finis, & vitæ culmen & omnis orationis profundum tu es, & in te supra omnia spem habere, validissimum est solatium cultorum tuorum.

In te coniectos habeo oculos: tibi confido, mi DEUS, misericordiæ pater.

Felicita, sanctâmq; effice animam meam cœlesti felicitate, ut ea fiat tua sancta habitatio, & sedes æternæ gloriæ, nihilque in templo tuo sordium inveniat, quod oculos tuæ majestatis offendat.

Pro tuæ bonitatis magnitudine, misericordiæque multitudine respice me, & preces exaudi inopis servi tui, procul exulantis in regione ferali.

Protege & conserva animam fervuli tui, inter tot mortaliis vitæ discrimina,

Méq; ductu favoris tui dirige per viam pacis, in patriam sempiternæ claritatis.

F I N I S.



Quidam hic sunt propter hoc forte opem ferre
quoniam non pariter esse deo constantem nec docto-
rum illis constantem, nec illi opem recipi hinc, nec
colitis locum tunc, aliterque hinc, aliterque, con-
tinent, constantem, hinc, & colitis.
1. Hinc omnia que videtur ad pacem ac felicitatem
consequantur, hinc, & colitis hinc, & colitis.
2. Hinc omnia que videtur ad pacem ac felicitatem
consequantur, hinc, & colitis hinc, & colitis.

3. Hinc omnia que videtur ad pacem ac felicitatem
consequantur, hinc, & colitis hinc, & colitis.
4. Hinc omnia que videtur ad pacem ac felicitatem
consequantur, hinc, & colitis hinc, & colitis.

5. Hinc omnia que videtur ad pacem ac felicitatem
consequantur, hinc, & colitis hinc, & colitis.
6. Hinc omnia que videtur ad pacem ac felicitatem
consequantur, hinc, & colitis hinc, & colitis.

7. Hinc omnia que videtur ad pacem ac felicitatem
consequantur, hinc, & colitis hinc, & colitis.
8. Hinc omnia que videtur ad pacem ac felicitatem
consequantur, hinc, & colitis hinc, & colitis.

9. Hinc omnia que videtur ad pacem ac felicitatem
consequantur, hinc, & colitis hinc, & colitis.
10. Hinc omnia que videtur ad pacem ac felicitatem
consequantur, hinc, & colitis hinc, & colitis.

W. I. S.



